

**NATIONAL ASSEMBLY OF
SEYCHELLES**

Wednesday 09th March, 2022

The Assembly met at 9am

National Anthem

Moment of Reflection

Mr Speaker in the Chair

MR SPEAKER

Mersi. Bonzour Manm Onorab, bonzour nou *staff* ki dan Lasanble. Bonzour nou piblik ki a lekout. Mersi pou zwenn nou. Mon pou al direkteman lo en *Bill* e sa i avek Minis pou Lagrikiltir, Sanzman Klima ek Lanvironnman. Madanm raporter mon pou demann ou pou apel Minis ek son delegasyon.

Bonzour Minis Flavien Joubert e avek ou lezot zofisye lo *panel* Mr Denis Matatiken Sekreter Prensipal pou Lanvironnman, Mrs Sharon Gerry, *Senior Legal Officer* dan ou Minister e Mrs Irene Sirame *Legal Draftsperson* dan *AG's Office*.

Byenveni pou zwenn nou, nou pe pran *Nature Reserves and Conservancy Bill, 2021*. E pou *Second Reading* e mon ava apel *Leader of Government*

Business pou prezant Mosyon pou *Second Reading*.

HON BERNARD GEORGES

Bonzour Mr Speaker. Bonzour Minis ek ou delegasyon. Bonzour tou bann Manm Lasanble e tou dimoun ki pe swiv nou dan lakour.

Mr Speaker anba *Order 69(2)* nou *Standing Orders* mon move ki *Nature Reserves and Conservancy Bill, 2021* i ganny lir pou en Dezyenm Fwa. Mersi.

MR SPEAKER

Mersi. Segonnman Onorab Arissol.

HON SANDY ARISSOL

Bonzour Mr Speaker. Bonzour Minis avek ou delegasyon. Bonzour tou bann Manm. Mr Speaker mon ti a kontan segonn Mosyon propoze par Onorab Georges. Mersi.

MR SPEAKER

Mersi Onorab Arissol. Minis prezan laparol i pou ou.

**MINISTER FLAVIEN
JOUBERT**

Mersi Mr Speaker. Bonzour Mr Speaker. Bonzour tou bann Manm Lasanble e osi tou bann manm piblik ki pe ekoute ozordi bomaten.

Mr Speaker ozordi bomaten mon devan Lasanble avek delegasyon sorti kot Minister, pou demann Lasanble pou met an fors en nouvo Lalwa ki apel *Nature Reserves and Conservancy Bill* e konsekaman retir Lalwa *National Parks and Nature Conservancy Act, 1969*.

Sa *drafter* Lalwa ti ganny devlope par Minister an kolaborasyon avek *Attorney Zeneral* apre seri konsiltasyon avek bann parti prenon e osi avek piblik.

Sa *Bill* in ganny devlope dan sa dernyen 6an. I ti ganny prezante avek piblik atraver en *White Paper* ki ti ganny fer ant Fevriye ek Mars 2019. Dan sa peryod Minister ti fer bann manm piblik ki ti enterese ganny kopi sa *drafter* Lalwa atraver *Facebook* e osi *website*.

Bann kopi sa dokiman ti osi ganny anvoye kot bann diferan dimoun ki enterese, ouswa ki annan okenn keksoz pou fer avek sa size;- par egzanp bann ki pe *manage* bann landrwa proteze, bann *non-governmental organization*.

E osi bann partener ki ti pe travay lo bann proze avek Minister, bann Gouvernman ki parastatal enkli bann lorganizasyon parey *Petrol Seychelles*.

2 miting piblik ti ganny organize e son premye ti ganny fer kot *STC Conference Room* le 02 Fevriye 2019 e dezyenm ti ganny fer le 09 Fevriye 2019 Grand Anse, Sant Kominoter Grand Anse pou bann rezidan Praslin ek La Digue.

Finalizasyon sa Lalwa pou siport bann promes ki'n ganny fer par Sesel, par egzanp lo sa *debt swap* e osi sa *marine special plan*. I osi en konponan enportan bann proze ki'n ganny fer dan lepase, par egzanp dezinyasyon nouvo lespas proteze, e tousala pou depan lo sa nouvo *Bill* ek son bann provizyon ki li i fer.

Alor Mr Speaker bann nouvo provizyon ki sa *Bill* pe fer, pe anmenn devan, se letablisman en *National Advisory Committee* e osi son bann fonksyon. E sa se pou konsey Minis lo bann keksoz ki annan pou fer avek sa Lalwa.

I annan bann nouvo kategori proteksyon ki pe ganny entrodwir e la i annan 6 kategori. E sa i alinyen avek Polisi lo *Protected Area* ki ti vin avan sa *Bill* ti ganny prepare an 2013.

Anba bann nouvo kategori nou annan pli o kategori se *Strict Nature Reserve*, apre dezyenm ou pou annan *Ecological Reserve* apre ou pou

annan *national park* apre *protected landscape or protected sea scape*. Apre ou annan *sustainable use area*, apre ou annan osi *transboundary protected area* ki bann lespas ki travers atraver lafrontyer.

Sa Lalwa osi pou fer provizyon pou dezinyasyon e pou evokasyon bann lespas proteze. I pou osi anmennen provizyon pou bann mezir enterim ki kapab ganny pran pou protez bann diferan lespas, ki fer ki Minis ouswa Gouvernman, i a kapab met bann mezir an plas lo bann landrwa ki merit ganny proteksyon avan, ki en provizyon legal i ganny fer pou proteksyon sa landrwa.

Sa Lalwa i osi annan provizyon pou bann proteksyon dapre sezon savedir, *seasonal protection status*. E sa i permet Minis pou *designate* serten landrwa pou serten peryod letan, pou protez serten lespes ouswa serten ekosistenm. Par egzanp nou pe koz lo letan ki torti pe monte, ouswa lezot lespes ki pe reprodwir.

I osi annan provizyon pou *management* pou bann diferan lespas proteze, avek bann Lotorite ki egziste ouswa bann nouvo Lotorite. I annan provizyon pour ki i annan bann *Management Agreement* ant

bann propriyeter ek bann antite ki pou *manage* sa bann lespas ki avan sa i pa ti neserman dan Lalwa i ti pe ganny fer dapre bann laranzman parey kontra.

Sa Lalwa osi i entrodwir e klarifye en kantite bann provizyon ki annan pou fer avek akse ek restriksyon dan bann *Protected Areas*. I fer provizyon pou bann *authorized officers* ganny dezinyen ek zot bann pouvwar ki zot pou annan. I annan bann *offences and penalties*, tou bann keksoz ki annan pou fer letan Lalwa i ganny kase.

E osi i annan en provizyon ki pou fer *repeal and savings*, kot i pou *repeal* sa Lalwa ki vin avan parey mon'n mansyonnen *National Parks and Nature Conservancy Act*. E i pou permet osi ki nou kapab re klasifye bann *protected area* ki egziste ozordi, dan en kategori anba sa nouvo Lalwa, san ki nou bezwen al repet prosedir dezinyasyon pou bann *protected area* ki deza egziste.

Sa i akoz nou pa ti a voudre ki akoz sa avek sa nouvo Lalwa, bann lespas proteze bann park ek bann rezerv ki annan ozordi, i pou bezwen al repas dan en prosedir konplet e zot a zis ganny anmennen dan sa nouvo sistenm klasifikasyon.

Mr Speaker diskisyon avek bann Manm Lasanble ki'n ganny fer avan ki sa Lalwa in ganny prezante isi ozordi, in lev serten pwen e ki nou ti a voudre pas lo 5 sa bann pwen ki ti leve.

Enn se sa size *temporary* ouswa *seasonal protected areas*.

En detay adisyonnèl ki mon ti a voudre mete lo la, ti annan serten Manm ki ti en pe konsernen avek sa size, e ti pe demande akòz ki nou pa zis met sa proteksyon anba bann Lalwa ki protez bann lespes zot menm.

Mon ti a voudre fer kler ki sa provizyon i aktyelman anliny avek bann panse ki annan ozordi avek bann proteksyon, e eksplwatasyon bann diferan lespes;- bann diferan resours ek bann diferan lespes. Legzanp se ki 2021 ti annan en Lalwa ti sorti en regilasyon *S.I 77 anba Fisheries Act pou Mahe Plateau, Trap and Mahe Fisheries Regulations*.

Sa Lalwa i fer provizyon pou protez bann landrwa kot pwason pe reprodwi, kot nou annan bann *fish aggregation* parey zot dir. Alor sa provizyon, proteksyon dapre sezon, i anliny avek menm fason panse, kot si ou annan en sityasyon lot ou annan en lespes par egzanj in akimil ki'n konsantre dan en

landrwa e pe reprodwi, ouswa ki pe servi en landrwa pou en peryod letan ki kritik pou son sirviv, pou kapab met en proteksyon pou sa peryod ki sa lespes i dan sa landrwa - e pou sa peryod ki sa lespes i pe fer sa bann keksoz dan sa lespas.

E *once* ki sa aktivite, ouswa sa levennman i nepli la, ou kapab tir proteksyon lo sa landrwa, zis parey ou annan avek pwason letan sa reprodiksyon pwason in fini ganny fer, ou kapab rekontinyen lapas lo sa resif parey normal.

Me sa i evite ki nou bezwen met proteksyon lo tou ban lespas lo en baz permanan. I annan en lot pwen ki ti leve konsernan en definisyon dan Lalwa ki apel *seascape - protected seascape*. E sa term *seascape* Mr Speaker, i aktyelman reflekte en term ki deza dan Lalwa ozordi ki apel *areas of outstanding natural beauty*.

Me i en term ki defini en lespas maritim. Savedir ou kapab annan *protected landscape* ek *protected seascape*. E sa i en definisyon ki i pe ganny servi dan plizyer lenstan dan bann dokiman ki nou'n swiv en pe enternasyonalman, e i zis *extend* sa menm kalite panse,

sa menm kalite definisyon pou bann landrwa ki maritim.

Lot pwèn nou ti leve se legzersis bann drwa anba bann drwa sivil dan bann ka ki ou annan bann proteksyon nivo pli o.

Wi Mr Speaker nou koleg lo kote *Attorney Zeneral* i ava pas en pe plis lo la apre si i annan keston. Sa bann drwa dan serten ka, i kapab ganny limite dapre lenformasyon ek konsey ki mon'n gannyen, me i pa kapab ganny retire.

Nou konnen ozordi ki i annan plizyer bann landrwa, kot letan ou pou antre ou pou bezwen swiv bann Protokol ki deza egziste;- kot par egzantp ou bezwen debark lo en pwèn debarkasyon ki'n ganny dezinyen, e ou osi bezwen ganny enspekte e swiv bann Protokol ki egziste, pou fer sir ki napa lenpak lo sa landrwa proteze.

E drwa pou limit sa bann drwa sivil provizyon pou limit sa bann drwa sivil i anba Seksyon 17 sa Lalwa. Savedir legalman ou kapab fer probasyon pou met bann Protokol, an plas ki pou limit aplikasyon sa bann drwa me ki pa pou retir sa bann drwa antyerman.

Seksyon 25 ti annan en keston kot i konsern en term ki ti ganny servi ki apel

extracting biodiversity. Nou pe, nou dakor ki petet i kre en pe anbigite, e nou pe propoze ki sa i ganny ranplase par *extraction of biological material* ki bokou pli senp e bokou pli direk.

Ti osi annan keston lo aplikasyon *enforcement* Lalwa. Nou repons lo *enforcement* Lalwa Mr Speaker se ki sa Lalwa ki nou pe propoze pe ganny met devan Lasanble ozordi, i pa diferan avek sa ki egziste ozordi. I pou servi menm striktir *enforcement*. I pou depan prensipalman lo bann menm antite ki egziste ozordi. I pou annan serten provizyon adisyonel pou bann *authorized officers*.

Me osi mon krwar i enportan ki nou note ki sa Lalwa ki nou aplike dan teritwar annantye e ki nou pou bezwen korperasyon tou partner pou nou aplik sa Lalwa. Resaman mon'n okouran ki bann diskisyon ki'n ganny fer se, pour par egzantp *Coast Guard* i kapab enplik li bokou plis dan bann aktivite ki annan pou fer pa zis militer me bann aktivite sivil.

E mon krwar sa i pou ed nou en kantite, pour ki sa Lalwa i kapab ganny aplike dan en teritwar annantye san ki nou bezwen kre en nouvo striktir pou aplikasyon Lalwa dan pei.

Alor Mr Speaker mon ava aret la e mon ava pran okenn pwen, mwan ek mon lekip ki bann Manm i annan lo sa Lalwa. Mersi.

MR SPEAKER

Mersi Minis pou ou lentrodiksyon. Nou ava prosede avek entervansyon bann Manm. Onorab Hoareau in sinyal mwan ki i oule komanse. Onorab.

HON JOHN HOAREAU

Mersi Mr Speaker. Bonzour Mr Speaker bonzour tou dimoun a lekout. Bonzour Minis avek ou delegasyon. Mr Speaker mon annan enn de pwen lo merit sa *Bill* ki mon ti a kontan diskite avek Lasanble.

Premyerman sa *Bill* pe permet partisipasyon NGOs zabitan prive, vedir nenport manm ordiner dan lasosyete, oubyen bann *school clubs* oubyen bann *eco clubs*, pou kapab donn en koudmen Gouvernman pou *co-manage* bann landrwa ki nou apel bann *Preserve Nature Parks* oubyen bann *areas*.

Dabor pou zot fer sa zot pou bezwen *submit* en *Management Agreement* ki Minis i ava pran konsiderasyon e baze lo zot program pou zot donn proteksyon sa landrwa,

zot a kapab ganny sa permisyon pou zot partisipe ed Gouvernman pou kapab prezerv bann labita, bann landrwa proteze.

Anfen mon kapab ozordi dir *thumbs up* avek lekol Port Glaud ki tou resaman in ouver en *LEAP club*. *LEAP meaning Locally Empowered Area Protection* avek led *Nature Seychelles* avek Lanbasad L'Almanny ki osi pe siport sa linisyativ.

Mon panse ki *Nature Seychelles* pou *back zot up* sa bann manrmay avek bann ekspertiz, bann domenn syantifik e answit zot sa bann manrmay zot a ede pou prezerv Cape Ternay avek Baie Ternay *Marine Parks*.

Sa dan li menm i montre en lavansman *from* sa Lalwa, ki ti la avan ki pe al ganny *repeal* ki apel *National Parks and Nature Conservancy Act (Cap) 141*. Ki si oule i *outdated*. I pa pe donn sa bann loportinite ase i pa pe dekrir sa bann loportinite dan sa fason.

Pou sa bann zanfan i pou annan en potansyel osi pou zot aprann bokou atraver leksperyans ki zot pou kapab anmase, ler zot pe prezerv sa bann lespas.

Potansyelman sa bann landrwa i annan, i kapab annan

cure pou serten maladi, serten keksoz serten lespes. I kapab osi en bann landrwa ki ou pe mentenir legzistans bann *species*, akoz zot an danze. I kapab en landrwa k pou kre bann *ecological balance*.

I kapab osi annan bann *cultural values* ki asosye avek e answit bann lezot rol, bann labita natirel, ki anba prezervasyon sa bann zanfan pou kapab aprann e ganny gran konesans lo la.

So sa i en pa dan en bon direksyon i en pa kot nou pe *empower* nou bann zenn pou zot pran zot responsabilite lanatir ki Bondye in kit avek nou, ki form parti nou patrimwann nasyonal.

E i form parti en biodiversite lemonn ki si oule son *inter linkage* avek lezot keksoz ler ou pe get *biosphere* ler ou pe get sa lemonn koman i ete ki fer, i zwe en rol enportan.

Dezyenmman sa *Bill* pe fer probasyon pou en Nasyonal *Advisory Committee* pou ganny apwente ki annan 5 Manm, ki sipoze en *technical group* e sa pou *advice* Minis e donn rekomandasyon lo bann sizesyon pou met bann landrwa anba proteksyon.

E sa *National Advisory Committee* i en fonksyon santral

si oule pou sa *Bill*, parske i pou permet sa group dimoun sa ki lo sa Komite pou evalye okenn demann. Demann i kapab sorti piblik kot en dimoun ordiner en sitwayen ordiner, i kapab sorti kot Gouvernman li menm, e i kapab sorti osi kot en group NGOs.

Alor sa group i bezwen en group ki annan, mon met li koumsa *the best brains* ek leksperyans dan domenn konservasyon e prezervasyon. I bezwen en group byen enformen lo bann teknik, bann keksoz teknikal syantifik e sosyal e laspe proteksyon parey mon dir e konservasyon.

E mon ti a voudre ki Minis i pran gran ka pou met parey mon'n dir ankor bann *best brains* lo sa komite. Sa *Bill* i osi pe reponn en bezwen nasyonal ki avan nou pa ti pe pran li an gran kont parske i ti napa sa nesesite avan, me selman sa nesesite pe antre dan kad devlopman nou pei se *transboundary status*.

Enteresan Mr Speaker akoz Sesel ek Moris, i annan en *Joint Management Agreement* lo bann rezyon lo plato Mascarene ki nou apel Saya de Malha. E okenn, e nou kapab eksplwat bann resours soumaren, bann koi lo plato kontinantal tandis

ki son lespas maritim i *high seas*.

Me avek sa Lalwa, i pou posib pour Gouvernman pran desizyon si i annan serten lespes, dizon serten lespes ki nou dekouver la dan sa *area*, serten lespes banbara, mon pa konnen serten lespes ki viv lo *seabed*, ki bezwen ganny proteze.

So Gouvernman i kapab pran desizyon anba sa Lalwa, pou protez sa *area*, menm si i pa tonm dan nou *zone* eksklizif i tonm dan *straddle* ant de *sovereign state*, nou pou kapab fer li aköz anba sa Lalwa nou annan sa provizyon.

Mr Speaker prosedir pou met en landrwa anba proteksyon i ase konplike. E mon mazine poudir Minis avek son delegasyon avek son dimoun teknik ki'n drafte sa Lalwa in pran byen kont pou met li ase enplike, pou ogmant nivo la transparans e rankont.

Akoz par egzanp si ou gete apre ki i annan en rekomandasyon ki sorti kot sa *National Advisory Committee*, i al kot Minis, Minis i bezwen pibliy sa lo Gazet Ofisyel e donn detay ki enkli kalite proteksyon, mezir, ki fason pou ganny mentenir, anba ki peryod letan pou ganny fer e lezot keksoz ankor.

Sa se pou zistifye aköz sa landrwa i devret ganny met anba proteksyon. Apre sa i bezwen ganny gazete e i bezwen *go to public consultation* answit si i annan lobzeksyon i bezwen retourn kot Minis e Minis i bezwen retourn kot *National Advisory Committee*. Kot la zot pou bezwen gete evalye sa bann lobzeksyon si i *vexatious*, oubyen si napa merit parey nou dir e answit retourn o Gazet Ofisyel e pibliy sa.

Tout an fezan sa zot bezwen mentenir en rikord, ki kapab ganny enspekte par piblik lo sa bann size. So i annan en vatevyen *from the public to the Ministry or to the body* ki ganny konsakre avek sa responsabilite. Sa se pou fer sir ki okenn desizyon ki ganny pran pa en desizyon alalezer.

Mr Speaker anba sa Lalwa, i annan provizyon osi pour ki Minis atraver *S.I.* i kapab donn, kre bann lezot pti Lotorite pou *manage* bann landrwa proteze si i nesaser.

Par egzanp si i annan en landrwa ki'n ganny *seasonal protection*, e pandan sa letan ou bezwen en lafors ki kapab mentenir Lalwa dan sa landrwa, ki fer sir ki sa bann kriter ki ou'n mete i pa ganny kase.

Alor anba sa Lalwa ki la li menm, Minis i kapab kre en pti Lotorite, i kapab annan *full police power* pou *seizure*, pou *investigate*, pou fouye ensidswit, pou kapab anmenn en lofans devan.

E sa lofans li menm i kapab ganny trete lo 2 nivo;-swa Lakour li menm ki kapab antreprann sa koman en *offence*, oubyen Minis li menm anba *compounding of offences* ki kapab antre dan en negosyasyon avek sa dimoun.

Me selman i bezwen fer konnen Lofis *Attorney Zeneral*, pou fer sir ki okenn desizyon ki ganny pran i en desizyon ki pa zis *on the whim of the Minister* li menm, me selman i en keksoz ki ganny fer dan tout la transparans. E si par egzantp i annan en ka kot i bezwen donn en *offence*, donn en pinisyon kot ou pey serten lanmann, sa lanmann i bezwen egal avek sa lofans ki'n ganny kree. *Ok?*

So se sa en pti pe i pou kapab protez bann landrwa kot zwazo i tonn, bann landrwa kot torti i monte, tout an prenon kont ki i annan lezot Lalwa ki kapab osi par egzantp *Turtle Act*, ki kapab petet donn plis proteksyon sa bann nespes.

Mr Speaker avek sa mon pou termin la e mon pou siport sa *Bill* ki'n ganny anmennen

devan nou, pour ki nou ganny en pe plis proteksyon, en pe plis lord osi, en pe plis laranzman striktirel dan lafason ki nou teritwar i ganny amenaze. Mersi.

MR SPEAKER

Mersi Onorab. Nou a kontinyen avek Onorab Cosgrow.

HON WALLACE COSGROW

Mersi Mr Speaker. Bonzour Mr Speaker. Bonzour Minis avek ou tim. Mr Speaker i pa en sekre ki nou viv dan en bann pli zoli pei o mon'n beni avek laverdir disab blan avek lanmer ble, ek en biodiversite ris ki mervey lemonn.

Sete sa ki mon ti dir dan mon repons lo *speech* leta lanasyon fer par Prezidan. I pa ti par azar ki mon ti dir sa, akoz parey mon'n dir i en fe e i en keksoz ki nou tou Sesel ozordi nou kapab war, nou kapab temwannyen. E lemonn osi i kapab temwannyi sa *statement* ki mon fek fer resorti la.

Mr Speaker nou'n fer bokou diran bann lannen ki'n pase pou protez nou zoli pei. Kantite in ganny fer. En kantite dedikasyon par bann diferan group dimoun, ki swa dimoun ki'n travay dan Gouvernman dan bann Departman, Lazans me osi bann dimoun, petet plis

bann dimoun ki travay dan bann lorganizasyon non-gouvernmental, se zot ki deor ki lo teren ki fer bokou bann louvraz proteksyon.

E Mr Speaker se i enn bann rezon akoz nou en sanpyon Lanvironnman ozordi dan lemonn. Nou en Sanpyon Lanvironnman e nou pa fek ganny rekonnet. E parey mon dir atraver bokou travay ki'n ganny fer dan lepase, bann *staff* Lanvironnman i ava dakor avek mwan.

Ozordi mon anvi tir mon sapo petet e remersye zot e bann diferan dimoun ki mon'n nonmen, pou zot devosyon e komitman atraver sa louvraz ki zot pe fer.

E pou fer sir ki nou gard Sesel sa ki nou ete. Akoz nou konnen, nou lanvironnman i enn nou bann mon krwar nou dir sa atou ki permet nou ganny nou dipen, i permet nou fer aktivite ekonomik, i permet nou ganny sa kantite touris. E petet san nou lanvironnman nou pa ti pou kot nou ete ozordi an term ekonomik avek devlopman imen.

An dizan sa Mr Speaker sa Lalwa i enn ki parey Minis in dir, i annan en pe letan depi ki i pe ganny devlope. E mon krwar in annan en kantite

konsiltasyon, kantite dimoun ki'n met zot *input* ladan.

E dabor parey zot konnen Lalwa Lanvironnman i enn bann keksoz ki vin devan Lasanble, ki tou Seselwa petet nou kapab dir nou kapab annan en pti rezervasyon me selman nou bouz devan avek okenn Lalwa lanvironnman akoz i pou benefis nou pei.

E prensipalman sa Lalwa ozordi nou pe get li avek petet sa 30poursan ki nou ti *designate* nou *EEZ* pou koman bann *marine protected areas*, serten ladan i *no take* e serten ladan i pou nou *sustainable use*.

So sa Lalwa mon war li i pe vin a en moman kot petet en pti pe an retar. Mon ti pe ekspekte li pou vin petet en pti pli boner petet lannen pase, me *anyway* in arive. I pou ed nou petet kapab *manage* serten sa bann *zone* ;- sirtou sa bann *zone* ki nou apel *sustainable zone*, kot i annan bann lezot aktivite ki pou ganny fer.

Akoz nou ava rekonnet oparavan ki bokou ki mannyer nou ti *designate* bann landrwa ti annan, ti napa vreman bann lespas pou nou kapab fer serten lezot aktivite, malgre nou konnen poudir dan en *protected area*, i annan serten lenstans. Parey Lalwa i mete lo diferan

status, bann diferan landrwa ou pou gannyen. I annan serten lenstans ki ou pou kapab fer serten aktivite, me solman avek *strict guidelines* avek *strict* fason fer.

So, mon santi ki petet sa Lalwa i ava kapab permet, pou kapab permet nou kapab antreprann sa en pe pli byen.

Me an dizan sa Mr Speaker mon krwar i annan serten klarifikasyon ki Minis avek son tim pou bezwen donnen, pou met keksoz kler deor pou piblik e se sa piblik, se sa lodyans ki nou bezwen satisfere ozordi.

Petet nou dan Lasanble nou deza *convince*, so nou konpran aköz serten keksoz pe ganny fer. Me solman *the greater public out there* i bezwen kapab ganny lakseptans. E parske se zot *at the end of the day*, ki pou ed Lotorite avek bann NGOs, kapab fer sa Lalwa aboutir dan keksoz kot nou tou nou pou fyer, nou pou benefisyè.

I annan 3 pti keksoz mon anvi koz lo la e Minis in fer resorti. Enn, se *seasonal protection* e ti en pti pwen kontansyon. *Now* nou konnen si nou pran par egzantp *seasonal protection* an relasyon avek tortidmer ki vin ponn lo nou bann lans, nou konnen

petet i pa tou lans ki annan torti, me selman i annan en kantite lans atraver Mahe, Praslin, La Digue ek bann lezot zil ankor, kot torti i monte pou ponn.

E *now*, nou bezwen byen kler, nou bezwen *careful*. Ler nou dir *seasonal protection*, kwa ki *entail seasonal protection*? Kwa ki kapab ganny fer dan sa bann lespas? Aköz nou pa anvi *from* Oktob, mon bliye ki *turtle season*, *from* Oktob *to* mon krwar ziske Me, *or* petet pli pti git.

Nou pa anvi en sityasyon kot Seselwa pa ti kapab akse lans, aköz i annan en *seasonal protection* lo tou sa bann lans. Ou konpran? So nou bezwen kapab annan en *trade-off* la. Nou bezwen annan en fason ki manner nou *operate* ki *why* nou bezwen proteze.

Mon dakor nou bezwen proteze, be nou bezwen osi kapab les Seselwa zouir son pei e petet les serten *economic activity* osi pran plas dan sa bann landrwa. Par egzantp si i annan en lotel ouswa en pti *guest house* ki bezwen kontinyen *operate*, e si torti pe monte ki nou fer konmsi? Si sa landrwa i *seasonally protected*, ki nou fer?

Sa touris pa kapab sorti pou al deor in pey son larzan ?

Sa Seselwa pa'n kapab vin *enjoy* son lans? So se sa mon krwar ki nou bezwen klersi. Pou vin en *issue* si nou pa fer bann *outreach program*, nou pa fer dimoun konpran kisisa *really seasonal protection* e kwa ki i *entail*.

Dezyenm Mr Speaker se apropro *access and fees*, nou konnen poudir ozordi dan tou bann *parks - marine parks or terrestrial parks*, Seselwa i ganny akse *free*. E Seselwa i ganny akse i kapab *enjoy* sa bann park, i kapab *enjoy* son pei *free*. Parkont touris i peye ki normal.

Me petet Minis i bezwen osi dir nou, eski i annan en depar dan sa ki mannyer nou ete ozordi? Eski akoz i annan en seksyon *access and fees* dan Lalwa, eski nou pe al dan en semen kot evantelman akoz i koute pou *manage parks*; akoz i annan serten travay ki bezwen ganny fer dan serten *parks* pou kit li lo sa standar, eski nou pe al dan en direksyon kot petet Seselwa pou evantelman bezwen peye pou antre dan bann *parks*?

Sa i bezwen ganny fer byen kler. Parey mon'n dir piblik i bezwen ganny met okouran byen kler ki pe pase pou li kapab apartenir dan sa

plan, ki petet vizyon ki Gouvernman i annan.

Trwazyenm pwen Mr Speaker i an ou fer avek *co-management* - bann lobligasyon, ki lobligasyon ki Gouvernman i annan an term *co-management*?

Akoz mon konnen dan lepase i annan serten petet propriyeter ki dir Gouvernman i oule *designate* sa. Me solman ki mannyer nou *manage* sa landrwa? Ki mannyer nou met larzan dan sa landrwa pou *manage* sa landrwa pou fer sa ki Gouvernman i anvi fer?

Konmsi i pa kapab tonm dizon mwan mon annan en *area of outstanding beauty* i pa kapab zis mwan ki pou depans larzan pou sa. Akoz ou ki'n deside *designate* sa landrwa. So ki mannyer Gouvernman i antre? Kote fon i sorti pou Gouvernman asiste or donn en koudmen sa propriyeter, pou li kapab kit sa landrwa parey Gouvernman i anvi i kite.

An zeneral Mr Speaker, bann pwen ki mon'n fer sorti konmsi mon anvi tous en pe lo laliberte nou pep, pou zot kapab *enjoy* zot pei. E pou zot nobou kapab fer serten aktivite ekonomik san gran restriksyon. *Bearing in mind* ki i enportan ki nou fer proteksyon, akoz se sa

nou dipen. Se sa nou, se sa ki anmenn aktivite ekonomik.

Me ki mannyer nou *strike* sa balans ant proteksyon avek ki nou pa pil lo laliberte Seselwa pou li kapab *enjoy* son pei, e osi pou li kapab fer aktivite ekonomik pou li kapab ganny son lavi?

So sa mon krwar Minis petet i, si dan son repons ouswa dan son repons i kapab donn en pe. E mon pe enplor zot petet pou fer bann *outreach*, pou fer bann program kot nou a kapab ganny sa *buy-in*. Ou konnen nou bezwen annan sa *buy-in*.

Nou i pe get parey sa *Mahe Plateau Plan* ki osi daryer in pran en pe letan akoz difikilte ganny sa *buy-in*. Petet dimoun pa'n vreman konpran kwa ki nou pe sey anmennen, kwa ki pou benefis sa peser *eventually* dan 5an, dan 10an avek sa bann plan.

E nou osi nou anvi fer Seselwa konpran, ki pou benefis nou pep nou dan 5an, dan 10an, dan 20an avek rezondet proteksyon. So Mr Speaker mon pou aret la. Mon ti a kontan si sa serten pwen i kapab ganny klersi taler par Minis. Mersi bokou.

MR SPEAKER

Mersi Onorab. Swivan entervenans Onorab Loze.

HON JOHAN LOZE

Mersi Mr Speaker. Mr Speaker mon pa pou tro long. Mon'n ganny sans yer dan *Bills Committee* pou fer sorti la mazorite nou bann konsern, ki mon ti annan personnelman lo sa *Bill*.

E mon demann leskiz pou lapenn mon'n vin en pti pe an retar se maten, me letan mon'n antre mon'n tann Minis i ti dan prose pe adres la mazorite bann konsern i ti'n ganny avans devan par *Bills Committee*.

E mwan lo mon kote mon ase satisfè. Mon konnen ki mon koleg ki'n koz avan mwan in santi ki i annan plis ankor ki zot kapab fer an enteraksyon avek direkteman avek la popilasyon, pou zot ganny sa *buy-in* parey Onorab in dir. So mon swete ki zot al dan sa direksyon.

Mon ti oule osi profite pou felisit Mr Deputy Chair Onorab John Hoareau dan son prezantasyon ki'n in fer. Mon *congratulate* li ofet dan *Bills Committee* in fer en bon travay pou li *encapsulate* lesansyel sa *Bill* e lesansyel ki i ti'n ganny diskite. E Minis osi sa ki in fer i tre kler.

Mr Speaker selman mon oule sezi sa loportinite pou

mwan fer sorti en pwen. Dan sa lapel pou linite ki Prezidan in fer dan son ladres SONA, dan nou ka koman *The Legislative Body*, dan nou ka konman Lasanble Nasyonal Sesel, *this is what unity looks like*.

Se sa linite dan Lasanble Nasyonal. Dan Lasanble Nasyonal letan nou koz linite ler nou kapab *reach across the aisle* e annan en *bipartisan agreement* lo *any given subject* ki vin devan nou *Legislative Body*. Kot napa rezon ni lespas pou kontansyon nou pa fer kontansyon me nou *move forward as one Legislative Body*. Lasanble Nasyonal Sesel, pa Manm LDS, pa Manm *United Seychelles* non, pa manm distrik isi, distrik laba ouswa Manm Proporsyonnel.

Nou tou nou'n ganny elekte isi anndan koman man Lasanble Nasyonal Sesel e se sa travay ki nou fer ozordi. Akoz tro souvan letan nou koz lo linite la, nou tant pou fer li avek en *caveat* ki lot kote laba li ki pe *impede* linite i pa pe anmenn linite.

I annan rezon pou nou sipoze letan nou opoze, be letan i annan letan pou nou *agree* nou pou *agree* fermeman. E mwan mon toultan dir zot letan in ariv ler pou debout kot-a-kot

avek zot zepol a zepol avek zot, nou pou fer li.

E sa konba pou Lanvironnman Sesel nou pe anmenn li i annan 43 an. Se sa rezon ki nou'n nobou depoz en pei entak, *nearly pristine* dan zot lanmen letan zot in pran *State House*, akoz nou'n bann bon garan pandan tou sa lannen. E nou pou kontinyen debout akote zot, pou nou fer nou devwar koman Seselwa e koman bann Lezislater dan Lasanble Nasyonal Sesel.

So letan nou koz linite fodre nou konpran, pa zis *en parole*, be an aksyon osi *and it is alive* dan sa Lasanble Nasyonal Sesel. Mersi Mr Speaker.

MR SPEAKER

Mersi Onorab. Swivan entervansyon Onorab Georges.

HON BERNARD GEORGES

Mersi Mr Speaker. Mr Speaker mon pran laparol bomaten avek en serten lantouzyazm, akoz lanvironnman parey bokou zot, zot konnen, i zwe en par enportan dan mon lavi. E in toultan zwe en par enportan dan mon lavi, pa toultan akoz mon rode me parfwa akoz bann sityasyon kot mon trouv mon lekor ladan.

E ler mon ekout Minis bomaten in dir nou ki sa Lalwa ki egziste ozordi, e ki pe ganny ranplase par sa enn ki nou pe debat lo la ozordi, i ti annan son komansman an 1969. Mon rapel ki annefe mon ti a sa moman ankor en etidyan lekòl, me mon ti pran par dan en *census* ki ti anmenn ariv a sa Lalwa *Nature* ki devan nou, ki nou pe al sanze ozordi la.

E annefe sa ki ti arive se ki bann lekòl isi Sesel ti ganny demande, pou al dan tou bann landrwa ki ti pou ganny dezinyen kekfwa koman *national parks*, e la lo bann *trails* e fer en resansman tou ban keksoz ki nou ti war ;

Bann pye dibwa andemik, bann zwazo eksetera, bann pwennvi e nou ti annan en gran map. E mwan mon ti dan en seksyon ki ti vin pli tar Morne Seychellois *National Park*.

E i gou pou vwar ozordi ki nou'n evolye e mon a retourn lo sa tenm evolisyon taler e ki nou'n evolye e ki sa travay ki ti ganny fer, sa travay preparasyon ki ti *end-up* dan *National Parks and Nature Conservancy Act* ozordi, i trouv en nouvo souf akoz transformasyon e devlopman ek levolisyon ki'n arive antretan.

Mr Speaker Manm ki'n koz avan mwan in fer resorti ki

nou en pei ki ekstrememan zoli, e ki annan en kantite atou natirel e sa mon toutafe partaze e ki nou en sanpyon lanvironnman e sa osi mon krwar i endenyab.

Me i en bon landrwa pou nou komans mon krwar nou diskisyon bomaten san ki nou reste kaye lo lefet ki nou en sanpyon lanvironnman, e kontinyen dan sa laliny san ki nou kontinyen avek bann mezir proteksyon ki'n fer nou vin sa sanpyon lanvironnman ozordi.

Annefe en pe in vin atraver *planning* – planifikasyon ; par egzanp *National Parks and Nature Conservancy Act* ti en morso Lezislasyon ki Gouvernman a lepok Gouvernman Kolonyal ti anvi, e ki ti deside ki nou ti pou annan, me-ME in annan osi bann proteksyon ki nou'n gannyen ki'n ariv konpletman *by default* parey Angle i dir. I pa ti dan nou plan ditou, me in arive e nou'n zouir sa *status* sanpyon lanvironnman.

Mon pe mazin Aldabra Mr Speaker koman en legzanp *flagrant* si bann defanser lanvironnman sa lepok pa ti'n defann Aldabra, Aldabra ozordi ti ava *Diego Garcia*.

Ti ava annan en baz militer. E nou ti pou perdi sa zwayo nou lanvironnman e sa

zwayo nou kiltir. E malerezman dan lefet ki nou, nou'n *succeed* e nou'n prezerv Aldabra, bann dimoun ki ti reste Diego in perdi zot teritwar, zot mod lavi, zot kiltir ek zot listwar. E sa i en lot listwar ki pa devan nou ozordi.

Me ki i *by choice* ou ki i *by default*, nou'n annan en patrimwann anvironnmental ki evidan. E sa ki sa Lalwa pe anmennen ozordi set en striktir pou protez li dan en meyer fason, avek bann kategori ki Minis in met devan nou ozordi, bann re kategorizasyon sa bann *areas* ki nou pou, ki nou pou kapab proteze.

I malere ki ofil nou listwar, nou pa'n touzour en sanpyon lanvironnman. Mon pa pe fer okenn politik, annefe i pa en kestyon politik ditou sa, i en kestyon kiltir plito, kot nou'n konble lanmar pou plante oubyen pou fer lakaz, san mazin lenportans bann *wetlands*.

Kot nou'n rekolte en resours ki ozordi i ganny proteze, tortidmer pandan bokou lannen, swa pou nou manze isi oubyen pou nou eksport kalipi oubyen bann keksoz ki sorti dan sa resours. Dizef zwazo ;

La i annan en remiratwar 2an ki'n ganny mete si pa ti'n ganny fer nou ti war ki sa parti

nou lanvironnman li osi i ti ganny menase. E i kler ki dan tou sa bann ka nou'n fer bann Gouvernman siksesif depi Gouvernman Kolonyal e answit ziska ozordi, in fer sakenn en pa pou amelyor lanvironnman e pou protez sa ki reste.

E sa zot in fer parey nou konnen atraver bann Lalwa sertennman atraver bokou NGOs i annan en kantite NGOs ki akse lo lanvironnman - en kantite menm bann *Wildlife Clubs* dan lekol parey ki nou konnen.

E la nou'n aprann atraver Onorab Hoareau ki'n annan enn nouvo dan distrik Port Glaud, me osi par bann Prezidan lepase, e sa enn ki la ozordi lo lasenn enternasyonal pou protez lanvironnman, e pou koz for lo sa size.

Alor tousala in anmennen ki ozordi nou'n evolye e nou pe, nou'n ariv en sityasyon kot nou kapab met devan nou en Lalwa e fer sa pase, pou ankadre sa plas kot nou ete e pou fer sir ki lanvironnman *going forward* i ganny proteze anba en kad legal ki for, ki kler e ki apropiye pou nou sirkonstans.

Mr Speaker mon ti dir o komansman ki mon annan en lanmour partikilye pou lanvironnman.

E mon'n ganny atraver sa bann dernyen lannen loner ek privez pou mon servi isi menm dan sa Lasanble lo Komite Zil ki'n permet mwan, e bann lezot Manm sa Komite vizit bokou nou bann sit ki pe ganny proteze, e ki pou ganny proteze anba sa nouvo Lalwa.

Mon'n annan privez pou servi lo *Island Conservation Society*, ki en sosyete ki *manage* lanvironnman lo bann zil *IDC*. E privez spesyal pou mon *Chair* Fondasyon Farquhar ki spesifik lo sa *atoll* ki apel Farquhar.

E mon pa konnen ki manner mon pou dir sa dan en fason ki *humble*, me mon pou byento akoz mon deza depi lafen Fevriye ganny loner pou mwan *join SIF*, e donk mon pe *look forward* bokou pou kapab anmenn en partisipasyon dan devlopman sa enn Fondasyon osi.

E mon dir tousala Mr Speaker pa pou rod okenn faver, oubyen rod okenn sipor *or whatever*, me pou dir ki nou tou ki nou asiz isi dan sa Lasanble koman en *Leader*, ki nou asiz isi dan sa Lasanble koman en Manm Ordiner, ki nou en dimoun ordiner, en sitwayen prive ki annan en gou dan lanvironnman, nou tou nou annan en devwar parey Lartik

40 nou Konstitisyon i demann nou fer.

E zot in konnen plizyer fwa mon'n dir ki Lartik 40 nou Konstitisyon ansanm avek *Notre Pere* i devret nou lapriyer tou le zour. I demann nou protez nou lanvironnman.

Alor nou tou nou annan en devwar. Kantmenm nou bizi pou nou fer nou sorti bout la kot nou kapab. E se pou sa rezonn ki mon kontan e mon siport bann linisyativ bann *NGOs* e mon siport linisyativ bann *Wildlife Clubs* dan bann lekol.

E otan ki posibil, sa bann komite lo lekol mon asize pou fer tou sa ki nou kapab, pou fer sir ki bann zanfan Sesel sirtou bann ki ankor lekol i ganny *sensitize* ankor plis. E i ganny loportinite vizit sa bann sit pour ki *going forward* nou pei i ava kapab dir ki nou en sanpyon lanvironnman par travay ki nou, nou'n fer, e non pa par laverti - en keksoz ki'n ganny deside en lot landrwa.

Mr Speaker sa Prozedlwa ki devan nou ozordi pou permet nou, pou permet Gouvernman - e dan sa konteks mon krwar ki Gouvernman i pa zis sa bann dimoun i asiz dan *Cabinet Room State House* tou le Mercredi, oubyen bann zofisye ki travay dan Minister Lanvironnman,

me tou Seselwa pou kapab fer nou par, pou fer sir ki sa ki nou annan ozordi i ganny proteze.

Akoz, e mon'n ekout Onorab Cosgrow avek bokou latansyon, kot in met son ledwa lo en pwen ki sansib dan lanvironnman e sa se sa balans ki nou devret trouve ant proteksyon ek devlopman.

E i en balans ki nou'n dan tou nou listwar nou'n bezwen fer isi serten fwa, nou'n plito al lo devlopman, e serten fwa nou'n plito al lo proteksyon me i en balans ki aköz frazilite nou lekoloji ek *size* nou teritwar teres ki ptipti, i en keksoz ki nou bezwen fer toultan, toultan, toultan.

E i enn bann kestyon ki preokip mwan personnelman koman *Chairman* Fondasyon Farquhar se *FAD*; bann bato lapas i bezwen met *FAD* pou atrakte pwason, pour ki zot kapab soutenir zot lekor e ki Sesel i kapab ganny en retonbe ekonomik. Me *FAD* i al tonm lo bann resif lo bann zil, e lavalier apepre 4 tou le mwan, i tonm lo resif Farquhar e i annan en kou pou al tir sa avan ki bann resif i ganny afekte.

Donk se sa, sa balans, sa tansyon ant proteksyon avek devlopman ki nou annan *on a daily basis* dan nou pei. E sa nou revwar partou. I annan

devlopman ki anvi konble en lanmar, aköz i annan en plantasyon pou fer, oubyen i annan en lakaz, oubyen i annan en lakaz pou fer.

Sa ki mon pe dir la se, en keksoz ki nou tou nou konnen. Sa ki mon pa ti anvi war e mon krwar ki anba lankadremman sa Lalwa ki devan nou ozordi nou kapab fer, se anpes bann landrwa parey Gran Police par egzanp, ki en landrwa lekoloji frazil ;- Baie Ternay par egzanp, Fond Ferdinand ki mon'n vizite enn de semenn pase ki annan en labote ekstraordiner.

E la mon ava zis dir ki nou lekoloji i telman enteresan, ki i annan serten keksoz ki nou pa, nou menm nou, nou pa rekonnèt. Ler mon ti pe marse Fond Ferdinand ti annan en nespes en pti plant lo lateras lo son, lo lateras en serten landrwa e sa zofisyè Fond Ferdinand ki ti avek mwan i dir mwan;

“Ou konnen kisisa sa?”, Mon dir non mon pa konnen. Iparey en pti koko maron, i dir mwan sa set en orkid ki trouve zis dan serten landrwa la dan Fond Ferdinand. Ou war? Bann keksoz koumsa aki ou kapab pas obor, me pa zanmen konnen me ki annan en gran valer ekolojik, e en gran valer anvironnmental.

Mare Aux Cochons li menm e la byento avek semen ki pe sorti Grand Anse ki pe la Côte D'Or, Salazi, i annan Laplenn Hollandaise, Laplenn Hollandaise ek Mare Aux Cochons parey nou konnen i 2 *wetland* ki pa obor lanmer, me ki dan leo.

Bann *high altitude wetland* parey ou konnen. E i annan zis 2 kekfw a i annan en trwazyenm me sa 2 ki pli gran. Tousala an mezir ki nou pe fer en semen, fodre nou fer sir ki nou pe prezerv osi enn sa bann atou ki anmenn touris isi Sesel e ki sonn nou en retonbe ekstraordiner.

Donk Mr Speaker nou annan sa balans pou nou fer. E mon kontan ki Onorab Cosgrow in fer nou rapel sa ozordi, e in don mwan en loportinite pou koz lo la. Apre nou annan 2 lezot keksoz ki mon krwar annan de fwa nou bliye.

Enn se *policing*. I byen annan tou sa bann landrwa proteze, me si, me nou bezwen protez zot. Nou bezwen pa zis deziny zot, me nou bezwen annan en serten nivo proteksyon pou zot. Akoz *what is the point* pou dir par egzanp ki Ile Aride i en rezerv spesyal me ki dimoun i vini pran dizef oubyen i touy zwazo?

Ile Au Fou obor i par egzanp li osi i en landrwa proteze, li in preski ganny konpletman *wiped out* lo nivo environnmental. Donk nou bezwen annan sa. E mon kontan pou dir ki i annan serten mezir ki pe ganny pran. Par egzanp Aride *Special Reserve* in siny en MOU avek Gard Lakot pour ki i ava annan en serten nivo proteksyon.

E la byento mon pa anvi antisip naryen me pou annan en Prozedlwa ki pou vin devan Lasanble, ki pou amann konstitisyon pou donn Gard Lakot en pe plis pouvwar *policing*.

Akoz zot, zot annan resours e zot annan kapasite e ki Lapolis ek Gouvernman e Minister Lanvironnman napa. Donk tousala se bann keksoz ki fodre toultan nou *focus* lo la.

I fasil pou pas en Lalwa, Me son konsekans fodre i la. I bezwen annan ledan pou morde pou fer sir ki sa swe, sa dezir ki nou annan dan sa Lalwa, i ganny *achieved* dan en serten fason, dan lafason ki bann, nou bann Lezislater nou ti a swete ki sa Lalwa i ganny fer - i ganny devlope.

Apre i annan sa size *breach access* ki en size enteresan e ki Minis in tous lo la e ki mon kontan ki'n in fer. E

nou vwar dan sa Lalwa ankor enn fwa se en balans ki nou bezwen fer ant lefe ki tou bann lans se bann domenn piblik, kot tou piblik i annan drwa al lo lans, me sa i vin avek en serten kontrol.

Lalwa Kod Sivil i donn nou permisyon pou ou al lo en lans, me i pa donn ou permisyon fer tou sa ki ou anvi lo sa lans.

Par egzanz pou pa pou al lo Pti Kerlan devan Lotel Lemuria pou zwe en *match* futbol par egzanz, oubyen pou fer en piknik avek en *boom box*. I annan serten keksoz ki ou pa frer. *And the same applies* pou sa Lalwa ki la devan nou.

I pa aköz nou annan Drwa al lo lans Aldabra oubyen Ile Aride, ki nou kapab fer sa ki nou anvi e nou'n antre sorti ler nou anvi, aköz i annan serten mezir proteksyon ki sa bann landrwa i bezwen.

Ou pa kapab zis ariv Aldabra e antre lo sa zil. I annan en serten Protokol ki ou bezwen swiv pou fer sir ki ou pa anmenn okenn keksoz ki pou afekte lekoloji sa zil. I bezwen annan en serten mezir kontrol.

E mon kontan pou vwar ki s amezir kontrol in ganny mete la. E i ava nou devwar koman Manm Lasanble edik nou pep ki drwa i annan serten responsabilite ki vin avek.

E drwa i annan serten limit a son drwa dan sa balans ki nou bezwen fer an proteksyon avek devlopman avek *enjoy* nou bann atou environnman ki nou annan.

E finalman Mr Speaker mon ti a kontan zis profit sa lokazyon, pour felisit travay ki'n ganny fer par plizyer Lazans. *SeyCCAT* i enn, me Minister Lanvironnman li menm i en lot pou bann *Marine Protected Areas* ki nou annan, ki deziny bokou nou teritwar maren, anba plizyer nivo proteksyon.

Sa ti neser aköz malgre ki nou dir ki nou annan 1.4milyon kilomet kare losean, e ki nou en gran pei ki nou ete, e mon ensiste lo la i pa en *free for all*. Nou bezwen fer sir ki nou protez bann resours dan en fason apropiye e dan en fason byen entelizan.

E dan sa konteks mon siport linisyativ Prezidan Larepublik pou anmenn tou sa bann *facts*, tou sa bann fe devan, pou fer lemond konsyan frazilite ek nesite pou proteksyon.

E la mon ava tout an felisitan bann Lotorite konmela e avan, ki fer ki nou'n ariv pou protez 30poursan nou losean, mon bezwen *raise* en *alarm bell* aköz pou annan byento bann presyon pou ganny met lo nou,

lo an sa ki konsern *deep sea mining*.

E nou vwar sa bann keksoz pou arive. Malerezman nou rezyon i enn ki i paret i ase ris dan serten komodite dan fon lanmer - pa dan lanmer me lo son *seabed*, e mon krwar ki nou bezwen osi la *step-up* e fer sir ki nou reste sa sanpyon lanvironnman.

E donk tousala Mr Speaker, i ava posib anba sa nouvo Lalwa e sa lankadrem legal ki sa Lalwa pe anmenn nou ozordi. E Mr Speaker mon ti a kontan finalman felisit Minis avek son lekip pou sa travay ki zot in fer. Zot dir nou ki i annan 6an ki sa legzersis pe ganny fer.

Enn de Manm ki'n koz avan mwan in dir ki i ava bon si sa ti'n ariv pli boner. E wi. Me nou bezwen felisit bann ki'n anmenn li devan nou ozordi, e dir ki malgre ki in pran son letan, in ariv devan nou dan en kapasite, kot nou'n kapab ansanm mon krwar koman en Lasanble Nasyonal.

Akoz parey mon'n fer resorti, proteksyon lanvironnman i pa en kestyon pou sa ladministrasyon. Nou bezwen rekonnet ki bann ladministrasyon presedan in osi fer zot par e bann ladministrasyon ki pou vini

apre sa enn pou osi kontinyen dan sa demars.

Nou lanvironnman i pou tou nou e mon konnen ki sa *Bill* pou ganny *bipartisan support*, akoz tou lede kote latab nou koz menm parol lo la. E nou ti a kontan ki sa ki nou pe fer la ozordi, i ganny rebran dan nou tou nou kominote, pou ki sa travay ki nou pe fer i sa *Bill* ki nou pou pase i ava vin pou benefis nou tou. Mon remersye ou Mr Speaker.

MR SPEAKER

Mersi Onorab. Nou a swiv. Onorab Aglae.

HON EGBERT AGLAE

Mersi Mr Speaker. Bonzour Minis avek ou delegasyon. Mr Speaker sa Prozedlwa ki la devan nou i en Prozedlwa ki vremen enportan. Vremen enportan akoz lanatir, nou lanvironnman i bezwen reste sen e sof, pou nou koman bann *être* imen kapab sirviv avek en lasante osi sen e sof.

E mon rekonnet osi Mr Speaker ki, i annan en kantite ki'n ganny fer dan domenn prezervasyon, proteksyon e asir bann devlopman soutenab nou lanvironnman dan lepase, e sa mon salye tou sa bann akter ki'n la, i annan ki'n kit nou ki'n ale ki'n bann pionye mon kapab

dir dan prezervasyon nou lanvironnman.

E osi mon dir mersi ban administrasyon lepase ki'n dedye en kantite letan atraver bann reform, atraver bann Konvansyon pou kapab fer ki Sesel ozordi ki annan en teritwar plis ki 40poursan ki ganny konserve anba lanvironnman, anba bann Konvansyon enternasyonal.

E Mr Speaker mon distrik i enn ki li osi mon pa ti pou kapab pa fer entervansyon, akoz Port Glaud i en distrik ki mon kapab dir *almost* 75poursan son teritwar pe ganny proteze. Sa i sa bout la la maren e osi s i sa bout *terrestrial*.

E pou sa pou nou Mr Speaker wi i anmenn en legzanp. Wi i pou asir en lanvironnman ki sen. Me osi atase ek bann defi. I annan bann defi ki sa i anmennen an term bann defi ekonomik e mon pou sit enn de Mr Speaker.

Mr Speaker mon krwar ki osi en pti letour dan listwar, akoz nou bann zanfand ki pe grandi mon krwar i enportan osi pou zot sitye zot - bann demars ki'n ganny arive, bann demars ki ganny fer, e Minister Ledikasyon petet atraver bann klib lanvironnman ki annan dan bann lekol, zot osi zot

bezwen merit konn en pti pe parkour akoz si ozordi ou'n ne, ou fek ne ou pe war en soley ou pe war en laverdir, ou pe war en zoli lans, ou pe respir en bon ler ki pa polye, se gras a sa bann zefor, bann kad legal ki'n mete e bann norm ki nou'n ganny swiv, ki sa i la ozordi. E zot merit kontinyen ganny edike lo sa size.

E Mr Speaker sa i anmenn mwan ki depi ki sa *Lalwa Park and Nature Conservancy* ti vin an fors an 1969, son vre sikse dan resers ki mon'n fer ti vin apre Lendepandans kot demars Sesel ti pe ganny fer pou kre laplipar nou bann park nasyonal, mark maren, e bann rezerv natirel.

E parey mon'n mansyonnen Port Glaud i enn sa bann distrik e sa ti komanse depi an '79 kot nou premye park nasyonal lo later ti ganny deklare. E en bon pe later dan mon distrik parey mon'n dir in tonm ladan.

E answit ti ganny swiv par nou park maren Port Launay e Baie Ternay ti ganny deklare osi dan menm lannen. E la en gran parti lakot Port Glaud in ganny anserkle par proteksyon la maren. E sa Mr Speaker parey mon dir i vin avek son bann defi.

E imedyatman sa bann deklarasyon pou sa bann park nasyonal se mon krwar rezilta travay dir ki ladministrasyon avan in fer, pou kapab anmenn bann proteksyon nesaser. E osi nou konsyan poudir ti annan Konvansyon Enternasyonal lo biodiversite, ki ti vin an egzistans an 1992, atraver en konferans ki ti ganny fer an *Brazil*.

E kot sa Komite Enternasyonal li menm li, ti met en target lo rezerv, lo later ensi byen ki kad ki dan lanmer. Se sa moman mon krwar ki lemond ti deside donn lenportans enternasyonal lo proteksyon nou biodiversite.

Me nou isi Sesel byen avan ki 92 nou ti'n deza konmans akonpli sa bann *milestones* swivan;

E sa ti preski 40poursan nou later ti deza anba proteksyon legal. Bann sit natirel parey Aldabra, Vallée De Mai ti deza ganny dezinyen koman Leritaz Natirel Mondyal e ti pe ganny zere par nou menm nou Seselwa.

Plizyer park maren ti deza ganny dezinyen e ti pe ganny zere. E ti annan bann Departman for dan Lanvironnman pou diriz e gouvrenans e politik lanvironnman ki pei ti pe swiv.

E osi ti ganny en Bidze, ti ganny *allocate* dan Bidze Nasyonal pou kapab annan zesyon nou lanvironnman aker.

E osi ti annan ledikasyon lanvironnman ki ti deza pe ganny komanse dan lekol, e sa ki mon'n mansyonnen ki mon krwar ki enportan pou annan sa kontinite. E osi nou'n antre dan ledikasyon piblik lo lanvironnman, ki sa i en kle ki ti ganny fer par bann programmen lo medya nasyonal. E plizyer lezot ankor aksyon konkret ti gannyen.

Mr Speaker ler mon pou met nou dan konteks sa Lalwa, son bann lenpak ki i annan lo mon distrik, mon pou komans s parkour akoz i enportan pou fer konnen ki sa pep, sa zoli pti pei ki nou pe viv ladan, sa zoli averti ki nou pe war toulezour, e sa bon vizyon ki'n annan;- e mon krwar nou tou parey in ganny fer sorti par Onorab Loze, nou pran li en lapros bipartisan pou nou kapab osi siport bann tel Lalwa ki anmenn proteksyon lanvironnman.

Mr Speaker, sa Lalwa ki ozordi ki la devan nou ki pe moderniz e anmenn en nouvo kalite form proteksyon, ki i bezwen pran kont osi ki zonn i bezwen devlope, nou krwar i

enportan ki nou pou bezwen annan *the right balance*.

Wi nou kapab annan nou zoli propriyete. Wi nou kapab pe mazin bann gran plan pou nou bann pti zanfan ki pe vini. Me osi nou bezwen osi mazin en devlopman ki soutenab.

So sa Lalwa ki ozordi ki pe tous bokou bann zabitan mon distrik, e osi bann lezot propriyeter ki annan propriyete dan Port Glaud li menm, mon krwar i sel distrik apard ki Silhouette ki form par *Inner Island*, ki lo kote sa montanny preski tou son laverti e leritaz natirel i tonm dan park nasyonal, sa i Morne Seychellois.

E plis ki lanmwatye son lakot delo sale i tonm dan park maren. So andotmo mon distrik i preske anserkle par en proteksyon legal par en sours natirel. E menm si sa i pe anmenn en kantite lavantaz tel ki devlopman *tourism*, delo prop pou nou bwar, ki i ariv ziska Pointe Larue. Nou annan en kantite stok prodwi la maren, me sa i osi i anmenn son defi ekonomik sosyal e administratif, dan mon distrik.

Bokou zabitan e lezot propriyeter, ki ganny trouve antyerman ouswa parsyelman dan Park Nasyonal e la mon pe koz sirtou lo kote Port Launay e

kote Cap Ternay. Mon rekonnet ki dan lepase in sey apros Gouvernman avek bi pour devlop serten zot teren, ouswa vann zot later ouswa fer serten aktivite ekonomik lo la.

Me i pa fasil. I pa'n fasil pou zot e bokou ozordi zot ankor pe rod bann solisyon avek Gouvernman. E se sa ki mon dir sa ki mon krwar ki ou bezwen annan en diskisyon serye e vwar en balans lo ki mannyer nou kapab tou lede parti, petet tonm annakor lo serten bann pwen ki trouve dan sa Lalwa e ki mannyer zot kapab bouz de lavan.

E an dizon sa Mr Speaker i pa vedir ki tou zabitan ouswa tou propriyeter ki annan zot later ki ankor pe resers en solisyon, i pa vedir ki zot kont proteksyon lanvironnman. Oubyen ki zot kont okenn kad legal ki protez nou bann park natirel, park maren.

Me plito zot oule war swen benefis direk, ouswa zot propriyete, oubyen annan en lagreman lo serten lesanz parey ti ganny propoze. Ouswa serten fasiliteyasyon, pou zot osi kapab ganny serten reveni atraver sa bann propriyete ki ganny trouve dan sa bann landrwa proteze.

E sa i fer mon koz lo en konponan *management plan* pou bann landrwa proteze, ki

pe ganny propoze par sa Prozedlwa ki la devan nou.

Mr Speaker mon'n swiv en pe, mon fer en pri pe resers lo bann miting ki'n ganny fer e osi letan mon ti en, koman en Administrater Distrik, mon'n partisip dan bann konsiltasyon avek Minister Lanvironnman, pou sey vwar e rod bann solisyon ki mon kapab dir nou en *win-win situation* pou sa bann propriyeter e bann zabitan.

Me selman a plizyer repriz sa ki nou, nou'n ganny dir se ki, premyerman plan zesyon oubyen *management plan* pou sa porsyon Morne Seychellois oubyen sa park, ankor pe ganny diskite. Oubyen zot in dir ki nou ki *land use plan* pa ankor finalize i pa ankor ganny defini lo sa seksyon dan mon distrik.

Oubyen in ganny dir ki legzersis de klasifikasyon pou serten teren pa ankor ganny fer, oubyen ankor pa ankor pare, e alor pa posib i annan bann desizyon konkret lo ki direksyon nou pou pran kot i konsern serten bann propriyete.

E annatandan plizyer propriyeter zabitan mon distrik i war zot *stuck* dan en fason, swa zot *idle*. I annan ki parey mon dir zanfan – pe esper en

solisyon. Nou annan resours teren ki limite e sityasyon lozman ki kontinyen annan demann e ki agrave.

E zot lanmen dan en sans pe ganny anmare dan en baz ekonomik, akoz zot pa pe kapab fer serten aktivite ki ti pou anmenn serten reveni pou zot.

E la ki mon konpran ki atraver sa nouvo Prozedlwa Mr Speaker, Gouvernman i bezwen kapab anba sa Lalwa li menm, si zot pou kre en *body* swa deziny serten group dimoun mandate, pou kapab antre dan bann diskisyon enportan avek sa bann parti ki pe ganny afekte avek serten *proposal* ki etabli dan sa Lalwa.

E vwar bann mekanizm kot sa bann zabitan osi i kapab pe benefisye direkteman, ouswa endirekteman, san ki zot pe koz okenn destriksyon natirel dan sa bann landrwa proteze.

E Mr Speaker i bon osi etablir ki dan plizyer pei i annan ki nou apel en levantay *incentive*, pou sa bann propriyeter ki zot teren i dan rezerv.

E Sesel i merit osi petet konsider en pti gin sa, pa vin en leksepsyon. E si Gouvernman petet pa kapab asiste sa bann dimoun dan en fason petet monneter, i osi petet kapab antre dan en diskisyon lo ki

kalite devlopman e ki laliny e Lalwa ava gid zot, regilasyon i ava annan an plas, ki osi zot a kapab petet benefisyen en pti gin atraver zot bann propriyete.

Mr Speaker lo kote devlopman rekreyasyonnel dan park, osi mon krwar sirtou la mon pe koz parey Cap Ternay, mon konstate ki nou annan nou en zoli bout lanvironnman ki merit annan tou son nivo proteksyon.

Me mwan osi rekonnèt ki proteksyon tousel pa soutenab, si i zis en landrwa pa pe anmenn en rannman ekonomik me sosyal dan en fason.

So isi Sesel tou nou lafore i sitan divers, ki nou kapab fer plis pou nou ganny bann rannman dan nou lafore apard ki bat kannel. La mon pe koz plis lo devlopman rekreyasyonnel tel ki ; bann *nature trails*, nou annan bann *rock climbing*.

Ozordi parey kot Ephelia i annan *zip lining*, menm bann *proposal* parey bann proze *cable cars* ki kapab ganny mete, bann sit kanpe ; bann *picnic areas*, akòz nou Sesel nou *picnic areas* se plizoumwen lo lans.

Me i annan bann pei parey *La Reunion* ki menm bann pei Franse, zot servi en bon pe bann laverdir pou zot al dan

bwa pou zot fer zot *picnic*. E sa osi i kapab anmenn bann reveni ekonomik pou nou. Nou annan bann *tour guide*. Nou annan bann *bird lovers* - bann *bird sanctuary* ki kapab ganny etabli.

So i annan bann plizyer aktivite *eco-tourism* ki mon santi nou kapab anbark lo la e benefisyen. So, sa i enn bann laspe ki nou kapab met devan sa bann propriyeter ki kapab petet retir bann benefis ladan.

E Mr Speaker osi i annan nou konsyan poudir nou annan bann later ki ganny - bann propriyete ki ganny proteze anba lanvironnman, pou nou bann sours delo. E Port Glaud i enn distrik ki annan plizyer sours delo ki *PUC* li menm in antre dan bann baraz.

E osi nou konstate ki i annan propriyeter prive osi ki lo son later lo son propriyete i annan sa bann sours delo ki pe ganny proteze. E mon krwar parfwa bann plizyer larivyer ki pas lo propriyete prive ki menm dan Park Nasyonal parey in mansyonnen.

Me lefe ki *PUC* pe servi lo san sa bann larivyer, ki fer ki i annan serten limitasyon ki Lalwa pa pe permet sa bann devloper - menm si zot ti anvi fer serten devlopman, ouswa menm *subdivide* sa later pou

donn zot zanfan a lavenir, e sa zot pa pe ganny bann permisyon pou zot kapab fer.

E mon konpran, mon konpran - so se sa ki mon krwar ki sa bann diskisyon i kapab anmenn en *way forward* e plis la klarite pou sa bann dimoun.

En lot laspe Mr Speaker se bann *forest reserve* ki pa tonm dan Park Nasyonal. Sa osi i en pwen ki mon krwar nou bezwen regarde lo sa bann kad legal. Me mon santi ki plito bann later ki pa ankor ganny devlope ki Departman Lanvironnman in met lo restriksyon lo la, nou bezwen kapab osi etabli bann diskisyon, pour ki kapab annan serten *soft development*, ouswa bann *eco-development* ki kapab permet lespas agrandi. Akoz nou an en dilenm later dan mon distrik Mr Speaker mon rekonnet. Wi nou, nou pli gran distrik 27 kilomet kare. Be ler nou konstata nou kapab servi zis omwen 20 a 25poursan nou later pou nou kapab fer bann devlopman.

E Mr Speaker menm si en kantite sa bann later i pa neseriman pe tonm dan Park Nasyonal, me Gouvernman atraver zot met restriksyon lo la, e i annan restriksyon. E ler zot pe drafte sa *land use plan* ki ti ganny met devan, bokou konsern ti ganny met devan par

zabitan ouswa bann propriyeter, lo petet meyer fason ki zot kapab annan en fason fer, ki petet i al dan zot benefis osi.

Lot eleman Mr Speaker dan sa Lalwa se sa bann *areas* ki nou konsider koman *outstanding beauty*. Lo, dan sa konponan ansyen Lalwa ki ti ganny modernize dan sa Lalwa, ki byensir diskit lo bann sit ki ganny deklare koman bann landrwa avek labote natirel, swa lo son *landscape* ouswa lo son *sea scape*.

Me lo sa bann menm landrwa ki i annan bokou valer ekonomik sirtou pou *eco-tourism*, petet Minis mon ti a kontan ki ou eklersi en pti pe lo la, si anba sa Prozedlwa petet zot annan lentansyon devlop plis bann Protokol ouswa bann *guideline*, lo ki fason sa bann landrwa i kapab ganny servi; san ki i annan bann gran lenterferans anvironnmental.

Ki parey mon pe plede depi o komansman pou benefis zabitan, propriyeter li menm *ok?*

E en lot sekter ki petet i sekter lapas, ki osi i annan en lenpak e dan mon distrik i annan pa mal peser ki pe leve ki pe debourye. Me osi lo kote lakot ki dan rezerv, nou konnen ki poudir i annan en moman

letan ki sa nou apel tradisyonnelman i annan vann nor ek vandswet, kot bann nor letan perse i kapab al pli lwen.

Me ki dan vandswet tradisyonnelman sete zot ti pe lapas dan resif, ouswa tranp zot kazye dan resif, me nou vwar poudir sa in anmenn en lenpak lo nou bann peser port Glad.

Akoz menm si dan letan vandswet sa bout teritwar pe ganny proteze e zot napa drwa lapas, zot napa drwa tranp kazye e ki fer ki zot pou bezwen al en pti pe pli lwen. E mon konnen ozordi ki pwason li menm li in al pli lwen. So sa i enn bann lenpak osi ki in anmennen lo sa sekter lapas dan mon distrik.

E mon ti a kontan petet demande, eski anba sa *management plan* ki sa nouvo Prozedlwa pe koz lo la, pou osi annan serten zonasyon park maren petet ek posibilite kot son *boundary* i kapab petet dir be, la ou kapab fer serten aktivite ouswa non, avek benefis serten sa bann peser parey mon pe dir? San ki nou bezwen fer *over* leksplwatasyon ouswa an detritan sa bann *area*.

MR SPEAKER

Onorab ou kapab pas lo en konklizyon *please*?

HON EGBERT AGLAE

So pou konklir Mr Speaker, mon krwar Mr Speaker i en size ki tous mon distrik en kantite, e mon'n koz ek plizyer zabitan lo sa size, e mon'n fer en pe resers pou mon kapab ozordi petet anmenn en *case* devan parey mon pe demande avek Minis petet i ava ekoute.

So mon krwar ki pou konklir Mr Speaker Lalwa i bon, Lalwa pe asir soustenabilite e vizyon e osi fitir sa zenerasyon ki pe grandi pou kapab kontinyen zouir e vwar e en lanvironnman sen e sof.

E mon krwar ki nenport ki Gouvernman ki pou vini pou bezwen fer li son devwar pou kapab anmenn bann proteksyon, bann Polisi e bann kad ki pou kapab sofgard sa lanvironnman. Akoz parey mon ti komanse en lanvironnman ki pa sen e sof imen pou napa en lasante ki sen e sof. Mersi.

MR SPEAKER

Mersi Onorab. Nou a pran poz la, mon annan 3 entervenans ou pran apre poz. Nou a rebran travay 11er. Mersi.

(BREAK)

MR SPEAKER

Bon mersi pou retournen. Nou a termin deba avek sa 3 Manm ki'n lev lanmen deza. Onorab Sandy Arissol.

HON SANDY ARISSOL

Mersi Mr Speaker. Bonzour Minis ankor enn fwa avek tou dimoun ki a lekout. Mr Speaker mon ti a kontan fer en kontribisyon *in regards to* sa Prozedlwa ki devan nou Lasanble.

Ou konnen, letan mon konmanse, mon ti anvi dir avek Minis ek nou tou ki pe ekoute. Letan nou koz konserve, *conservancy* pou proteze, nou bezwen konsyan poudir i pa neserman tou dimoun i krwar ladan.

Nou annan en pti group dimoun ki pa krwar dan proteze oubyen dan proteksyon. E sa i en keksoz ki normal.

E i annan en group dimoun ki santi, ki souvandfwa zot demann ou kestyon an relasyon avek, par egzanp si nou koz prezerv tortir.

I dir ek ou akoz nou bezwen protez torti, akoz nou bezwen protez sa zwazo enkli son dizef? Akoz nou bezwen annan bann serten landrwa dan pei, dan kominote ki annan bann demarkasyon ki nou apel zot sa bann rezerv. Ou pa kapab konstri, ou pa kapab

touse. Ou pa kapab fer nanryen.

Nou annan sa group dimoun la deor, e letan nou pe koz lo sa *Bill*, mon krwar i enportan pou nou koz lo la. Zis parey letan ou annan bann bout later dan distrik ki ganny konsidere koman rezerv.

Me parfwa dimoun i demann ou, be i pe rezerve pou kwa? Letan ou get sa morso later ki'n ganny dezinyen koman rezerv, i antoure avek en kantite lalyann.

E ou pa vwar okenn plant andemik, ou pa vwar nanryen, i annan zis lalyann lo la. So dimoun i demann ou, be kisisa ki nou pe prezerve an relasyon avek sa bout ki zot in demarke?

E par egzanp letan mon get dan mon distrik Bel Ombre, nou annan en kantite bann bout later, e dimoun i dir ek ou, be sa mon ti a ganny en bout pou mon plante.

I annan demann lakaz ozordi dan pei. So se la mon krwar mon premye pwen i vini, se ledikasyon. Ki mon krwar i annan en kantite ledikasyon pou nou fer avek nou pep.

Parske mwan mon santi poudir souvandfwa nou donn latansyon ledikasyon lo sa bann keksoz prezerve, proteze, zis avek zanfan. Ler i annan en Lamars pou pa manz tortir, nou

fer sa avek zanfan primer oubyen zanfan lakres. Be pa zanfan primer ek zanfan lakres ki manz torti oubyen ki al rod torti, se adilt! Letan i annan pou fer avek prezervasyon lakot, zwazo, lot, mon santi souvandfwa poudir nou met lanfaz lo primer.

Par egzanp letan lekol Port Glaud, Onorab Hoareau in felisit lekol Port Glaud pou ouver bann klib, i byen. Bann klib i ouver.

Be mon santi i annan en kantite travay pou nou fer avek bann adilt osi. La ki *COVID* in larg en pe, e i annan bann rasanbleman ki nou kapab fer avek tou bann *SOPs* prezan.

Mon krwar i loportinite pou Minister, Minis ansanm avek bann zofisye byen kalifye, pou zot vini, pou zot eksplike. Sirtou letan sa *Bill* pe koz lo *seasonal demarcation*, mon krwar i pou enportan.

Parske sa i kapab osi enplik bann peser par egzanp, bann demarkasyon kote nou pe demarke. Eski, la i sa moman letan pou nou zwenn, bann Lasosyasyon Peser dan bann distrik ki nou annan en pe.

Bel Ombre nou annan. Pou nou konnen, pou zot ganny eksplike kisisa ki sa Prozedlwa pe koz lo la. Me pa zis en keksoz ki nou, nou vote, me

apre ou vwar en peser, letan li i antre dan sa *zone* ki in ganny demarke *seasonally* pou tel rezon, li i ganny vwar pe komet en lofans, san neserman i pa pe tro konpran ki pe arrive.

Alor mon premye pwen lo la se ledikasyon. Ki mon santi nou bezwen annan ledikasyon an relasyon avek tou bann keksoz ki konsern nou, e sirtou lanvironnman.

E nou koman en pti pei ki antoure ek lanvironnman, ki form par e nou viv dan lanvironnman, mon krwar ledikasyon i enportan.

Mon dezyenm pwen Mr Speaker ki mon ti a kontan koz lo la, se mon'n tann Onorab Hoareau dan son lentervansyon e Minis osi, nou'n koz lo sa mo *repeal*, *outdated* e ranforsi Lalwa.

Mon krwar i en keksoz enterese sa. E mon krwar Gouvernman ozordi atraver Minis ki la pe reprezent Lanvironnman, nou devret war osi bann lezot Lalwa ki nou annan.

Parske mwan mon santi letan Gouvernman, bann *NGO*, bann antite, tou sa ki annan pou fer ek lanvironnman, letan nou pe met lanfaz lo prezerv bann lanvironnman pli gran, bann zil, lakot, park maren,

mon santi ki i annan sabotaz ki arive lo nivo distrik.

Parske tou lanfaz i ganny mete lo zwazo, torti, dizef, lo bann gran lanpler. Me dan distrik mon santi ki i annan labi ki pe arive.

Mon krwar la osi letan nou pe koz *repeal*, ranforsi bann Lalwa, *update* en pe bann Lalwa ki nou annan pou plizyer lannen, mon santi poudir Minister i bezwen asize ansanm ek lezot *stakeholders* avek Lotorite Distrik, avek nenport ki bann dimoun ki enplike, bann NGO.

Nou annan plizyer bann NGO ozordi ki NGO ki kontan get lanmar, nou annan bann NGO ki kontan get bann lezot pti *species* ki reste dan lakominote dan delo, dan larivyèr.

So mon krwar i bezwen annan en travay ki ganny fer la. Parske, mon pe dir sa Minis, atraver ou Mr Speaker, letan mon get bann *offences* ki i annan dan sa Prozedlwa, sirtou *offences, 26(1)(a)(b)(c)*.

Par egzanp lo (c) i met '*destroy, remove, causes to be destroyed or causes to be removed or attempts to destroy or to remove woods, trees, forest, corals, mangroves, sea grass and associated species or other habitat found in...*' mon

santi se sa pwen ki mon pe fer referans lo la. Letan Lalwa pe prezerv bann en pe pli gro. Par egzanp nou larivyèr ozordi dan distrik i en problemn.

Ler mon get Bel Membre kot mwan, *Mount Simpson* ozordi i en larivyèr ki pe ganny abize, par lezot dimoun ki vini ki pe fer zisteman sa bann lofans ki mon vwar dan sa Lalwa la.

Ozordi nou annan dimoun ki vini ;- par egzanp letan ti annan letan *COVID*, e i ankor pe arive, letan dimoun pe ganny pouse bor lanmer, zot ti tan en tandans pou zot vin dan larivyèr.

E *Mount Simpson* i en legzanp kler, kot ou ganny en *pick-up* avek 22 dimoun Minis, i demarke, avek zot servyet, zot *shower gel*, zot sifon, zot zanfan, zot sez.

Zot vini, zot remarke, zot blok semen e zot antre dan larivyèr, zot fer tou sa ki fodre zot fer dan larivyèr. Ler zot fini parfwa zot osi fer zot bezwen, zot pas zot lirin.

E ler zot ale, zot tir bann ros dan larivyèr, zot pran bann plant ki zot krwar i konvenab pou al avek dan lakour.

Se pou sa rezon mwan mon pe dir, letan nou pe *repeal* bann Lalwa, nou pe *update* bann Lalwa pou ranforsi

tousala, mon krwar i enportan Minis, e avek ou bann teknisyen, pou nou osi reget bann Lalwa ki annan pou fer avek ou Minister. Me annan de fwa i pou annan bann Lalwa ki pa pou neserman tonm anba ou Minister.

Me selman koman en travay kolektiv ki nou pe fer pou protez nou lanvironnman, pou protez nou labita, mon krwar i enportan pou nou pas lo tousala.

Pou asire ki letan nou pe fer en keksoz lo lakot, be dan distrik bann keksoz pa pe ganny arive. Ki fer ki i detri en pe nou ekosistenm e osi defigir nou bann lespes ki nou annan.

Trwazyenm pwen ki mon ti a kontan koz lo la, e mon pwen final Mr Speaker, se pou nou edik bann lotel. Ou konnen, ozordi nou annan bann lotel, kot plizyer bann kliyan i vini sorti dan diferan pei avek diferan fason panse.

E parfwa letan zot vini sa bann kliyan ki nou apel zot bann touris, zot santi poudir i *ok*, zis pou zot vini antre dan nou larivyer oubyen al borlanmer en landrwa, pou zot lapes oubyen tir nenport ki sa ki zot vwar lo nou ros oubyen dan nou, lo nou pye dibwa.

Enn nou zensek, enn nou lezar, parey nou ti aprann

ti arive dan Zarden *Botanic, I mean* dan Vallée De Mai Praslin.

So mon krwar tou sa bann ledikasyon i enportan pou ki bann etranze osi ki antre dan nou pei koman touris e osi bann etranze ki vin isi pou fer travay.

Par egzanp bann etranze ki vin isi dan bann lakonpanyen konstriksyon, pou zot osi ganny edike pou dir i annan en Lalwa Sesel, i pa en zafer fasil, i pa en zafer kot zis ou vini ou fer, akoz personn pa pe get ou. Be i annan sa respe, i annan tou sa travay ki vin avek.

Mon ti anvi, mon'n fer sa detrwa pwen Mr Speaker, parske mon santi Gouvernman pe fer en travay ekselan, bann zofisyé Minister Lanvironnman byensir, zot pe fer en travay.

Be selman i enportan osi pou nou asire ki tou bann laspe letan nou pe get, nou pe get en kote, lot kote pa pe ganny defavorize.

E letan mon lo sa pwen, mon ti a kontan osi, letan mon'n war bann *offences* avek bann penalti ki pou vini dan sa *Bill*. Mon ti a kontan asire ki nou pa pe zis pas bann Lalwa.

Ou konnen, souvandfwa dan Lasanble Nasyonal, nou pas bann Lalwa, i annan bann

lofans ki vin avek ek son penalti.

Me byen rar nou tande lo medya poudir i annan en dimoun zisteman ki'n ganny pourswiv, parske in zet salte ilegalman dan larivyer *Mount Simpson*.

Napa byen, byen Sesel sa, nou pa tande. Mwan mon pou vot Lalwa, mon pou donn sipor, Mr Speaker, pou Minis. Parske mon santi poudir si i annan Lalwa, Lalwa pou bezwen morde sa voyaz.

Nou pou bezwen ranforsi bann Lalwa, zisteman Minis pou nou kapab protez nou ekosistenm, pou ki nou pei i reste sa trezor, sa bizou ki Onorab Wallace in koz lo la an relasyon avek nou biodiversite, nou lanvironnman, pou ki lemonn i kontinyen get nou koman sa sanpyon.

Alor lo sa detrwa pwen Mr Speaker, mon ti a kontan remersye ou pou sa pti kontribisyon. Mersi Minis.

MR SPEAKER

Mersi Onorab Arissol. Onorab Audrey Vidot.

HON AUDREY VIDOT

Mersi Mr Speaker. Mr Speaker ek tou Manm Onorab, Minis avek ou delegasyon tou

manm piblik ki a lekout, bonzour.

Mr Speaker i annan en kantite pwen for ki'n ganny fer sorti lo *meaning* zeneral sa Lalwa, ki devan nou Lasanble ozordi bomaten. Sa i montre ki merit sa Lalwa i atas en gran lenportans pou Sesel.

Sa lenportans i akoz koman en pei ki'n ganny dekrir koman en sanpyon dan proteksyon lanvironnman, pe ranforsi son regilasyon pou protez nou bann resours natirel.

Ki en latraksyon, pa zis pou nou lokal, me osi byen pou bann viziter etranze ki vin vwar e apresye sa labote ki Sesel i annan e ki pa bokou zot ki zourir en tel labote parey, en tel larises natirel dan zot pei.

Sa Lalwa in ganny prepare byensir par nou bann profesyonnel Seselwa, ki annan lanmour ek pasyon, pasyon dan proteksyon e prevansyon nou atou natirel.

Mr Speaker parey in stipile dan nou Konstitisyon, i drwa sak Seselwa pou ede o prezerv en lanvironnman sen e an bonn sante e ki fonksyonn byen.

E, mon felisit tou bann Seselwa dan diferan lorganizasyon, lokalman ki'n met bokou bann zefor dan lalit

pou prezerv e protez nou bann resours natirel.

Avek en sikse konsiderab, pou ki nou kapab temwanny en bon poursantaz nou bann rezerv pou fitir zenerasyon ki pou swiv apre nou.

Mr Speaker revizyon ek promosyon bann Polisi devlopman ki soutenab e ki pran kont lanatir, i reste enportan parey revizyon dan nou Lalwa pou protez nou bann resours natirel.

Alors nou bezwen a tou moman met dan lespri bann investiser, ki nou resours natirel i nou sours lavi koman en pep.

E bann lorganizasyon non gouvènmantal e menm Legzekitiv, i bezwen kontinyen entansifye bann lenstitisyon skoler pou edik nou bann zenn zenerasyon lo lenportans sa travay ki nou pe fer pou protez nou bann resours.

Petet bokou fwa letan nou ranforsi atraver nou bann etidyan lekol, se zot ki nou pe enkilke sa lanvi e sa determinasyon pou prezerv nou bann resours.

Pou ki zot demen zot a fer pli bon travay, ki petet nou zenerasyon ozordi, pa neserman pe fer 100poursan ase. Mon zwenn avek mon bann koleg Onorab, ki'n siport

byensir bann Klib Lanvironnman dan lekol, pou kontinyen sa travay.

Ki zot fer, zot kontinyelman promot e protez nou lanvironnman dan nou bann kominote. Me nou swete ki sa bann klib, parey dan mon distrik, klib *Wild Life* Primer - Plaisance Primer, avek Segonder, i osi ganny loportinite Mr Speaker.

Pou ki zot konn en pti pe plis, ler sa Lalwa i pase, ki zot konn en pti pe plis. Pou ki zot osi zot ava vin fitir edikater pou ede ranforsi sa Lalwa ki nou pe koz lo la ozordi, son merit zeneral.

E mon pou siport mon bann koleg, parey Onorab Loze ki'n koz lo linite. Akoz i enportan ki nou koman Dirizan, nou montre bann size parey.

Kot letan nou pe koz prezervasyon e proteksyon nou lanvironnman, e nou bezwen donn legzanp koman bann Dirizan vreman, pou dir nou annan sa lanmour, m sa pasyon, pou nou kapab prezerv nou resours natirel.

Pou ki lot zenerasyon ki swiv i vwar akoz ki nou merit nou pe fer li. E nou bezwen montre sa zefor kontinyel pou donn bann legzanp par nou bann aksyon.

E ozordi sa deba ki nou pe fer koman bann politisyen, nou pe montre nou lenter langazman pou nou aport sipor ou protez nou bann byen ki nou annan natirel pou nou pei.

Mr Speaker, mon pou tant pou sipor serten komanter ki mon koleg Onorab Arissol osi in fer resorti.

Ledikasyon i vreman enportan, enportan pou nou popilasyon, pou ki nou fer en zefor ekstra pou nou kapab protez nou bann resours natirel ki nou annan.

Pou konklir Mr Speaker, mon pe demann Gouvernman, ki apre ki Lasanble byensir i pas sa Lalwa, e letan Prezidan in otoriz son laplikasyon, i byen, i bezwen annan sa kontinyite, kontinyite dan edik nou popilasyon lo bann mezir ki pe ganny mete.

Pou protez nou bann resours natirel. E osi i enportan ki nou edik zot plis lo zot drwa pou zouir sa bann resours, parey mon zouir li, pou protez li plis.

E parey mon koleg Onorab Cosgrow in dir pli boner, pou ki sitwayen pa santi zot ki nou koman bann politisyen, wi nou pe dir kontinyelman prezerv nou bann resours, annan plis limitasyon lo serten fason pou servi oubyen itiliz bann tel

lokasyon ki nou pe met serten rezervasyon lo la.

Me nou bezwen fer sir osi ki nou pa depriv oubyen metrize nou bann Seselwa ganny sa loportinite pou zouir e apresye sa bann resours natirel ki nou pe met serten restriksyon lo la.

E pa les espesyalman kot etranze ki akoz i en propriyeter prive otour nou bann resours natirel, ki ozordi en Seselwa pa kapab ganny akse oubyen ganny sa loportinite avek son fanmir pou apresye sa labote.

Me byensir avek bokou ledikasyon lo nou responsabilite. Akoz bokou fwa letan nou dir lo drwa, me sa bout responsabilite i pa sorti for.

So i bezwen ganny egalman sorti, pou ki dimoun i konnen poudir wi nou bezwen prezerv nou bann resours natirel, me nou annan en responsabilite osi pou ki nou servi li byen e nou apresye li dan son labote.

E ki demen en lot zenerasyon ki pou swiv apre zot zanfan, i ganny menm loportinite ki nou, nou pe zouir ozordi. Mersi Mr Speaker.

MR SPEAKER

Mersi Onorab Vidot. Onorab Waven William.

HON WAVEN WILLIAM

Mersi Mr Speaker. Mr Speaker mon pou donn mon sipor sa Prozedlwa. E mon anvi dir ki toulezour nou devret remersi Bondye pou nou zoli pei e nou lanvironnman.

Ki mon osi profit sa lokazyon pou remersye tou bann dimoun, bann pionye avan nou ki'n lalit e anmenn en lager pou kapab fer sir ki sa prose pou protez nou lanvironnman i ganny mentenir, i kontinyen.

Mr Speaker, dan serten degre linyorans, aksyon i responsab, enkonsyanman ouswa konsyaman, zom pe detri son lanvironnman. Ki'n anmenn nou ozordi fas a fas ek fenomenn sanzman klima.

E sa lirzans primordyal pou revwar nou aksyon global pou kontinyen asir nou legzistans. E ozordi sa leokri konsistan dan tou kwen lemonn lo sa size soustenabilite.

Mr Speaker soustenabilite i en keksoz ki i bezwen vin en panse entegral sosyete. E sirtou pou nou Sesel koman en Pti Leta Zil.

Mr Speaker, letan ki mon'n dir sa, mon vremen kontan ki nou'n fer progre avek lamannman dan sa Prozedlwa.

Me mon santi poudir la mon pa pe blanm personn la. Me mon santi poudir sa rol fasilitater i bezwen kontinyelman ganny revwar.

Letan nou pe koz *inclusivité*, nou pe koz partisipasyon, nou pe koz pran *ownership*, an menm tan ver sa laspe soustenabilite.

Mr Speaker, nou konnen poudir en nenport Gouvernman pa pou kapab fer sa travay li tousel, i pou bezwen sipor tou bann dimoun ki form parti en nenport ki Nasyon.

So mon pe met lanfaz lo ki fasilitater ozordi ki Gouvernman, zot revwar zot rol. Rezon mon pe dir sa, se ki mon santi poudir prosedir i ankor en pti pe tro birokratik.

Letan serten endividi ouswa groupman dan lasosyete i anvi donn koudmen, pou li kapab ede e tir en pe sa fardo avek Gouvernman pou li kapab fer sir ki i annan en lapros entegral.

La mon pe koz kot ou annan bann lasosyasyon ki ganny formen, e mon santi poudir serten bann prosedir, ouswa bann linisyativ i ganny pran o nivo distrik. Prosedir i vremen tro ankonbre ki finalman i touy linisyativ. So mon ti a kontan ki Minister konsernen i revwar en pti pe sa.

Mr Speaker, mon anvi osi tous lo sa laspe edikasyonnel ki i vremen, i vremen enportan. E ou demann ou lekor ozordi, eski, letan nou pe koz soustenabilite, nou pe koz nou lanvironnman, akoz san nou lanvironnman, depandan kwa ki nou fer, sa laspe soustenabilite i ganny erode.

So i pou enportan ki, sa konpanyi i vremen ganny entegre dan *curriculum* lekol. E pa zis lekol, me kominoter. Akoz i en ledikasyon toulezour. E Grand Anse Mahe nou pe lans nou en lasosyasyon Lanvironnman.

Akoz nou'n vwar poudir, si nou, nou pa pran linisyativ pou nou ede, par egzanp gard distrik prop, an menm tan netway nou bann larivyer avek bann lans, en rebwazman.

Me nou santi poudir i annan en bann baryer teknik, ki letan ou anvi fer serten keksoz, ou vwar poudir, be Minister konsernen, bann teknisyen, petet zot devret vin en pti pe pli *proactive* e *respective* a bann solisyon e sizesyon ki sorti a la baz dan distrik.

Akoz sa pou permet nou kapab bouz pli devan e pli vit. Alors mon ti ava lans en lape avek Minister konsernen, pou pans en pti pe lo la.

E mon santi ki ozordi, mon pran Grand Anse Mahe, si ou pe dir mon poudir i annan bout ki ganny konserve, me mons ant Minister, poudir bann *Sign Board* ozordi i manke pou etranze, menm sa Seselwa ki pe al dan lafore.

Pou li konsyan poudir be la mon pe antre dan en *protected zone*. E sa i manke. E ozordi ou demande, poudir be sa bann zenn ki pa travay, ki al dan bwa, ki olye mont lo pye, mon kapab dir, rod bann fri, zot tant pou koup bann brans ouswa koup sa pye bannann antye.

Me *the policing itself* i en gro problem. So ki mannyer ki fasilitater i angaze avek distrik, ki distrik i kapab reponn sa lapel? E mon pou dakor avek Onorab *Chief Whip*, Onorab Arissol.

Be dan distrik ozordi, nou annan, nou ti annan bann Komite *District Team*. Be zanmen ou'n tande poudir en dimoun in ganny *fine* lo bor lans, ouswa pe zet salte. E lafason osi ki bann aktivite parey netwayaz i ganny fer osi.

Mon santi poudir i mank serten klervwayans dan nou realite, nou vre realite ozordi. Par egzanp, mon'n toultan pe pous sa lide, poudir be netwayaz larivyer.

Be ozordi konpare ek lontan, lontan ou ti annan bann travayer fore ki ti, ou ti annan lenformasyon ki pe antre *day-to-day*.

Akoz bann travayer lafore ti dan bwa, ti pe vwar ki pe arive. Be netwayaz larivyer ozordi i polisyon. Larivyer i komans dan en sours i ariv lo en lot pwen. Be eski netwayaz, be ou netway zis dan plato?

Akoz nou pa fer li en *cycle*, nou komanse, ler ou bit anba ou a remonte. Koumsa ou a konnen lekel bann dimoun ki pe polye larivyer, ki pe zet salte, ki bor i annan *desilting*.

Ki bor nou pe dir demann koupe. Nou'n fatige koz sa zafer lalyann anvaisan. La mon osi mon pa tro konnen ki bor nou ete avek sa proze.

Akoz nou vwar poudir bokou nou bann fore, bokou nou bann plan andemik pe ganny afekte avek lalyann anvaisan.

Ki form parti entegral letan nou pe koz lo sa Prozedlwa. E mon pe vwar osi ki proteksyon li menm li, *there is a cost to it*.

E koman en Pti Leta Zil, eski nou pe fer vreman konpran nou bann Pei Zanmi, bann viziter ki vin dan nou pei ki *there is a cost* ki Sesel i bezwen

pas atraver pou li kapab gard e mentenir sa.

E vwala rezon akoz petet pri Sesel pou vizit Sesel ouswa pou al tel landrwa, pri pou bezwen en pti pe o. E mon krwar nou bezwen komans *entame* en diskisyon.

Be sa *wear and tear*, nenport ki dimoun lo zil, en sitwayen Seselwa pe al partou. Me *when there is no policing*, lekel ki vwar e *monitor* ki sa dimoun pe fer?

E sa ki pe fer, i annan en kou ki finalman ler ou vwar dega, sa i tonm lo Gouvernman. So mon'n lev sa detrwa pwen Mr Speaker, pou montre poudir i annan en ta keksoz ki nou bezwen fer.

E nou lanvironnman i bezwen en konversasyon toulezour. E mon santi poudir, petet nou ozordi nou pa tro petet konsyan nou pe ale. Me sa ledikasyon dan lekol, sa ledikasyon dan lekol, epi *empower* distrik.

Akoz si Minister ouswa bann Lazans pa kapab fer *policing*, akoz nou pa kapab tonm dakor lo en mekanizm. Akoz mwan mon krwar i posibil.

Akoz dan distrik i annan bann sizesyon. Be si ou zofisye pa kapab *fine* en dimoun ki vin fer dezord lo nou lans ouswa dan nou larivyer, ouswa dan

nou fore, akoz nou rezidan nou pa kapab ganny *empower* pou fer sa?

Akoz ki sa zafer *enforcement* ou bezwen reste zis avek santral. So la mon santi poudir i annan serten bann tranzisyon ouswa konversasyon i bezwen ganny fer.

Kot nou kapab travay ansanm pou fer sir ki nou pei i reste soutenab. E nou lanvironnman osi i reste soutenab.

Mr Speaker avek sa de pti mo, mon apresye ki dan sa Prozedlwa osi zot in entegre sa eleman prive. Kot prive i ganny gide pou li kapab devlop bann landrwa ki'n ganny proteze.

Me an menm tan, ozordi nou bezwen, *well*, antre dan sa bann konversasyon. Se, eski nou pou depan zis lo Gouvernman, me ouswa Gouvernman osi pou komans sorti, pou dir be regarde, ozordi sa i en konsern tou dimoun?

E kot sa depans i ganny partaze, e kot distrik i ganny plis *empowerment* pou li kapab ede. Mr Speaker avek sa de pti mo. Mon pou dir ou mersi e mon pou donn mon sipor. Mersi.

MR SPEAKER

Mersi bokou. Mersi tou bann Manm pou zot entervansyon.

Mon ava aprezan envit Minis pou donn son repons lo deba.

MINISTER FLAVIEN JOUBERT

Mersi Mr Speaker, e mersi bann Manm ki'n pran laparol bomaten pou zot bann kontribisyon.

Mr Speaker mon tre ankouraze. Mon lekup nou tre ankouraze par sa lantouzyazm ki'n ganny montre par bann Manm Lasanble Nasyonal ozordi.

Tou lede kote latab in tonm dakor lo lenportans pou nou bouz devan, fer ankore en lepa devan avek demark Sesel pou li mentenir kalite son lanvironnman.

E osi vin avek bann nouvo zouti ki pou ed nou protez pli byen nou bann atou ki nou annan dan pei. Mon'n osi antann byen kler sa pwen ki'n leve lo balans.

Nou bezwen annan en balans ant konservasyon e osi proteksyon. E mon krwar dan plizyer, bann plizyer entervenans ki'n koze bomaten, zot in koz lo la.

Lefe ki nou bezwen proteze, me an menm tan nou bezwen get lentere nou bann zabitan. E dan sa Lalwa mon krwar i enportan pou note ki en bon pe bann prosedir dan sa

Lalwa i enplik konsiltasyon ek posibilite, pou dimoun fer konnen zot pwennvi dan en fason formel.

E non pa zis par entermedyer en zofisye ki kapab, ouswa pa ekout zot. Me dan en fason tre formel. E osi si zot annan okenn lobzekasyon, zot kapab met zot lobzekasyon an ekri pou okenn desizyon ki pe ganny pran anba sa Lalwa.

Sa size aplikasyon Lalwa, mon krwar in sorti dan preski tou bann entervansyon. E mon krwar i enportan pou nou osi not sa.

E mon ti ava kontan ki parey dernyen entervenans, Onorab William in fer sorti, nou osi kapab kontinyen diskisyon los a size *enforcement*. Kot nou bezwen servi tou dimoun ki kapab, ki dan en pozisyon pou ede, pou nou kapab fer marse bann Lalwa.

Dan lepase i annan bokou bann Lalwa ki'n ganny aplike. E i annan bann *case* ki Minister Lanvironnman par egzanp i *settle* an deor Lakour.

Me sa i pa vin bann lenformasyon piblik. Me i annan bann *case* ki pe bouz devan. Me mon krwar mon pou dakor avek laplipar bann Manm ki'n entervenir lo sa size.

Ki ziskan konmela, nou pa ankore ariv lo sa nivo kot nou

pou dir nou satisfè avek laplikasyon Lalwa. Akoz i ankore *still* annan en kantite legzanp, dan tou bann distrik kot bann lofans pe ganny fer.

E ki zot tre vizib e ki zot ti kapab ganny met anba kontrol, atraver laplikasyon Lalwa en pe pli agresiv. E alor mwan mon pou tonm dakor ki nou bezwen kontiny sa konversasyon lo laplikasyon bann Lalwa dan pei.

Mr Speaker mon pou pran detrwa bann pwen ki'n leve, enn apre lot. E nou ava diskite e apresye bann Manm petet zot santi zot pa'n ganny bon repons. Nou ava retourn sa bann pwen.

Mon a komans avek sa size *seasonal protection* ki ti leve lo komansman par Onorab Cosgrow. Kot i ti pe demann en pe kestyon konsernan par egzanp, akse lo lans. Ki manner keksoz pou marse.

Sa *seasonal protection* i anba Seksyon 10 sa Lalwa. E i pa en privez ki ganny donnen avek Minis ouswa avek lotorite pou li aplike nenport koman. I annan en prosedir ki vin avek.

E i osi annan posibilite pou bann dimoun fer zot lobzekasyon si zot pa dakor avek lafason ki pe ganny fer.

E osi mon krwar i enportan ki nou fer kler, ki

seasonal protection i pa toultan dir ki dan sa landrwa ki'n ganny dezinyen, tou aktivite pou arete.

I kapab ki serten kalite aktivite i ganny restrikte pou en peryod letan. En legzanp, par egzanp si ou pe protez serten lespes pwason sa dan lanmer, ou kapab par egzanp dir ki pou sa peryod letan ou pa pou kapab sennen par egzanp.

Me larestan aktivite i kontinyen li. So i pa en kestyon ki si ou pe fer proteksyon *seasonal* lo en landrwa tou aktivite dan sa landrwa pou arete, e tou dimoun pa pou kapab frekant sa landrwa.

Be serten aktivite i kapab ganny restrikte, sa aktivite ki pou ganny vwar, ki pou enterfer avek serten ekosistenm ouswa avek serten lespes.

Lo kote bann *fees*, mon krwar ti annan sa pwen lo sa kestyon konsernan bann *fees* pou bann *protected area*, ki manner sa i ganny determinen?

Bann *fees* normalman i ganny determinen dapre sa landrwa ki pe ganny *manage* e dapre bann kou ki vin avek sa landrwa. Byensir avek lakor Gouvernman.

Me si sa landrwa par egzanp i en zil prive e i annan bann kou ki vin avek, Gouvernman i pa toutafe

enterfer dan *fees* ki ganny sarze.

Me selman nou konnen sa operater ek sa propriyeter normalman i pou bezwen met son *fees* lo en nivo ki konpetitiv avek lezot landrwa dan pei.

E osi ki sa kliyan, sa dimoun ki pe vizit sa landrwa, i kapab kontinyen vini e fer li ganny sa reveni pou li kontinyen fer sa aktivite. Alor i pa en keksoz ki toultan ganny regle par Gouvernman.

Me dan bann landrwa ki ganny *manage* par Gouvernman ouswa ki annan en *management agreement* avek Gouvernman byensir, bann *fees* pou ganny, pou vin anba sipervizyon Gouvernman.

Kou *management* obligasyon, kou *management*, kote nou pou ganny bann larzan par egzanp pou protez bann *area of outstanding natural beauty*, bann lezot.

E mon krwar sa i relye avek sa pwen ki'n ganny fer par bann lezot entervenans ki dir poudir proteksyon i kout larzan.

Byensir i pou annan en serten kantite sonm ki Gouvernman pou bezwen kontinyen met dan konservasyon dan pei. Me i en keksoz ki'n ganny realize en bon pe letan.

E dan pei i annan en kantite konversasyon ki'n ganny fer. E sa in osi abouti lakreasyon *SeyCCAT*. I annan bokou konversasyon pou ganny fer lo ki mannyer nou vin avek bann nouvo mekanizm finansman konservasyon.

Petet ki pa direk, ki pa vize lo zis pey bann *fees* pou antre dan bann landrwa. Me ou kapab tir bann lezot peyman atraver bann lezot sistenm.

I annan ki komans depi lo *Airport* parey serten pei i fer. Me i annan kot ou kapab tir larzan lo lezot resours ki ganny tire dan pei.

Nou annan par egzanp, nou pe koz lo bann *royalties* ki ganny peye letan en dimoun i eksplwat kokodmer. Tousala i bann form finansman ki kapab ganny de plwaye pou siport konservasyon dan pei.

Alor i annan bann mezir ki'n deza ganny met an plas dan pei, e nou kapab enform Lasanble lo tou sa bann mezir.

Me i osi annan bann lezot ki nou kapab kontinyen diskite e met an plas dan lefitir, pou asire ki nou annan sifizaman resours pou kapab kouver proteksyon tou sa bann landrwa.

Me an plis ki sa, parey nou'n dir bann landrwa ki definir e ki ou kapab annan en

kontrol lo la, laplipar di tan en fee pou bann dimoun antre i fer plis sans. E sa i donn ou en reveni ki ase direk e ki ou kapab prevwar davans.

I annan serten kestyon ki'n ganny leve lo, Onorab Georges ti koz lo sa size *deep sea mining* e bann *challenge* ki pe vini devan nou.

Deep sea mining byensir i en size ki nou enterese avek. E nou koman en pei nou bezwen enterese avek.

I annan son size biodiversite an deor ziridiksyon Nasyonal e osi eksplwatasyon resours an deor ziridiksyon Nasyonal.

Aktyelman la nou annan en zofisye ki pe *attend* en *meeting* enternasyonal ozordi aktyelman depi yer. Pou vremen ganny diskisyon avek bann lorganizasyon enternasyonal lo sa size.

E i en keksoz ki nou pe swiv de tre pros e ki nou pou bezwen nou koman en pei asosye avek lezot. Nou pa pou kapab fer li nou tousel.

Asosye avek lezot e pouse pou ki lo nivo enternasyonal i annan bann lakor ki ganny met an plas pou fer ki bann mezir ki dan teritwar, ki ganny aplike dan teritwar isi ganny aplike dan bann lezot landrwa ki pa dan nou teritwar.

I annan plizyer size ki'n ganny leve ar Onorab Aglae konsernan Port Glaud. E mon ava enform ou Onorab, ki enn bann pwen ki ou'n leve, ki konsern Park Nasyonal Morne Seychellois, sa laplipar sa bann pwen pou ganny adrese dan devlopman son *Management Plan*.

E CEO Lotorite Park pou la pou sa lot Lalwa ki nou bezwen prezante apre. E ou a kapab petet ganny en pe lenformasyon avek li lo kan eski sa plan pou Morne Seychellois pou konplete. E ki mannyer bann konsern pou ganny mete ladan.

Alor en bon pe bann pwen ki ou'n leve i pou ganny konsidere dan sa prosesis *Park National* pou Morne Seychellois.

E enteraksyon i ava ganny fer avek bann zabitan ek bann lotorite, pou ki nou kapab tonm dakor lo en fason fonksyonnen. Parey nou tou nou dakor, i bezwen ganny fer dan en fason konzwent.

I pa kapab ganny fer zis par Lotorite ki enpoz bann lareg lo tou bann propriyete. Me i kapab ganny fer konzwentman avek zot.

Me selman Onorab, mon ti a voudre osi enform Lasanble ki mon annan dan mon lanmen la en Polisi *for Private Land Ownership in protected area of*

Seychelles ki ti ganny prezante e aprouve par *Cabinet* le 12 Fevriye 2020.

E sa i adres konsern bann ki annan later dan bann landrwa proteze. Me selman Mr Speaker, mon krwar i enportan, letan nou'n diskite antre nou lo nivo Minister, sa size later dan Park Nasyonal i osi en size ki kapab ganny vwar koman en size politik.

Akoz i en size ki annan pou fer avek filozofi ek panse en Gouvernman lo lafason ki propriyete prive i devret ganny prezerve, ek bann endividi, zot bann drwa i ganny *manage*.

Alor nou lentansyon se retourn kot *Cabinet* avek sa Polisi e vwar si i pou ganny aksepte parey i ete. Ouswa si Gouvernman ozordi ti a voudre revwar serten konponan sa Polisi.

E vin avek serten azisteman dan sa dokiman, pou ki i a kapab aplikab ozordi dan pei, prenon kont tou bann lopinyon ki i annan lo sa size.

Zis pou dir zot lo bann keksoz ki par egzanp ti fer provizyon dan sa Polisi parey i egziste konmela, se letan ou annan bann ka *private ownership* dan bann landrwa proteze, ou kapab annan par egzanp bann transfer, bann

drwa devlopman pou en lot landrwa an deor.

Ou kapab annan bann diferan permisyon ki ganny donnen pou diferan kalite aktivite. Ou kapab annan Gouvernman, en ka kot Gouvernman i aste sa bann later, ouswa donasyon.

Ou kapab ganny en *conservation easement*, kot en lagreman i ganny fer pou ki sa Gouvernman ouswa en lot Lotorite i pran sa later e i met anba konservasyon.

Ou kapab annan *lease* ki ganny fer ant sa propriyeter avek Leta. Ou kapab ganny *gifting*, kot sa dimoun i kapab dir be mwan mon pa pe servi sa later toutfason, mon bann zanfan in gran, nepli bezwen sa bann keksoz. E mon kapab zis pas sa avek pei, ek letan Sesel, e mon dir pran e servi pou konservasyon.

Ou kapab fer lesanz e osi kapab annan si bann lezot opsyon pa la e si ou byen bezwen servi sa later pou konservasyon, ou kapab annan akizisyon avek konpansasyon finansyel.

Sa i bann provizyon ki la dan sa Polisi. Me i en keksoz ki i enportan ki nou pas devan Gouvernman e pas devan *Cabinet*. E nou asire ki i reflekte bann panse.

E si i annan okenn sanzman i ava ganny fer apar i ava ganny sorti koman en nouvo Polisi ki ava gid nou kot i konsern bann Park Nasyonal.

Onorab Aglae in osi koz lo bann mekanizm pou partaz benefis dan bann park. E sa Onorab i osi ganny trete dan *management plan* bann *zone* proteze. E diferan kalite laranzman i kapab ganny fer.

Me an prensip i merit annan serten laranzman ant propriyeter ek Leta lo sirtou bann benefis direk ki sorti lo sa propriyete. I annan limitasyon ki ou'n nonmen, kot i konsern bann landrwa kot *PUC* pe kapte delo.

E sa mon krwar i en keksoz ase enportan, nou *still* bezwen sa bann *zone* kot delo i ganny anmase. E bann restriksyon byensir i pou bokou pli enportan, pou asire ki delo i reste dan en fason korek pou li kapab ganny distribye.

E nou a konpran ki bann landrwa ki pe kapte delo i pa pou, i pa pe ganny kapte pou en dimoun endividi, me i pou ganny kapte pou popilasyon an antye.

E alor i annan de ka kot serten sakrifis i ganny fer pou ki tou lezot dimoun i kapab benefisye. Me sa i en balans osi ki bezwen ganny fer.

Me dan laplipar ka nou bezwen mazin lentere pei osi kot i konsern bann resours ki nou napa en lot opsyon. Delo nou napa en lot montanny kot nou kapab ganny delo, e i tre difisil pou vreman konpromi dan serten ka.

Me selman parey nou konpran, si vreman ou pa kapab ganny konpromi, *then* nou pou bezwen vin avek serten lezot mezir e ou bezwen konsider lezot konversasyon avek sa propriyeter.

Pou ki i annan serten, i trouv li, li osi, i santi ki son pozisyon in ganny pran an konsiderasyon. *Forest reserve F1* parey ou'n dir, i pa en *protected area*, i zis en klasifikasyon anba *land use*.

E sa ganny fer konzwentman ant Lanvironnman avek Minister Lasante. E mon krwar sa i ganny trete lo en ka par ka. E dan plizyer sityasyon, sirkonstans, sa i ganny fer lo baz distrik, ouswa lo baz rezyon.

E i kapab ganny fer pou distrik Port Glaud. E en diskisyon i kapab ganny fer avek distrik, avek *MNA* e avek bann zabitan pou trouv en pli bon solisyon pou *F1*.

Si nou kapab annan bann protokol pou bann *area of*

outstanding natural beauty. Mon sa i en keksoz i kler, letan bann landrwa i ganny dezinyen, normalman i devret annan Protokol lo kwa ki ou kapab fer, kwa ki pa kapab ganny fer.

E osi letan en dimoun i vwar li dan en *zone* parey, i *still* kapab vin avek en propozisyon pou li fer keksoz. Me selman sa propozisyon i ganny zize par lanvironnman, par *Planning Authority*, e menm par sa Komite Konsey ki'n ganny etabli anba sa Lalwa.

E apre sa dimoun i kapab ganny dir kwa ki i pou permet e kwa ki i pa pou permet. E i *still*, i annan sa prosesis argimantasyon ek enteraksyon ki kapab ganny fer, pou ki tou lede parti i kapab vwar en keksoz ki pozitiv ladan, e non pa ki en mezir in ganny enpoze lo son later ouswa lo son landrwa, san ki li i ganny en sans pou li servi dan okenn fason.

Dernyen pwen ki mon krwar i en pwen enteresan Onorab. Eski nou kapab *zone* Park Maren Port Launay ek Baie Ternay e permet serten aktivite kot ou pou eksplwat pwason par egzant ladan.

Dan mon lopinyon sa depar pou tro pti pou fer sa. I annan bann gran park kot ou napa en swa. Par egzant ou

annan bann gran park kot ou vwar en zil dan milye, kot ou kapab fer serten konversasyon lo bezwen bann dimoun.

Me selman nou konnen Sesel konmela, nou napa sa bann bezwen kot en dimoun i napa akse avek manze par egzanp. Me park Port Launay ek Baie Ternay i vreman, vreman ptipti.

E pou zone li pou nou eksplwat en bout pa pou reste nou avek nanryen. Alor nou bezwen tonm dakor ki sa park i pe ganny servi deza par plizyer group e i pe anmenn plizyer benefis deza.

E komans lapes ladan, i kapab kree en lot kalite problem ki kapab fer nou park an prensip disparet. Alor mon krwar i enportan ki nou reste konsyan sa.

Mon konnen poudir i annan serten dimoun ki son lopinyon i diferan. Me groser sa park i pou difisil pou nou met lezot konversasyon dan lafason ki ganny servi.

Mon pou al lo komantr ki'n ganny mete, pwen ki'n ganny met devan par Onorab Arissol. 4 pwen ki ase enportan. Bokou dimoun pa krwar dan konservasyon, e sa mon pou dakor avek ou Onorab.

Pa tou dimoun ki annan menm panse lo konservasyon. E byensir nou rekonnèt ki i annan en bon pe ka kot ledikasyon pe ganny fer avek dimoun ki'n deza konverti dan en fason.

I enportan ki nou kapab konvenk lezot. Pa tou ladan ki ou pou kapab konvenk, me selman *at least* sey koz avek lezot dimoun ki annan en pwennvi diferan.

E konpran kwa ki pe anmenn zot pou zot fer serten aksyon. Konpran kwa ki zot e servi koman zot largiman. E petet rapros ek zot.

E letan ou fer desizyon, konpran kwa ki pou fer zot santi ki zot kapab kontinyen konserve avek ou lo serten size. E sa mon dakor avek ou, ki nou bezwen fer plis zefor dan sa laliny.

E mwan mon pou osi dakor avek en pwennvi ki toultan i ganny met devan.

Se ki sikse en linisyativ i pa annan pou fer avek kantite dimoun ki'n deza konverti ki ou pe koz avek, me plito i annan pou fer avek sa enn de dimoun ki vreman, vreman pa ti kapab ganny konverti, ki ou'n kapab finalman apros zot e koz avek zot.

E mon krwar sa ki enportan, se ki si nou pou fer,

si nou pe koz lo sikse, sikse se letan ou'n ariv konvenk bann ki nou ti krwar pa kapab ganny konvenk.

E la prezan nou konnen poudir nou'n kapab fer en sikse dan nou zefor. E mon pou dakor avek ou ki nou bezwen fer plis ledikasyon lo sa laliny. E sa nou pou konsidere atraver Minister.

I annan lezot Lalwa ki ou'n osi koz lo la, ki nou bezwen ranforsi. Dan distrik bann kondisyon dan distrik, wi mon pou dakor avek ou.

Parfwa nou pe koz lo bann zone proteze, lo bann nespes andemik, nou pe koz lo bokou bann landrwa ki ankor vyerz.

Me dan nou bann landrwa kot nou bann zabitan pe reste, i annan en kantite zefor ki nou kapab fer. I annan en kantite sanzman ki nou kapab fer dans a bann landrwa.

E la mon pou demann bann piblik. Par egzanp i annan dimoun ki i kapab aprobe e demande kote i kapab ganny serten plant ki andemik Sesel pou li entrodwir dan lanvironnman kot i ete, ki kapab fer netwayaz avek son vwazen, e amelyor son lanvironnman kot ki i pe reste.

Pa bezwen i al dan en zone proteze pou li war serten keksoz. I kapab aktyelman pe

entrodwir e pe vwar sa bann keksoz. E osi pou war serten lespes ki pou retournen.

I annan serten lespes ki depan lo serten plant, ki letan ou'n entrodwir ou vwar ki ou lanvironnman i amelyore en sel kou.

Alor mon krwar i annan en zefor ki nou bezwen fer la ansanm ek distrik, ansanm ek bann lezot Lotorite. Kot nou bezwen kominik avek nou bann dimoun e ed zot pou zot vreman amelyor zot lanvironnman lokal.

Departman pe travay lo en proze ki annan pou fer avek bann zarden dan distrik. Me avek bann distrik nou kapab al pli lwen ki sa.

Nou kapab al dan bann legzersis kot nou pran en rezyon, nou pran en distrik antye, e nou travay avek tou zabitan.

E non pa zis bann ki anvi fer zoli zarden, me tou zabitan ki anvi ki enterese pou zot pouse pou fer zot lanvironnman vin pli normal.

E mon krwar i benefisyé tou dimoun, i benefisyé zenn, vye, menm sa enn ki pa ankor konverti. Letan i pou war keksoz i amelyore. I pou santi sa lefe. E posibleman l a i ava santi li pli konfortab pou lji aprobe e kontribye.

I annan sa bout ledikasyon bann kliyan dan lotel e osi bann etranze. Minister in deza fer fas avek sa bann problem dan lepase.

E i annan en formasyon ki'n ganny pouse avek bann etranze. Me i ankor annan bokou pou ganny fer.

E i annan osi bokou kontrol ki bezwen ganny anmennen kot bann dimoun i vini e i pran nenport kwa dan pei e zot al avek. Ouswa i annan bann domaz ki ganny fer, i annan bann ki al lapas bor lanmer eksetera. E mon krwar i enportan ki nou bezwen kontinyen.

I bann ki lizye i ouver lo sa bann size, ki vwar bann etranze par egzans pe fer, i enportan osi ki zot vin devan e zot dir kote sa bann problem pe arive.

Offences and penalties nou'n koz lo la. E parey mon'n dir, mon dakor avek tou sa ki'n entervenir. Lo lefe ki nou bezwen kontinyen aplik penalti.

Parey Onorab Georges in dir lo kote Aride ek bann lezot landrwa. Nou bezwen, pa zis annan zone proteze, landrwa proteze. Me osi annan en sistenm ki pini bann ki pe vin detri sa bann landrwa. En legzanp resan, letan nou'n fer desizyon lo dizef zwazo, nou bann *staff* ek bann lezot

dimoun, zot ti'n al lo ban Afriken.

E ki zot in vwar ban Afriken, se zis en nespes dezas. Lakantite zwazo ki ti abitye laba in desann par en kantite. E osi zot in vwar si en kantite dega ki pe ganny fer dan sa landrwa.

I en ban disab, byensir en dimoun pa kapab reste lo la pou gardyen sa landrwa. Me si nou tou nou vin konsyan, e si nou tou nou gard en lizye lo aktivite kanmarad, nou kapab fer ki nou bann kanmarad i retenir zot en pti pe e zot pa fer sa bann aktivite.

E letan i arive osi, nou bann lotorite, parey in ganny leve, ti a byen si nou kapab ganny plis ranforsman lo later, dan lanmer. Pou ki nou kapab Oran aksyon dan sa bann ka.

Lo kote bann lezot pwen, par egzans sa ki Onorab William in koz lo la, se fasilitasyon prosedir birokratik. Mr Speaker, mon krwar prosedir anba sa Lalwa i en pe plis soup parey nou dir.

I en pe pli fasil pou konpran. I annan serten ki'n ganny klarifye konpare avek avan. Me selman nou bezwen konpran ki sa bann prosedir i *still* reste.

Kot i annan en konponan ki nou bezwen ekspoz avek

piblik letan nou fer bann desizyon parey.

E i pou bezwen annan sa peryod kot lezot dimoun i annan sa sans pou li antre e met son kontribisyon, dan sa bann desizyon ki pe ganny fer.

Me selman mon pou dakor avek Onorab William par egzantp, dan bann ka kot i annan bann linisyativ dan distrik.

Mon krwar sa i kapab ganny fer pli vit e nou kapab donn en repons ki pou ankouraz bann dimoun e non pa dekouraz zot bann ki ti a kontan fer keksoz.

Notifye piblik, non notifye diferan Lotorite kot i konsern bann move aksyon. E parey pe dir, *the District Team* nou pa tro tande sa. Mon krwar i enportan ki nou kapab - i en keksoz ki nou bezwen ranforsi lo kote distrik.

E lo bann size parey netwayaz, sa i en keksoz ki nou kapab travay en pe plis avek distrik. E travay en pe plis avek tou bann lezot partou dan bann kominote, *MNA*, enkli pou fer ki nou annan en pli bon lizye lo bann aksyon ki pe ganny fer, bann aktivite ki pe ganny fer dan bann distrik.

E ki nou kapab osi vin avek solisyon e ankouraz bann group ki fer bann travay.

Ou'n koz lo bann *creepers*, bann lalyann anvaisan. Byensir Onorab lalyann anvaisan i menas bann lespas ki proteze.

I menas bann lespas ki pa proteze e ganny trouve en pe partou dan lanvironnman nou pei.

I en travay ki nou'n komans fer - en zefor ki nou'n komans fer, se nou'n fer en levanter bann landrwa kot i annan sa bann problem. E nou annan en rapor lo la ki'n fek ganny prepare.

Me aprezan se bann kalite aksyon ki nou bezwen pran. Bann aksyon ki'n komans ganny pran, par egzantp pou netwayaz dan diferan landrwa.

Nou tou nou konnen ki i pa pou sifi pou nou kapab met anba kontrol lalyann anvaisan. Nou pou bezwen vin avek bokou plis metod.

I pou bezwen annan bokou plis lapros ki bezwen ganny pran pou dimoun kapab kontrole sa bann lalyann anvaisan.

E menm, i pou bezwen annan bann nouvo lapros ki nou pa ankor koz lo la. Me, akoz lalyann anvaisan i en gro problem ki nou pou bezwen pran aksyon ek li serye avek li.

E nou ava diskite avek tou bann dimoun, bann lapros ki

bezwen ganny pran. Me i pou annan bann lapros ki pou bezwen en pe pli agresiv ki sa ki pe ganny fer ozordi.

E apre ou'n koz lo lefet ki proteksyon i koute. E sa nou tou nou napa okenn dout lo la. Proteksyon i koute e nou pou bezwen mazin byen bann fason kot nou pou kapab konekte larzan. Mon'n koz lo la en pti pe pli boner.

Mon ti a kontan zis refer lo en travay ki ti ganny fer detrwa lannen pase. Kot atraver enn sa proze ki apre in osi abouti a sa Lalwa e lezot keksoz ki i annan pou fer avek konversasyon.

Nou ti fer en travay avek bann kliyan ki vin Sesel pou gete si zot pare pou peye. Ki kantite *willingness* pou zot peye pou antre dan en landrwa proteze.

E bokou dimoun petet i donn ou lenpresyon ki bann kliyan i konplent lo sa bann peyman ki zot fer letan zot vin dan zot proteze.

Me Onorab mon pou dir ou ki laplipar, preski 100 poursan mon kapab dir, bann etranze ki ti ganny *interview* dan sa letid, zot ti dir wi zot pare pou peye.

Zot konpran ki Sesel pe fer, zot pare pou pey en larzan pou akse sa bann landrwa e

pou zot *enjoy* sa bann resours natirel ki nou annan dan nou pei.

Lo laplipar bann etranze ki vin Sesel, bann touris sirtou, zot konpran ki direksyon nou pe fer e zot apresye sa ki nou pe fer. E zot pare pou zot kontribye.

Nou, nou bezwen vin avek en sistenm ki letan sa dimoun i peye, i santi ki in ganny en valer pou sa ki in peye. I pa kapab zis peye me i pa vwar nanryen dan son peyman.

Me i war ki i annan en valer ladan. E se sa ki nou bezwen kiltive. Nou bezwen travay ek nou bann Lotorite, bann *Management Bodies*.

Nou bezwen travay ek tou bann landrwa kot bann antite pe *manage* bann park. Me osi nou bezwen travay avek tou nou bann dimoun lo teren, ki travay lo teren.

Pou zot konpran, pou zot konpran ki zot pou bezwen amelyor sa *welcome* ki zot donn dimoun. Ki letan en touris in vini, par egzanp si nou fer en sistenm kot en dimoun i pey, letan i antre dan pei pey lo *Airport*.

Letan i antre dan pei, i bezwen santi ki sa pti larzan ki mon'n donner lo *Airport* ti vo lapenn. E letan mon'n vin dan pei Sesel, mon'n apresye, mon'n

benefisye sa ki mon'n, sa kontribisyon ki mon'n fer.

Mon krwar sa i enportan. Me selman mon pou dir ou laverite. Se ki tou bann dimoun ki ti ganny *interview* dan sa proze, dan sa *survey*, zot dakor ki wi zot pou fer en kontribisyon.

E mon krwar sa i e n bon sinye i montre ki sa zefor ki nou pe fer, pe ganny apresye an deor. E ki tou bann posibilite i la pou nou kapab fer plis e fer ki nou konservasyon i kontinyen ganny siporte dan pei.

Avek sa Mr Speaker, mon ti a voudre remerci bann Manm pou zot sipor pou sa Lalwa. E mon *commitment* lo kote Minister, se ki nou pou kontinyen avek sa travay parey Onorab Vidot in demande.

Ki i annan kontinyite dan ledikasyon, dan bann travay pou fer sir ki sa lanbisyon i ganny kominike avek piblik popilasyon. Nou, nou pou kontinyen avek sa travay.

E pou nou fer sir ki sa Lalwa letan i antre an fors, keksoz i kontinyen mars byen. E ki nou osi vwar serten amelyorasyon dan bann pwen ki nou ti pe ganny difikilte avek dan leparse. Mersi.

MR SPEAKER

Mersi Minis. Bon nou ava aprezan apel bann Manm pou vot lo *general merit Nature Reserves and Conservancy Bill, 2021*. Manm ki an faver lev lanmen silvouple?

Mersi. Mon krwar tou Manm in vote. Okenn Manm ki kont? Alor vot lo *general merit of the Nature Reserves and Conservancy Bill, 2021*, 28 Manm in vot pour, 0 kont e 0 abstansyon.

Alor *Bill* in aprouve. *The Second Reading* e Madanm Clerk i a fer *Second Reading* silvouple.

MADAM CLERK

Mersi Mr Speaker. *A Bill for an act to provide for the conservation of Biological Diversity and the sustainable use of its components and to provide for matters connected therewith or incidental thereto*. Mersi Mr Speaker.

MR SPEAKER

Mersi. Nou a pas dan Staz Komite pou konsider bann amannman e kestasyon. Lo kote *Bills Committee* lekel ki pou *lead, Chairman?* Mon a donn ou laparol.

HON CLIFFORD ANDRE

Mersi Mr Chair. Mr Chair bann lamannman

tipografi tel ki *commas* ensidswit nou'n tonm dakor avek *panel*, yer letan nou ti fer nou *Bills Committee*.

Sepandan dan *Committee* letan nou pe get *Clause 2*, definisyon *Committee*, zis pou fer sir ki *Committee* i ganny mete avek en *capital C*.

E i annan serten, parey mon'n dir, *commas* ensidswit ki tonm dan *authorized officers*. Nou osi annan ki tonm dan *consulting*. Sorry, i annan ki tonm dan 4(1)(c) kot i koz lo *consulting*.

MR SPEAKER

Ou oule 4(1)(c). Be mon a retourn en pti moman silvouple. Onorab Georges in lev son lanmen. Mon krwar lo en size ki ou'n, en **seksyon** ki ou'n pase. Onorab Georges.

HON BERNARD GEORGES

Mersi Mr Chair. Mr Chair wi efektifman. E mon prezant mon leskiz, mon ti'n devret vwar sa avan, dan son *title* li menm.

Lo premye paz *Nature Reserves and Conservancy* mon krwar, dan *am I correct? That is "Nature Reserves in the plural."*

Donk i byen lo son *objects and reasons* i byen. Me lo son *title, to the Bill* i mank en 's'. E menm zafer dan, *short title*

Clause 1. Nature Reserves and Conservancy Act.

E mon mazinen san ki nou bezwen tarde, si *the same things appear somewhere else*, nou a *take it* ki i pou vin *reserves with an 's'*.

E dezyenman, mon vwar en note lo, *new tracked version* lo *ecological diversity*. Eski nou pou pran sa pwen la oubyen in ganny rezourd?

MR SPEAKER

Ok. Panel ek lezot Manm, i aksepte. The title 'reserves' in plural? Yes, Minis.

MINISTER

FLAVIEN

JOUBERT

Mersi Mr Speaker. Mersi Onorab pou sa pwen. Mon krwar, *Attorney Zeneral* in diskite, e zot in, zot pou *delete 'ecological diversity'*. E zot pou zis senpleman servi, *'ecological.'*

E son definisyon i la, i ava ganny anmennen dan sa Lalwa. Mersi.

MR SPEAKER

Ou pe koz lo bann definisyon la.

MINISTER

FLAVIEN

JOUBERT

Yes.

MR SPEAKER

Ok. So ou'n delete sa soz lo 'ecological diversity.' Mon, leve akoz dan mon versyon i ankor la so. Deleted, Manm i aksepte. Ok.

HON CLIFFORD ANDRE

Savedir nou pe zis dir 'ecological diversity' i zis 'ecological' se tou? Mon a kontinyen Mr Speaker parey...

MR SPEAKER

Non esper en kou Minis, in lev lanmen pou fer en komanter. En enstan.

MINISTER FLAVIEN JOUBERT

Mr Speaker pou benefis tou Manm. Si ou, ti a kontan mon a lir sa, sa ki pe ganny propoze.

'Ecological diversity' pou ganny tire. E nou zis met 'ecological'. "Means the relationship between living organism and their non-living surroundings, including, but not limited to the biochemical, biogeochemical, cycles, food and flows."

So definisyon pou 'ecological.'

MR SPEAKER

Eskiz mwan i en pti pe konplike, mon pa konn tro prosedir ki mannyer nou pou

sa. Bills Committee in swiv sa? Ok.

HON CLIFFORD ANDRE

Nou pou bezwen ganny sa Mr Chair, dan sa format ki in donn nou akoz, i pa'n, nou pa'n pas lo la parey i ete. Me sa i en nouvo definisyon ki i pe donn nou la.

MR SPEAKER

Wi. Ok, so sa i antre dan Bill, ok?

HON BERNARD GEORGES

Mersi Mr Chair. Mr Chair annefe i annan, en pwen. I annan de fraz dan sa propozisyon lamannman, pou definisyon 'ecological.' E nou bezwen fer li vin zis en fraz. Alor avek permisyon panel, ek sipor komite.

Mon ava dir ki "ecological means the relationship between living organism with one another and their living and non-living surroundings, 'in the plural' and includes but is not limited to biochemical cycles, foods and flows."

If that's ok. Mersi.

MR SPEAKER

Panel, de pti sanzman la. Prensipalman pou fer li vin en sel fraz avek surroundings, in plural. Agreed? Can we move

on. Panel in deside si zot aksepte. So Onorab Georges i fer li antre dan, definisyon. Ok. Byen.

HON CLIFFORD ANDRE

Me selman Mr Chair, mon krwar *panel* i devret, lo rikord dir nou poudir zot in aksepte, sa ki Onorab Georges in dir akoz zot pa ankor dir nou sa.

MINISTER FLAVIEN JOUBERT

Mersi Mr Speaker, nou aksepte sa propozisyon sorti kot Onorab Georges. Mersi.

MR SPEAKER

Thank you Minister. Onorab Andre, back to you.

HON CLIFFORD ANDRE

Mersi Mr Chair. Mr Chair la nou al 4, bann *typo* ki nou'n tonm dakor lo la yer. 4(1)(c) i annan 4(1)(d).

MR SPEAKER

Once second. Yes, Onorab Pillay wi. Sorry.

HON SEBASTIEN PILLAY

Mersi Mr Chairman. Bonn apre midi tou dimoun. Mr Chairman, nou, nou annan en long *track record*, koman en parti dan Gouvernman anmenn

proteksyon lanvironnman. E sa i evidan pou tou dimoun.

Dan sa Lalwa, i annan sa seksyon ki pe kree sa nouvo *Advisory Committee*. E mon ti a kontan ki Minis i klarifye ek nou, en pwen senp.

Mon'n vwar ou'n mete, i pou annan 3 reprezantan of bann *persons* ki pe *manage* bann *protected areas*. Ou pa fer kler.

MR SPEAKER

Sorry, Onorab Pillay ou pe koz lo 3(1).

HON SEBASTIEN PILLAY

Mon pe koz lo seksyon 3(2).

MR SPEAKER

2 alor, *ok*, alright.

HON SEBASTIEN PILLAY

Dan seksyon 3(2) ou pe fer provizyon pou ki i annan, en Komite ki pou fer sa travay an relasyon ek sa Lalwa.

Eski ou pe dir souzantandi ki *Seychelles National Parks and Gardens Authority*, ki mon pa pe antisip deba lo la, me ki i pou en antite ki pou ganny kree, pou osi form parti sa komite Eski nou pe antisipe ki Minister Lanvironnman ki osi i annan, en responsabilite anver sa pou form parti sa komite?

Akoz *as* ou'n mete la, e ler mon regard definisyon *persons*, ki annan, ki an relasyon ek *protected area*. *Persons* li menm, i kapab enkli en endividi non?

So mon vwar ou annan en mank, *policy controlled* lo en komite ki sipoze, pe *manage* en Polisi. E pou mwan mon vwar sa i danzere aköz, baze lo *track record* ki nou, nou annan dan proteksyon lanvironnman, i toultan neser ki annan en lentervansyon Gouvernman, pou fer proteksyon lanvironnman.

Zisteman met restriksyon lo later, i enn bann keksoz ki bezwen arive. Met restriksyon lo, dan lanmer kot dimoun i kapab fer serten aktivite. I bann keksoz bezwen arive. E sa i kapab zisteman ganny fer, par atraver Gouvernman. Pa atraver en Polisi, me atraver Lalwa.

So klarifye ek mwan *why this concept?* Aköz Gouvernman ti'n fer kler ek nou ki zot pe retir en kantite bann *Board*. Nou'n vwar zot reentrodwir en *Board* avek 5 dimoun.

So nou ti a kontan ganny en, nou ti a kontan ganny klarifikasyon. Vitman, mon pa pe demann gran-

MR SPEAKER

Minis. Minis ou adrese wi.

MINISTER FLAVIEN JOUBERT

Mersi Mr Speaker. Mersi Onorab pou sa pwen enportan. Mr Speaker si ou get, si nou pou get dan definisyon. "*Person managing a protected area*" *it means the Republic, an Authority, a public body or a person, as the case may be assigned with the management of a protected area by law on the written agreement.*"

So person managing a protected area, i pou osi kapab annan Gouvernman dan sa, lo sa *panel*. E apre sa ou pou annan de Manm ki annan lekspertiz dan konservasyon; *sustainable use of biological diversity* ki kapab osi en dimoun asosye, nomenen par Gouvernman, pou *advice* Minis lo *matters concerning the Act*.

Pa neserman pran desizyon an antye aköz finalman, sa desizyon pou ganny fer, par Minis aköz Minis ki responsab desizyon anba sa Lalwa.

Me sa komite, i pou en komite pardon, en Komite *Advisory* ki pou kapab detanzaot soumet, serten rapor avek Minis. Lo serten bann keksoz ki konsern aktivite anba

sa Lalwa. Alor mon krwar ou konsern, i annan pou fer avek kontrol ki Gouvernman i annan ouswa napa. Lo sa size proteksyon.

Me mon krwar atraver sa komite, si i ganny fer byen ou pou *still*, annan en kler kontrol par Gouvernman. E direksyon par Gouvernman lo bann aktivite - bann aksyon ganny fer anba sa Lalwa. Mersi.

MR SPEAKER

Wi Onorab Pillay kontinyen?

HON SEBASTIEN PILLAY

Mon ti ava pli konfortab. Si mon ti'n vwar ki sa nouvo antite ki pe ganny kree i ganny ekri, eksplisitman anba Lalwa, konmkwa i pou form parti.

Akoz se li ki pou *manage* tou *parks and garden* Sesel. I eksplisitman pa ganny ekrir anba Lalwa. Mwan problem ki mon annan avek sa lamannman ki pe ganny propoze, la se ki ou pe osi enkli endividi ki pou ganny en responsabilite pou *manage* en *protected area*.

Prezan ki mannyer mon pou konekte sa avek *issue*? Onorab Arissol in koz lo en problem avek dimoun ki mal servi bann *protected area*. I byen. Me ou osi annan Seselwa ki byen servi en landrwa kot i

ale. Kot i al fer piknik lo lans akoz ozordi bokou dimoun i reste dan flat, e i depan pou li al lo en lans pou li al pas en letan lwazir.

Me si i annan lans konmela kot i annan dimoun, dimoun pa oule ou al lo sa lans; en boug i fer laplikasyon avek Lanvironnman, i dir ek Lanvironnman poudir, *ok* mon oule ki sa landrwa i ganny *designate* koman *protected area*, akoz torti i vin ponn.

Ou, tonm dakor. Sa boug i kapab anpes dimoun vin lo sa lans. Akoz ou'n donn li *authorized officers* tou la ou. E prezan par lo la ou pe met en reprezantan ki kapab enkli en endividi.

Mwan mon pa konnen ki lenfliyans sa bann dimoun i kapab anmennen *to bear on them*. Mon napa rezon pou dout ou pou dout ou kredibilite Minis mon konn ou tre byen.

Me selman ou konnen nenport kwa en keksoz i kapab arive, demen i kapab pa ou ki Minis. E sa kot nou pe kree en danze kot demen ou pou vwar Seselwa, ki kontan al lo lans trenn tou son fanmir, dan *weekend*, nou al lo lans. Pa pe ganny akse pou al lo en lans.

Zisteman akoz en dimoun ki pa anvi dimoun i *disturb* li kot i annan en lotel, en

restoran, I decide met en *private security officer*, parey Lalwa pe donn li permisyon fer. So mon krwar nou bezwen kler, ki mannyer i annan bann Lotorite gouvènmantal, kot en dimoun i kapab, met presyon lo sa lotorite. Akoz Lotorite i *accountable to the public*.

Mon pa konnen si mon, si ou pe ganny mwan Minis. Mersi.

MR SPEAKER

Mersi. Wi Minis.

MINISTER FLAVIEN JOUBERT

Mersi Mr Speaker. Mersi pou sa bann lezot pwen, Onorab ki ou'n fer monte. Mr Speaker, kot i konsèrn - zis mwan klarifye en pti keksoz kot i konsèrn Lotorite Park ki Lalwa i sipoze ganny prezante *anytime* la devan Lasanble Nasyonal.

Sa Lotorite i pe *manage* en serten kantite *park* ki zot ganny administre par Gouvèrnman. Savedir li i administre bann ki bann *park* Gouvèrnman.

Me selman i pa pou administre tou landrwa proteze li. Alor i pou reste parey i ete ozordi, me i pou ganny konbinen avek Lotorite Zarden Botanik. E nou ava koz lo la pli tar. E son kantite park ki i *manage*, sa i dapre sa ki

Gouvèrnman i *assign* avek li. Me selman i pa vin sa Lotorite ki *manage* tou park.

Bann lezot Lotorite i reste responsab zot bann park. Me avek konsantman Gouvèrnman, avek bann nouvo prosedir ganny etabli.

Kot i konsèrn bann keksoz parey *beach access*, ek bann risk ki annan avek desizyon pou deklar serten landrwa. Parey Onorab i dir mon krwar i en, lafreyer ki zistifye.

Me selman nou bezwen konpran ki prosedir ki ganny etabli anba sa Lalwa, i ase kler e i annan en kantite posibilite pou dimoun ganny konsilte, e osi pou dimoun obzekte pou okenn sa bann desizyon ganny pran anba Lalwa.

I preski enposib anba sa Lalwa, pou swa Minis, swa en group zis deside pou fer en aksyon, ki pou koz en mal lo en lot. Ouswa ki pou restrikte severman liberte lezot. Akoz i annan en proses ki ouver anba sa Lalwa, e ki permet en kantite enteraksyon, en kantite kominikasyon, piblikasyon, *Gazette* eksetera.

E mon krwar sa i, i donn ou sa, rekonfor ki sa Lalwa pa kapab ganny servi dan en move fason. E se sa mon repons pou sa bann konsèrn, i pou annan sa bann konsèrn posibleman.

Me i annan diferan fason ki sa bann dimoun, ki annan konsern i kapab vreman obzekte e anpese ki sa bann keksoz i arive. Mersi.

MR SPEAKER

Mersi. Mersi mon konpran Minis ki i pe dir. Lalwa i ase *robust* pou *take care of* sa problemn. Onorab Aglae ou pwen.

HON EGBERT AGLAE

Mersi Mr Chair. Minis mon pou pran dan menm laliny en pe ki Onorab Pillay. Mon'n ekout ou, ou zistifikasyon ki ou pe met devan kot i konsern sa *Advisory Committee*.

Me mon santi, poudir ki sa bann manm, sa senk Manm ki ou pe mete i pa ase reprezantatif. Akoz i tou dan kote, lo kote mon poudir lo kote Lalwa, lo Gouvernman lo kote proteksyon.

E ler ou pe met, parey '2(b)', ou pou annan ou sa de dimoun ki eksper dan konservasyon, soutenabilite, apre ou met dan '(a)', sa trwa manm ki sipoze dan sa *management protection area*.

Be *what about* sa bann lavwa, pou sa bann *affected parties*? Ou annan lendistri, ou annan bann lezot fakter ater osi. So ki mannyer zot, zot pou,

zot lavwa pou apersi pou zot kapab ganny met zot bann pwen devan.

Ou dir wi pou annan, bann lenstans ki sa Lalwa pe ganny met an pratik, pou annan fason fer petet, pou zot kapab met zot konsern devan.

Be ler komite i zwenn, mon santi ki i devret annan enn bann parti ki kapab, *voice* zot bann konsern deor la devan lo Komite. Apre bann desizyon i a ganny pran an alan. Mon pa konnen, mon pe sey met sa devan.

MR SPEAKER

Minis oule adrese.

MINISTER FLAVIEN JOUBERT

Mersi Mr Speaker. Mersi Onorab pou sa lot pwen ki osi en pwen, en pwen enportan. Dan *Protected Area Policy*, ki ti ganny, ki ti vin avan sa Lalwa. Sa Polisi li i en Polisi depi 2013, ki apre in ganny travay lo la. E enn bann *output* se sa Lalwa. I annan sa.

Kot sa konsern in ganny adrese dan le sans ki ou annan en *Advisory en National Advisory Committee*, ki isi dan Lalwa. E sa *National Advisory Committee*, i aktyelman pe zwenn zis de fwa lannen li en.

E i li son rol se pou konsey Minis, e pou anmenn serten pozisyon ouswa lopinyon lo serten size ki konsern bann aksyon anba sa Lalwa.

Me an menm tan, i osi en komite pli larz ki sipoze ganny etabli, pour anmenn tou bann akter ki annan pou fer avek *protected area* sistenm dan pei. Akoz sa *protected area system* li, i enkli bann ki zot dezinyasyon i o. Bann rezerv, *strict nature reserve* eksetera.

Be osi bann lezot, par egzanzp *the sustainable use area* kot ou annan bann dimoun ki fer bann aktivite ekonomik. Kot i kapab annan bann diskisyon. E i kapab, bann pwennvi i kapab ganny met devan, pou gid lenplimantasyon bann aksyon nasyonalmann lo *protected area*.

Savedir i annan de nivo konsiltasyon, e de nivo groupman ki i merit egziste. Mon pe verifye dan Lalwa si sa *Protected Area Committee* i la.

Me selman sa komite, i la dan *Protected Area Policy*. E li, li, li i en fason pou, pou regroup pli larz tou bann konsern ki annan. E an menm tan nou bezwen rapel, ki letan *management plan* en landrwa proteze i ganny fer, tou bann akter i ganny anmennen ansanm e sa *management plan*,

i ganny kontinyelman anba revili. Anba revizyon.

E mon krwar dan sa ka osi, i kler ki tou bann akter pou annan en sans regilyerman pou retournen. E pou revwar bann keksoz ki'n ganny prevwar, e konpran dakor si i pe vreman anmenn sa ki i sipoze anmennen.

E ki ti ganny met an ekri lo sa dokiman, letan i ti ganny letan sa prosesis ti ganny komanse. Mersi Mr Speaker.

MR SPEAKER

Mersi mon satisfè ek sa leksplikasyon. Onorab Pillay i annan en lot pwèn pou fer? Mersi Mr Chairman.

HON SEBASTIEN PILLAY

Mersi Mr Chairman. Enn bann rezon akoz nou'n *successful* dan bann Lalwa Lanvironnman se akoz in annan *buy-in*, popilasyon. Popilasyon akseptè, malgre i pa'n antyerman dakor, pou li aret touy torti, e manz torti.

Dan lekol in annan bann aktivman dan ledikasyon e ou'n annan bann groupman parey *eco-school* ki'n ede devlop zanfan. *Ok?* Ou, ou bann komite ki pe kree i pa anmenn okenn eleman ledikasyon ladan. E prezan komite pli

enportan, ler mon dir ou bann Komite *Minister* konpran mwan.

Mon pa pe *mean personally*, be mon *mean* ki Lalwa pe kree. Komite ki pli enportan dan mon lopinyon, se zisteman sa Komite dan Polisi ki ou'n nonmen. Me li i pa annan Lalwa li, i ganny kree anba en Polisi. I more *after the fact rather than being part of the process*. E se sa ki Onorab Aglae pe dir.

As part of the wider, consultation process ki anmenn bann akter. Par egzanp si ou pran *eco-school* ozordi in ede devlop plizyer zanfan. Ozordi nou annan zenn mon krwar sa fiy Lawen, in menm kapab al aletranze e devlope. E nou vwar kantite travay ki *eco-school* in fer avek zanfan, lo pwennvi sa *trip* ki bann lekol i ale Aldabra.

Mon pwennvi, dan mon pwennvi Mr Speaker, nou kapab ozordi elarzi, *ambit* kreasyon en komite ki pou *advice* Minis. Dan le sans ki i ava an permet annan, en koegzistans ant proteksyon lanvironnman, e aktivite imen, ki pou inevitab.

Si nou pa kree sa, *then* nou pou annan en konfli ki pou ganny kree ant proteksyon lanvironnman e aktivite imen. En si ou annan endividi prezan

ki kapab *designate* en landrwa, en *protected area*.

Minis i bezwen, mon pa konnen si Minis i kapab donn nou. Be eski nou kapab, ganny en reasirans ki demen personn pa pou met lisyen, pou anpes en fanmir sorti Les Mamelles al bor lanmer, aköz Les Mamelles napa en lans.

I annan en larivyer, me mon pa konnen si ou anvoy dimoun Les Mamelles, benny dan en larivyer. Konpran mwan Mr Speaker, se sa ki mon pe rode ek Minis.

Konmsi mon ti konsernen avek sa eleman, sa *Clause* pou mwan vwar ki mannyer sa *interface* i arive ant Minis e sa group dimoun ki pran lentere, larestan dimoun i met ansanm pou nou annan sa koegzistans ant proteksyon e aktivite imen.

Se sa ki mon pe sey rode, sa balans Mr Chairman.

MR SPEAKER

Mon konpran ou Onorab. Solman mwan mon pou fer en pwen zis lo, mon konsern pou mwan *move* sa *process forward*. Bann sizesyon ki sanz konsep en *Clause*, swa fonksyon en komite oubyen en soz.

Mon krwar nou bezwen rod en mannyer pou *deal* avek sa, avan i vin la. Parske, i difisil la pou nou formil, en nouvo

konsep, en nouvo soz. *Anyway*, mwan mon pe fer sa komantr zis *for the sake of my responsibility* pou mwan fer avanse sa Lalwa. *Sorry* Onorab Georges ki ti'n lev lanmen premye.

HON BERNARD GEORGES

Mersi Mr Speaker aneufe ou'n, fer enn bann pwen ki mon ti anvi fer. Mr Speaker, e mon anvi ki bann Manm lo lot kote latab i konpran mwan byen. Ozordi nou'n, nou pe byen travay dan linite, dan nou diversite.

Mon pa anvi, anvoy en ros dan lanmar. Me sa ki pe ganny dir la, avek tou son merit ki annan. E mon pa pe dir ki napa merit, *it's late*. Prosedir i senp, ler nou lir nou *Bill*, nou vwar sa bann keksoz. Nou fer propozisyon lamannman, nou anmenn en lamannman devan.

At the last minute la, i difisil, pou ou fer antre en lamannman, *even if it's*, premyerman i *substantial*. E dezyenman menm si i annan valer ladan, i difisil pou met li la sa san debalans lentegrite sa *Bill* an antye.

E donk se en pwen ki mon'n fer, a plizyer repriz e mon konnen ki Onorab Pillay, pou konpran mwan. Akoz nou pe

travay ansanm pou nou ganny en keksoz ki byen.

Me mon ti a kontan aprezan adres son pwen. Avek ou permisyon Mr Chair, *very briefly*. Mon pa vwar en problemm avek Komite mannyer i ete.

Akoz ler i dir pou annan 3 manm lo sa Komite ki, sorti dan bann, ki pe *manage* bann *protected areas*. E parey Minis in dir i kapab Gouvernman, i kapab en lot antite, i kapab en endividi.

Sa bann dimoun i merit ariv lo sa *Board*, akoz zot deza angaze dan proteksyon en *area*. Akoz zot annan en lentere, direk dan proteksyon.

Akoz se sa ki zot pe fer. Se pou sa rezon ki zot devret lo sa *Board*. *And it's not the other way around*, ki en dimoun ki anvi protez en bout lans ki annan, oubyen en bout larivyer, oubyen en bout montanny *whatever*, i antre dan sa *Board*, senpleman pou li kapab aprezan lenfliyans Minis pou deziny en serten *area*, pou donn li en proteksyon, oubyen pou anpes en serten kategori dimoun vin dan sa *area*. Mon pa krwar si koumsa i marse.

E *in any event*, si nou regard *Clause 4* ki swiv, nou pou vwar egzaktman bann atribisyon sa *Board*. E sa *Board*

zis i pe rekomann avek Minis li. *At the end of the day*, se Minis ki pou deside.

Si en dimoun i annan en bout lans, kot dernyen torti in monte an 2019, e i dir ki i annan torti ki monte. I pou en Minis fou, ki pou deziny sa landrwa koman en, *protected area*. Me si i annan en kenzenn torti ki monte tou le swar. I pou en Minis fou, ki pa pou *designate* sa *area*.

Alor mon pa vwar, mon pa vwar avek tou respe ki mon annan, e mon konpran lenkyetid Onorab Pillay, aköz i ganny partaze par *mwan Chief Whip*, osi dan en serten sans.

Mon konpran, mon konpran sa lenkyetid, be mon pa vwar ki mannyer i pou ariv, i pou ariv *to fruition as were*. Mon krwar Mr Speaker, bann gardfou i la deza dan 3 ek 4. Mersi.

MR SPEAKER

Onorab Andre ou le adres la ou?

HON CLIFFORD ANDRE

Briyevman Mr Chair. Mr Chair sa i enn bann pwen ki nou ti koz lo la yer, dan nou *Bills Committee*. E enn bann konsern ki nou ti met devan Mr Speaker, sete parey letan nou annan bann sityasyon parey.

E letan, i vin devan Lasanble, de zour avan ki nou pe al prezante, i kree serten, en sityasyon kot nou ti demann avek *panel* osi pou, si ti annan okenn *proposal*, pou ki zot ti fer nou gannnen. Ki nou kapab tonm dakor tou lede kote, ki nou pou *waive* sa *72hours*, ki demande pou nou annan en lamannman sibstansyel.

Mon konpran tou lede ki pe koze. Me selman, parey mon pe dir i en topik, ki nou'n tous lo la dan *Bills Committee* yer letan nou ti zwenn *panel*.

So, mon le dir ki nou si nou vwar bann keksoz en pe parey. Menm si mon konpran lozik ki *LGB*, in dir ki i fer sans. Me selman i tou, tou de menm si nou annan en provizyon ki *strengthen* sa ki nou annan pou fer mon krwar i pli ideal.

Me selman parey nou pe dir, bann *Bills*. E parey ou'n fer ou, ou rapor yer Mr Speaker. Se i enportan ki nou ganny li sa bann zafer. En pe pli avan ki nou osi letan nou pe pas lo la, nou pe fer zistis nou Komite Lasanble, e Egzekitiv pour ki zot osi letan zot vini zot pa santi zot, kwense avek bann keksoz ki nou pe anmennen deswit-deswit. Mersi.

MR SPEAKER

Mersi. Bon nou a pran en komanter lo Onorab Pillay. Apre mon a demann Minis pou reazir. Me nou a pran poz, apre sa. Onorab Pillay.

HON SEBASTIEN PILLAY

Mersi Mr Speaker. Mr Speaker mon apresye antyerman, komanter ki ou'n fer. Mon konpran kot ou pe vini, a sa dimoun ki bezwen *manage* letan e bann keksoz ki pe pase otour Lasanble.

Solman mon ti a kontan, mon ti a kontan *share* ek Lasanble en presep vreman enportan. E mon krwar Onorab Georges, ou'n montre mwan bokou respe atraver ou komanter.

E mon pou montre ou bokou respe atraver komanter ki mon pe al fer osi. Annou aksepte ki an a lafen dizour ki ou reprezant Gouvernman, e ou defann lentere Gouvernman. E tou sa ki ou dir, se an defans lentere Gouvernman. Mwan mon defann lentere Lopozisyon, e bann dimoun ki pa dan Gouvernman.

E i mon rol pou defann lentere, bann dimoun dan tou fason ki non kapab. E a tou moman ki mon anvè diskrit en lamannman ki pe vin devan Lasanble, *whether* mon annan

72 erdtan, mon napa 72 erdtan mon pou fer li.

E sa i ava baze lo lenterpretasyon *Standing Orders*, si Speaker, dan son sazes i ava deside admet sa bann lamannman. Bann pwen ki mon'n met devan Minis, i bann pwen ki mon'n Minis koman en eksper dan Polisi Lanvironnman, ki'n realize poudir son Komite konsiltativ, i trouve dan Polisi. Me son Komite *Advisory*, i trouve dan Lalwa.

E nou annan nou en dekoneksyon ant le de. Akoz pwen ki'n ganny *raise* par Onorab Aglae i fer sans akoz i relevan, pour tou *MNA*, ki annan en distrik. Akoz ler nou pe koz dezinyasyon en landrwa proteze, pou *MNA* ki annan en distrik parey Beau Vallon i relevan.

Akoz Beau Vallon ou annan en gran lakot lans. E ou annan bann propriyete ki baliz ek lans, e ou annan bann zabitan dan sa distrik ki servi sa bann landrwa. Pou en *MNA*, ki sorti Grand Anse Mahé i menm parey.

E zis dayer, *MNA* Grand Anse Mahé in koz lo annan sa konsiltasyon. Aprezan mwan sa ki mon pe rode, se ki mannyer atraver en Lalwa ki kree, ki kree sa *umbrella*, pou anmenn

proteksyon lanvironnman lo en pwennvi spesifik, dan bann landrwa.

Ki manner nou kapab annan enklizyon lezot akter, pou fer ki sa *advice* ki Minis i gannyen, i osi relevan avek aktivite imen ki pase, dan sa landrwa.

Se sa ki mon pe rode. Mon bezwen sa dimoun ki eksper dan Polisi, pou kapab eksplik Seselwa an deor sa. I pa mon lentansyon pou retard travay an okenn ka.

E mon *defer to your wisdom* Mr Speaker byensir. E mon apresye ki Minis, dan tou fransiz, in donn mwan bann larepons fran, larepons onnet. E in apresye bann komanter, e bann kontribisyon ki nou pe fer lo sa kote latab. Mersi Mr Speaker.

MR SPEAKER

Mersi. Minis ou anvi reazir lo la vitman avan nou *break*.

MINISTER FLAVIEN JOUBERT

Mersi Mr Speaker. Mr Speaker, mon osi mon konpran tre byen. Sa bann pwen in ganny met devan, mon konnen Lasanble Nasyonal i annan son fason travay.

E i annan bann sityasyon ki, zot pou bezwen *manage*

sirtou prenon kont letan manner i ete. Me letan mon pe get sa bann provizyon ki dan Lalwa, mon krwar i en pwen enportan. Ki nou kapab met li anba Seksyon 32, kot Seksyon 32 i permet pou fer regilasyon pou met an mars okenn provizyon sa Lalwa.

Kot nou bezwen ogmant konsiltasyon, e fer li vin dan en fason pli permanan. I kapab enn parmi bann premye regilasyon ki sorti anba la, se pou etabli en Komite Konsiltativ lo *protected area*, ki ganny trouve dan Polisi fer li antre dan Lalwa.

Lot keksoz Mr Speaker, se ki sa Komite ki *Advisory* dan Lalwa ki'n ganny prevwar deza, letan, nou get li dan son konteks. I al dan sa laliny kot, e nou vwar sa dan plizyer Lalwa ki'n ganny met devan, resaman. Kot tou desizyon, in ganny tire dan lanmen zis Minis tousel.

Akoz si ou get byen par egzanp Seksyon 10(11) - 10 *bracket* 11, letan i annan obzeksyon sorti kot piblik, se sa komite ki get sa bann lobzeksyon, e ki apre donn en pozisyon ouswa en lopinyon avek Minis lo la.

E non pa zis Minis ki get sa tousel, swa i rezete, swa i pa aksepte. Alor mon krwar ki i enportan ki, nou pran sa

komite osi dan son konteks. I la pour retir en fot, ki toultan ganny, in ganny met devan dan lepase kot Minis i annan *absolute*, diskresyon lo bann desizyon.

E i fer li vin bokou pli prezantatif sa kalite desizyon ki ganny pran. Me mon pou dakor avek Onorab, e Lasanble son rekomandasyon se, mon santi, se fer en provizyon legal pou sa Komite Konsiltativ.

E mon pou dakor ki nou kapab fer li. E nou kapab fer li anba relasyon, anba Seksyon 32. Mersi.

MR SPEAKER

Mersi. Nou kapab pran poz la. Nou a *call time-out*. Nou a rebran lo menm pwen ler nou retournen. Nou a retournen 2er. Mersi.

(BREAK)

MR SPEAKER

Bonn apre midi tou dimoun. Nou a sey rebran kot nou ti'n arive. Lo sa pwen ki nou ti pe, ki nou ti'n ariv lo la. Mon krwar a se moman, mon propoze ki nou aksepte rekomandasyon Minis ki i sey *deal*, avek sa bann *issues*, ki Onorab Pillay ek Aglae in leve, *through regulations*.

Akoz i pou tou senpleman, tro konplike, pou nou anmenn en nouvo *amendment* la. E mon osi, mon en pti pe rekonforte, ki dan sa menm *Clause*, sa, komite, i en komite ki *advice* Minis. E Minis ki dezinyen sa bann *protected areas*.

Savedir i annan en proteksyon *finally the bucks stop with the Minister*. Ki li i pou bezwen pran desizyon kisisa ki pou deklar en *protected area*. E si, i mal azir *then he will face public scrutiny*. *Thank you*. Yes Onorab Georges.

HON BERNARD GEORGES

Mersi Mr chair. Mon ti anvi zis, mon pa anvi prolonz sa deba. Me mon ti anvi zis, kontinyen sa ki ou'n dir.

Premyerman se Minis ki pou deside.

Dezyenmman Minis i desid sa apre ki in ganny, in konsilte *Cabinet*, e *Cabinet* aprouve.

E trwazyenmman i pou bezwen *Gazette* sa *protected area*. *So there will be public scrutiny, all the way through*. Mersi.

MR SPEAKER

Thank you. Avek sa nou a demann ki mannyer nou pe al prosede la?

Mon pa vwar ou Chairman. Eski, ou kapab kontinyen avek bann *amendments* Onorab Hoareau koman *Vice-Chair*?

HON JOHN HOAREAU

Mr Speaker, mon'n pa'n ganny averti. Me selman mon ava gete ki mon kapab fer. *Ok*, ki bor nou ti'n arive la?

Eski nou'n agree lo tou bann '*commas*' ek bann '*s*' *whatever* ki...

MR SPEAKER

Mon konpran sa ti'n eklersi ek *panel*.

HON JOHN HOAREAU

Mon konpran sa in fini agree lo la. So nou al lo *part II*.

MR SPEAKER

Nou deza dan *Part II. Part III Clause 4*.

HON JOHN HOAREAU

Part III. Ok.

MR SPEAKER

Savedir ou napa nanryen ankor dan *Part II*?

HON JOHN HOAREAU

Non.

MR SPEAKER

Ok.

HON JOHN HOAREAU

So nou al lo *Part III*. Byen, *Part III* ankor mon vwar. *Part III 5(3)(d)(e)*. Pou *insert 'of'* apre *objectives* apre pou retir, pou *delete 'for'*.

MR SPEAKER

Yes, Onorab Georges.

HON JOHN HOAREAU

Apre nou..

MR SPEAKER

En moman silvouple. Onorab Georges in lev lanmen pou.

HON BERNARD GEORGES

Mersi Mr Chair, mon vwar Chair *Bills Committee*, in antre. Mon ti pe regard '*(d)*'. Ti'n fer en propozisyon bomaten e i donn en leksplikasyon lo akoz sa mo '*seascape*' i en bon mo.

e mon krwar, sa in ganny aksepte si mon pa tronpe. i annan zis apre sa, en pti, enn pti kestyon. si nou regard

'(d) "a protected landscape or protected seascape, if whether or not it is with coast or sea. " Mon krwar i annan en mo ki manke la, "whether or not it is " could it be 'linked' with coast or sea or is that the term, "whether or not it is with coast or sea. "

Mon ti anvri zis demann sa kestyon Mr Chair.

MR SPEAKER

Petet Minis oubyen, AGs Office i kapab klarifye sa. Minis.

**MINISTER FLAVIEN
JOUBERT**

Mersi Mr Speaker. Mersi Onorab Leader of Government Business pou sa pwen. Mr Speaker letan nou'n konsilte ek nou bann, dimoun dan nou delegasyon isi, sa bout, kot i koz lo sa fraz. Kot nou pe dir "*whether or not it is with coast or sea.*"

In ganny mete aköz, *seascape and landscape*, i ganny dekrir koman de antite apar. Savedir *seascape* i annan pou fer avek maren. *Landscape* i annan pou fer avek *terreste* avek later. Me selman i kapab annan serten sironstans kot, ou kapab annan en *landscape* ki annan en bout lakot avek li.

Ouswa ou kapab annan en bout *seascape*, ki enkli en zil ouswa en bout later avek li. Ki fer ki ou definisyon pou, ou bezwen agrandi en pti pe ou definisyon pou anglob tousala.

Alor se pou sa rezon ki sa fraz, in ganny mete petet bann ki pli eksperyanse dan lekritir legal, petet Onorab i kapab analiz byen sa fraz pou gete si

in byen ganny ekrire. Me selman se sa lentansyon. Mersi.

MR SPEAKER

Mersi eski reprezantan AG's Office i azout keksoz la? *Fine. So si mon konpran byen. Minis oubyen sa this means that if the protected landscape has a bit of sea in it, or if the protected seascape has a bit of coast in it? Is that correct? Ok, thank you.*

Onorab Georges nou kapab kontinyen? Yes Onorab, nou retourn kot Onorab Andre.

HON CLIFFORD ANDRE

Mersi Mr Chair. Eskize pou sa pti retar. Nou'n tonm dakor lo 5(3)(e) kot nou pou tir 'for' nou pou met 'of' before conservation. Nou osi annan 5(4)(d) kot nou pou tir the word 'between' between 'straddles and two sovereign states'.

Panel in osi tonm dakor lo sa, typo ki nou pou annan dan '8', which would be 4, which would be sorry '5(8)'. Nou kontinyen, nou al lo paz nimerò 13. Nou tonm dakor lo, '6 sub {11}'. Nou'n osi tonm dakor Mr Chair lo '7 sub (4)'. E pareyman pou '8 sub (3)(b)'. Lo paz '15, 9 sub (3)'.

E sa lesplikasyon ki'n ganny donnen lo *seasonal*, ki nou'n pase. *Seasonal protection area*, kot nou ti'n, nou ti'n

heavily koz lo la. E sa i en komanter ki ti'n ganny mete la dan soz, mon krwar sa in ganny kouver.

Aprè nou annan nou, '11 sub (1)'. Kot nou'n tonm dakor bann *commas* ki pou ladan. Menm zafer avek 11.

MR SPEAKER

One moment please. Wi Onorab Pillay?

HON SEBASTIEN PILLAY

Mersi Mr, Mr Chairman. Prenon kont sa ki Minis in dir *the frequency of meeting of the Committee*. Mon ti le zis, Onorab Andre in al ase vit. Mon kapab konpran zot annan bann, zot pa'n konsider sa koman en provizyon lamannman. Me sa ki ou'n dir nou se sa komite pou zwenn de fwa dan lannen. Nou korek la?

Be *the issue* ki mon annan la, se eski *from* zot *Policy perspective*, zot krwar ki. Lefe ki i pou *meet* pou *consider objections*, de fwa par lannen *in terms of frequency of meetings*, i fer sans.

Akoz *if you look at the, at the Clause* i dir ou. "*The Minister, in consultation with the Committee, shall consider the objections, hear an objector who wishes to be heard and consider*

other evidence that may be presented".

Mon konsernen, si en Komite pe zwenn zis de fwa par lannen, i limit sirkonstans ki *objector* pou kapab vin devan. *Perhaps it might be a better consideration to increase the frequency of meeting of the Committee?*

MR SPEAKER

Minis, wi *go ahead* Minister.

MINISTER

FLAVIEN

JOUBERT

Thank you, Mr Chair. Thank you, Onorab pou sa pwen. Anba seksyon 3 subsection 7, i zis met *minimum* kantite *meeting* zot kapab fer. Savedir *minimum* i de fwa par lannen. I pa obliz zot fer de fwa par lannen. Zot kapab si i neserer, fer plis *meeting*.

So mon krwar se sa prensip se ou *minimum* se de, me ou *maximum* pa ganny spesifye la. Akoz i pou annan sirkonstans kot ou bezwen fer plis. E se sa mon enterpretasyon, alor si i annan bezwen sa komite pou bezwen pe zwenn plis, e pe fer plis konsiltasyon dan en lannen. Mersi.

MR SPEAKER

Mersi. Onorab Aglae.

HON EGBERT AGLAE

Mersi Mr Speaker. Mwan Lartik 7, kot i konsern '*private submission of proposal to designate.*' Minis eski, nou pou annan atase, bann *set of criteria* ki pou ganny met devan? Akoz ler mon pou gete, pou bezwen annan petet de *set*.

Akoz pou annan sa ki prive, an menm tan nou pou annan sa bann lo kote Gouvernman li menm. *Ok?* So bann kriter eski pou ganny preskrir dan en lot - dan Polisi ouswa dan ki fason? Pour ki Ler en dimoun ki anv *designate* son *proposal*, i bezwen *meet* sa bann kriter, ki sa komite li menm li pou asiz avek pou rektifye, pou gete avan donn en *final* zizman lo la.

So ki mannyer zot pou preskrir sa bann kriter? Mersi.

MINISTER FLAVIEN JOUBERT

Mersi Mr Speaker. Mersi Onorab pou sa keston. Mr Speaker mon pou demann, *Legal Officer* Minister Ms Gerry pou reponn sa pwen. Mersi.

MR SPEAKER

Thank you. Go ahead madam.

SENIOR LEGAL OFFICER SHARON GERRY

Thank you Minister and thank you Onorab. Wi, kriter li i pou ganny deal avek dan en Regilasyon separe. E sa pe ganny travay lo la, an ler nou pe koze. So in the background, so as soon ki sa Lalwa i pare. Sa Regilasyon ki pou liste tou kriter osi, pou vin anfers an menm tan.

E tou kriter i pou, ganny tire dan son *Protected Area Policy*. So i pou vin anfers, e i pou'n pare *by the time*, sa Lalwa i pare. *Thank you.*

MR SPEAKER

Thank you. Ok? Tre byen, okenn lezot soz kot onorab Andre arive. Napa nanryen, pou nou retourn *backwards* lo la, non? Onorab Andre ou a kontinyen alors.

HON CLIFFORD ANDRE

Mersi Mr Chair. Mr Chair parey mon'n dir, dan 11(2) nou'n tir lo katriyenm laliny '*to them*', so i pou lir koumsa "*holding or disposing of moneys paid by Grant*". Menm zafer ki nou'n tonm dakor dan 11 *sub* 4, pou met en '*s*' *purpose, purposes*.

Menm zafer, ki nou'n tonm dakor ankor, dan 12 *sub* 4. Pou nou tir, lo dezyenm laliny '*he or she*', pou nou *insert* '*that person shall*'. Nou bouze Mr Chair. Lo paz-

MR SPEAKER

One second please. Onorab Pillay.

HON SEBASTIEN PILLAY

Mersi Mr Chairman. Mr Chairman mon pe, mon pe regard seksyon 11 *and then* mon pe *refer to Public Finance Management Act*. Ankor sa ti en Polisi *ambit* prezante devan nou.

Me selman, pou reste anliny avek lankadreman Lalwa. Annou regard seksyon 11 e kot i koz lo en lord ki Minis kapab fer ki pou donn en Lotorite, pou resevwar later, *monies paid by Grants or otherwise*.

Mon ti ava prefere ki i annan, ki anler dan sa enn, dan sa *Clause 1, the Minister* ki a safwasi nou pe met li koman Minis keksoz ... Lanvironnman, *“in consultation with the Minister for Finance”*

Akoz nou pe *deal* avek, *assets* ki *due to the states*. E anba *PFM Act, disposal of okenn assets*. I *subject to* parfwa a *warrant to the Minister for Finance, with the approval of Cabinet*.

MINISTER **FLAVIEN**
JOUBERT

Mr Speaker, mersi. Mersi Onorab pou sa pwen. Mon pa'n tro konpran, vreman. Petet mon a demann Onorab pou remet son pwen devan, pou nou ganny byen kler egzakteman, dan ki *Clause*, e kwa egzakteman ki i oule fer antre? Mersi.

HON SEBASTIEN PILLAY

Mersi Mr Chairman, Mr Chairman anba 11(2). I, anba 11(1) ou annan drwa. Mon poudir ou akoz an se moman se ou Minis responsab pou sa, pour sa portfolyo,

ou annan drwa, pou deklar en Lotorite egzistan koman en Lotorite ganny etabli koman en *body corporate*.

E sa Lotorite i kapab, tenir later, resevwar *holding, dispose* bann *monies*, ki ganny peye par bann *Grants or otherwise*. Pou bann *“purpose of defraying expenses incurred in carrying out the objects and provisions of this Act.”*

Prezan, an sa ki konsern *management of finans*. Ok. Ou Minister i *subject to* en odit anba Lartik 158 Konstitisyon ki ganny fer par Oditer Zeneral. Me sa lord i pe permet ou pou donn, *convey* serten Lotorite lo en lot Lotorite, ki mon krwar i devret ganny fer, pa zis par ou Minister, me ou Minister an

konsiltasyon avek Minister Finans, ki li i sa Minister ki annan pouvwar.

Me ki annan responsabilite anba Konstitisyon, pou *manage* Bidze pei e Bidze bann antite.

Mon krwar i ti ava preferab, ki annan en konsiltasyon ant ou Minister ek Minister Finans avan, ki en tel lord i ganny donnen. Sa i ganny preskrir anba Lalwa. Pour ki i ava annan - nou pa ava annan en sityasyon kot en *asset* i ganny *dispose of* apre.

E nou vwar en sityasyon kot parey nou'n vwar dan bann medya, en *tanker* i ganny vann eksetera, bann keksoz i ganny devlope. E ou vwar en bann - en bann kalite, keksoz arive.

So i enportan ki nou, nou met keksoz anba Lalwa. E ki Minister Finans pa ava annan rezon poudir, pa ti konnen *or* konnen eksetera bann keksoz koumsa. I fer li kler. Mersi Mr Chairman.

MINISTER FLAVIEN JOUBERT

Mersi Mr Chairman. Mon konpran sa pwen ki'n ganny mete devan par Onorab. Mon ti ava demann *Attorney Zeneral* pou dir nou si *ok*, ouswa si i pou fer en problem. E mon pa trouve okenn difikilte.

Akoz tou fason sa prosedir pou bezwen ganny swiv dan sa fason. Mon krwar i kapab antre. Mersi.

HON BERNARD GEORGES

Mr Chair mersi bokou. Mon pa dakor antyerman. Mon konpran lide, mon konpran lespri. Me *otherwise* sak fwa, pou annan en keksoz pou bezwen, *refer to the Ministry of Finance*.

Ler ou anvi *designate* en semen, ler ou anvi aranz en - ler *SLTA* i anvi met koltar en landrwa toultan i bezwen dir '*in consultation with the Ministry of Finance*'. Akoz i pou al servi larzan piblik. Mon pa vwar premyerman, rezon. *Because it's going to happen anyway* parey Minis in dir.

E dezyenmman napa en obligasyon *for Consolidated Fund* pou pey larzan okenn sa bann antite la. I mete "*by Grant or otherwise*", i pa mete *monies appropriated from the Consolidated Fund*, parey dan bokou ka nou dir.

So the issue, I don't think arises. Mersi.

HON SEBASTIEN PILLAY

Mersi Mr Chairman. Mr Chairman dan son analiz Onorab *Leader* Zafer Gouvernman, in petet mank en

keksoz. Nou pa pe koz lo en aksyon ki sa, ki sa Departman pou fer en aktivite. Nou pe koz lo bann *assets* ki pou ganny *conveyed* avek li, pou li *manage*.

Now, ler nou enterpret *Grants or otherwise*. Tou *Grants* ki vini, i annan en prosedir par ki i antre. E sa prosedir i antre atraver Bidze pei, e i ganny *consolidate* dan Bidze pei. E sa nou tou nou vwar sa.

Ek zeran sa Bidze pei, zeran sa *Grants* e Polisi Finansyel Gouvernman, anba Lalwa *PFM* ki fer ki Minister Finans i annan en lobligasyon fer en rapor ek Lasanble. Se Minister Finans ki fer, akoz *Public Finance Management Act* i fer kler sa.

E prezan pou nou lenformasyon *Public Finance Management Act*, i osi fer kler ki tou bann dispozisyon *assets*, i bezwen ganny fer anba sanksyon Minister Finans.

Par egzanp, pou *right off* en *asset* i bezwen ganny fer anba sanksyon Minister Finans pou *dispose* en *asset* depandan lo son montan. I al ziskan kot *Cabinet*, me Minister Finans ki bezwen donn en *warrant* pour li, pour li sa.

So sa ki mon pe dir se ki. Si nou le annan, en sityasyon kot ou annan en Lotorite ki pe

ganny *vested Grants* e bann keksoz koumsa, e ki ou pou annan en fason, pour odit sa ki pe pase.

Se ou bezwen fer li atraver en konsiltasyon avek Minister Finans. Me a mwen Mr Chairman, sa i mon fason get li koman *Chairman FPAC*. Pou mwan asire ki mon annan en lotorite ki mon kapab asire pou annan en *monitoring capacity*, lo depans sa bann larzan e sa bann *assets* ki ganny mete.

Mon pe zis met sa *as en, not only as an abundance of caution, but as a necessity within our financial framework, pou asir accountability*.

Si Gouvernman i refize pou li pran, mon pou *defer to* Gouvernman. I a met an dout rezondet akoz Gouvernman pa oule pran en tel nide, pou annan plis transparans.

E pou annan plis kontrol e *monitoring* an relasyon avek bann *assets*. Sirtou, si nou pe koz lo *management* kokodmer par egzanp. Mersi.

HON BERNARD GEORGES

Mr Chair, wi mon pa swiv lanaliz Onorab. Akoz premyerman, *what if* Minister Finans i dir non. Tou dimoun in tonm dakor, *National Advisory Committee* in tonm dakor, Minister Finans in tonm dakor,

tou dimoun in tonm dakor, pou *designate* en area.

Me Minister Finans i dir non ou pa pou fer. *What's the point having a Minister of Environment* alors. Si Minister Finans i kapab zis anpes, en keksoz ki tou dimoun i trouv swetab. *I don't think*. Se pou sa rezon ki mon pa vwar, sa rezon.

E dezyenmman, *in any events*, ti pou annan *disposal of assets*, i pou bezwen ganny idantifye. Mon pa vwar, ki manner pou annan en *disposal of assets*.

Akoz sel keksoz ki Minis poudir se, Grand Police pou vin en *natural reserve*. Se tou ki i pou dir. *What has the Minister of Finance got to do with it?* Konpran? Mon pa swiv sa lozik.

HON SEBASTIEN PILLAY

Petet Onorab, i pa sa ki sa *Clause* i dir. Si ou get byen sa *Clause* i dir ou. I pe *vest* dan en Lotorite. I pa pe deklar en *preserve* la li, i pe *vest* dan en Lotorite, pou *manage*.

Nou pe koz lo en Lotorite la. *Is not the declaration of the, of the site? So this is what you, your argument* i baze lo lefe ki ou pe koz lo, si i poudir Grand Police i vin en sa. Non!

Sa poudir par egzanp si i pou donn en Lotorite kelkonk dan Minister Lanvironnman.

Let's say i pou donn *Seychelles National Parks and Garden Authority*, ki pou formen byento.

Sna ki mon antisip deba lo la. Lotorite pou *manage* lavant kokodmer par egzanp. *Ok*. So mwan ki mon pe dir se ki, ou bezwen annan en konsiltasyon avek sa *body*, sa lenstitisyon Leta ki asir sa. Akoz mon pe get sa *Clause*, mon pa vwar prezan.

Once ou'n *vest* sa lotorite dan sa *body* ou'n donn li sa Lotorite. Ki manner nou pou konnen, ki manner nou pou odit, son bann kont? I bezwen annan en form odit son bann kont e bann aksyon ki ganny pran anba sa Lotorite.

Akoz i dir ou i pou *difer*, bann *expenses*. Lekel ki pou fer *auditing* sa bann *expenses*? Akoz anba sa *Clause*, i pa dir poudir i pou ganny odite parey Lartik 158 Konstitisyon i demande par Oditer Zeneral.

HON BERNARD GEORGES

Wi mon ti anvi dir zis de keksoz Mr Speaker. Premyerman Onorab i annan parfetman rezon, mon ti'n mal lir sa. I annan rezon, sa se *management of the designated area*. E non-pa *the designation of the area*.

Me mon largiman pa sanze. Akoz sel keksoz ki sa Seksyon i dir, se ki Minis i kapab *designate* en *corporate body* pou *manage* en *area*. Minis ava dir, “Vallée de Mai *would be managed by SIF.*”

Oubyen i ava dir “Farquhar *would be manage by Farquhar Foundation.*” *That’s it.* Se tou ki i fer. *And then,* sa *body corporate* li i deside, ki *manner* pou fer li. Mersi.

MR SPEAKER

Onorab Pillay, ou a fer ou dernyen pwen. Apre mon a demann Minis, pour repas lo la.

HON SEBASTIEN PILLAY

Mersi Mr Chairman. Mon apresye grander lespri Onorab Georges, pou aksepte in mal lir sa *Clause*. E i vwar ki ti dan, i ti in *error*.

Me mon pa swiv son largiman ki i pe servi *regarding SIF*. Akoz mon ti a kontan ozordi demann zabitan Praslin, si zot kontan ki *SIF* ki pe *manage* Vallée De Mai? Konpran? So si nou le bouz dan en lot direksyon. *Ok?*

Si Minis i le donn mwan en reasirans, *then* azout en *Clause* ki kont, *the accounts of* sa lotorite, a ganny odite, anba parey Lartik 158 Konstitisyon i prevwar.

Akoz mon pa vwar ki *manner* mon konnen ki *manner* bann *of defrayment of expenses* sa lotorite in fer. Si ou pa met en *Clause* ki dir ki *manner* son lodit pou ganny fer.

MR SPEAKER

Ok Minis ou a kapab adrese silvouple.

MINISTER FLAVIEN JOUBERT

Mersi Mr Speaker. Mersi tou le de *Leader of Government Business* e *Leader of Lopozisyon* pou zot bann pwennvi ki zot in met devan.

Mr Speaker mon pou enterpret sa dan mon kapasite koman en non, en dimoun ki napa en kalifikasyon legal. Mwan pou mwan sa *Clause*, sa provizyon dan sa Lalwa, i pe dir ki Minis i kapab deklar en Lotorite, ouswa enn ki'n fek etabli koman en *body corporate*, pou *perform* serten fonksyon anba sa Lalwa.

Me selman mon pa vwar en bout kot i dir ‘*Minister may established an authority.*’ So anba la, nou pa pe koz etabli man en Lotorite. Akoz en letabli man Lotorite, parey nou’n koz lo *Parks and Garden Authority*, ki byento nou a koz lo

la. I ganny fer, anba son provizyon pou li menm.

E dan son provizyon, i annan tou sa bann kontrol parey Onorab *Leader of Lopoziyon* pe koz lo la. Ki asire, ki sa Lotorite i egziste annakor ek tou bann Lalwa Kontrol Finans Piblik, odit koman en antite piblik eksetera.

Mwan dan mon lopinyon, i pa fer en gran diferans si nou met an konsiltasyon avek Minister Finans, oubyen non. Me selman mon lenterpretasyon se ki, la nou pa pe koz lo etablisman en lotorite anba sa Lalwa.

Me plito konsiderasyon en lotorite ki egziste, ouswa enn ki pe nouvo, pou fer en fonksyon anba sa Lalwa. Mersi.

MR SPEAKER

Onorab Pillay. Wi.

HON SEBASTIEN PILLAY

Mersi Mr Chairman. Ou konpran nou annan en *issue* la.

Si sa Lotorite in ganny konsevwar anba en Lalwa, i pa en lord ki pou preskrir ki manner ou apwent son *Chief Executive Officer*.

Se sa Lalwa ki pou preskrir sa. Nou aksepte sa. Parey ozordi. Byento zot pou vin avek Seychelles *National Parks and Gardens Authority*.

Se sa Lalwa ki pou preskrir ki manner nou pou apwent son *CEO*. Ki manner nou pou apwent son *Board*. Ki manner nou pou apwent tou keksoz.

Si nou swiv sa *Clause* e nou regard 3. I dir ou sa lord i pou *provide manner of appointments for sa Boards, son Members, son Chief Executive*.

So basically, i pa vedit ou poudir sa Lotorite ki ou pe kree la. Sa lord i kre en Lotorite dan li menm la li. Akoz ou pe, ou ki pe deside ki manner ou pou apwent sa *CEO*. Ou ki pe deside ki manner pou apwent son *Board*.

Prezan mon konsern i se ki prezan la a sa moman la petet en mankman, petet en *oversight*, se ki manner ou pou egzers en *financial oversight* lo sa ki sa lot antite pe fer.

Eski pou egziste an deor *remit* bann *MDAs* Gouvernman? Or si nou pa le met konsiltasyon ek Minis Finans. Be annou met, annou mete, ki son bann kont oubyen okenn bann aksyon finansyel oubyen depans ki pou fer, pou ganny odite parey Lartik 158 Konstitisyon i prevwar.

Si nou azout Lartik 158 Konstitisyon *somewhere* la, mon pou satisfè ki nou pe mentenir nou lapros pou

mentenir *accountability*. E asire ki i annan en *monitoring* lo depans Gouvernman atraver antite.

Se sa problem ki nou annan Mr Speaker. Ou war se sa *Clause 11(3)* i kre en lot eleman Minister.

MR SPEAKER

Minis wi.

MINISTER FLAVIEN JOUBERT

Mersi Mr Speaker. Mon pe ekout Onorab e mon konpran ki i pe dir. E mon krwar petet dan sa *text* i annan en fot. Petet dan lafason ki in ganny ekrir.

Akoz la i pe lir ki “*an order under sub section 1 may declare an existing authority or newly established*”. Mwan mon mazine ki i devret dir “*or newly established an authority as a corporate body*”. E la prezan i ava fer sans avek sa lot seksyon ki vin par anba.

E la prezan i kler poudir i annan sa opsyon etablisman en nouvo Lotorite. E apre i swiv dan *sub section* ki vin par anba.

Akoz son paragaf lo li menm i pa kler si ou pe koz lo etablisman en nouvo Lotorite. Mersi.

MR SPEAKER

Wi Onorab Pillay.

HON SEBASTIEN PILLAY

So pou avans nou Mr Chairman. Nou annan en konfizyon ki ganny kree la. E konfizyon ki ganny kree, i ganny kree par 11(2). I koz lo deklar en Lotorite egzistan. Or en Lotorite ki pou ganny etabli.

And then 3 i dir ou sa lord pou etabli en Lotorite. Mon krwar petet bann dimoun legal *from* perspektiv Polisi Gouvernman, i klarifye sa.

Dezyenman mon ti ava propoze avek Minis anba *Clause 4* azout en *Clause (c)*. Ok? E prezan ou mete. Ou mete poudir ki “*the authority mentioned in section 11(2) the account of the Authority mentioned in section 2 shall be audited according to Article 158 of the Constitution.*”

MR SPEAKER

Ok. Nou annan 2 propozisyon la.

HON SEBASTIEN PILLAY

I rezourd nou problem. I rezourd nou problem.

MR SPEAKER

Ok nou annan 2 propozisyon la. Enn propozisyon ki Minis in fer pou en *rewarding*. La ki mon pa'n tro swiv. Minis a bezwen

repete si i le ki Lasanble i konsidere.

E 2, propozisyon Onorab Pillay. Ki pou azout en *Clause (c), 4 (c)* dan sa seksyon.

Ki zot mazin? *LGB*.

HON BERNARD GEORGES

Mersi. Mr Chair mon pa dakor avek ni enn, ni lot. Pou bann rezon swivan, avek respe.

Ou vwar sa keksoz ki ou pe fer la mon bezwen fer en pti pefas ozordi, e dir ki tousala ti devret ganny fer avan *Committee Stage*, par bann *tried and tested rules* Lasanble.

Al devan *Bills Committee* met sa bann pwen. Fer en amannman pou ki nou kapab war tousala avan ki nou bezwen fer li *on the hoof*.

Me *anyway* in ganny fer. E les mwan adres sa ki mwan mon vwar dan sa *part. 11* i dir ki Minis i kapab deklar en *existing authority* oubyen i kapab, *or* i kapab etabli en Lotorite ki li i konsider neserer pou *manage* en *protected area*.

Sa se bann Lotorite *quote, unquote* gouvnmantal. E rezon ki mon dir sa se ler nou al dan 4 (a) nou vwar ki i kapab osi *assign* avek en dimoun, Ee *area* ki'n deza ganny, ki pou ganny *designate*.

I kapab *assign* avek en dimoun pou fer sa. Me anba 11

(1) i kapab kre en lotorite. Oubyen i kapab *designate* en lotorite ki'n deza ganny kree pou fer sa travay.

Anba 11(2) i bezwen fer sa par *order*. So, *having designated under* (1). *Or having adopted designated* (1), anba 2 i fer en *order* pou deklare ki swa sa *existing authority*. E la kekfwa nou bezwen annan en *comma*.

Or sa newly established authority, e kekfwa nou bezwen annan en *comma* la. I ava vin en *body corporate* ki kapab fer tou sa bann keksoz ki dan 11 (2). *Ok*.

Sa se son prerogativ. *He establishes authorities*. E mon mazin ler i etabli sa Lotorite *ipso facto*. I pou bezwen annan dan sa letablisman sa Lotorite, li sa Lotorite pou ganny son bann kont. Pou ganny odite par *Biro Auditor General or whatever*. Mon krwar se la kot sa pou vini. Me non pa dan sa ki i ete la.

Sa i zis donn Minis en pouvwar pou li kree en Lotorite. Par egzanp Minis demen i anvi *designate* Grand Police Police Bay koman en *special reserve*. I pa anvi donn sa ni *SIF*, ni *ICS*, ni Mr Deltel, ni *XYZ*.

I anvi dezir en nouvo Lotorite. *Police Bay Management Authority* pou *manage* sa landrwa. I ava fer li

anba 11. E dan sa *designation*. Dan sa *order* la nou ava vwar kote bann kont sa Lotorite pou ganny odite.

I think that is how it will be Mr Speaker. E si mon annan rezon. E si *panel* i dakor avek mwan. E mon konnen ki *Leader* Lopozisyon pou dakor avek mwan, dan sa ka mon pa krwar ki nou bezwen okenn amannman avek seksyon mannyer i ete. Mersi.

MR SPEAKER

Mon ti a zis, si mon kapab zis azoute, lo sa pwen ki Onorab Georges in fer. Si ou get sa seksyon 11(3) son dernyen laliny i dir letan i "*establish an authority*" i pou osi *provide* pou serten keksoz e "*all manners necessary, all matters necessary for the proper and efficient functioning of the authority.*"

Eski sa pa i enkli *any Financing Regulations* ki i bezwen? Eski sa pa i ganny kouver? Les mon dir poudir nou pou bezwen pas sa, e parey nou'n fer resorti *Bills Committee* in deza pas lo la. E in met sa devan *panel*. Si *panel* i anvi ki sa i reste mannyer i été, mon krwar nou pou bezwen aksepte li e *move on*. Onorab Andre.

HON CLIFFORD ANDRE

Mr Chair mon konpran largiman e letan nou pe get anba Seksyon 32 kot regilasyon i annan (f) ki dir ou "*establishments of funds for specific purpose under this Act*" apre i annan (k) ki koz "*anything required to be prescribed under this Act*".

So, mon mazinen si *to cure* serten konsern, Minis i kapab fer Regilasyon ki tonm anba sa 2 *subsection* kot i kapab *take care of* ki mannyer odit ti kapab ganny fer e lezot keksoz ti kapab ganny fer.

So, mon mazinen pou nou pa pran bokou letan e pou nou kapab *cure* sa *defects*, i egziste bann mekanizm ki kapab ganny pran konsiderasyon pou sey war sa solisyon. Mersi.

MR SPEAKER

Wi, So, mon pe propoze-? Wi ale dernyen pwen Onorab Pillay.

HON SEBASTIEN PILLAY

Mr Chairman mersi bokou. I kler ki mon pa pou ganny okenn *as* Angle pou dir ou. *I will get no joy from* sey travay dan linite avek zot enkli ou, akoz mon war ou'n partisip, menm dan deba ou menm. Avek tou respe Mr Chairman *of course* mon dir sa avek en pti pe konsern.

Pou mwan mon war li drol ki Gouvernman pe *move*, pe *depart from en tried and true practice* ki se ki bann Lalwa i *all encompassing* vizavi *financial probity* i vin vizavi *accountability*.

La aprezan nou pe met bann keksoz *ipso facto after the facts*. La aprezan i vin dan Regilasyon. E sanmenm sa bann Lalwa ki'n ganny mete toultan ki'n fer nou monte nou bann *rating*.

So la, mwan mon pa konfortab avek okenn resours Leta oubyen okenn resours natirel nou pei, avek okenn endividi san ki mon pa kler lo ki manner i pou ganny *managed*. Or mon pa kler lo ki manner finansman ki pou donner pou sa Lotorite pou ganny servi. *Ok?*

La mon pe ganny dir ki mon bezwen esper regilasyon. Mon pe ganny dir poudir sa lord. Me neanmwenn pwen Gouvernman ki ti koz lo kantite *Board* ki annan, ki ti koz lo kantite Lotorite ki annan, nou pe met pouvwar dan en Lalwa, ki kont zot prop Polisi pou bann *Board* ki zot in tire, pou donn pouvwar en Minis pou zis kre en *Board*, kre en Lotorite. I kre en *CEO*. I kre tout en gam striktir sipor ki bezwen ganny en saler.

So Mr Chairman, mon kit sa la avek dimoun ki pe ekoute

an deor e bann dimoun i ava deside prezan dan lonterm si nou, nou'n pran meyer desizyon.

Me selman mwan mon dezapwente. Mon dezapwente ki nou pa'n war loportinite ozordi pou nou ariv lo en konsansis ki a permet nou fer sa Lalwa bokou pli for ki i ete ozordi.

MR SPEAKER

Ok. Onorab Georges terminen silvouple.

HON BERNARD GEORGES

Mersi Mr Speaker. Mr Chair mon bezwen pran laparol ozordi aköz Onorab Pillay pe donn en lenpresyon, e sak fwa i fer sa i dir” pou bann dimoun an deor” e sa i pa responsab!

Si *Leader* Lopozisyon ti responsab i ti ava lir son Lalwa, i ti ava fer bann amannman, e ozordi i ti ava *move* son bann amannman. I pa pou vin la dan *Committee Stage*.

(APPLAUSE)

HON BERNARD GEORGES

... eskiz mwan, i pa vin dan *Committee Stage* pou fer krwar ki nou pe fer en keksoz ki pa anliny avek Polisi sa Gouvernman. E sa mon pa aksepte. Mersi.

MR SPEAKER

Thank you. Vi ki sa pwen in pas *Bills Committee* e in la dan Lasanble, mon ava zis demann Minis i aksepte *wording* ki la pou nou kapab *move on*.

MINISTER FLAVIEN JOUBERT

Mersi Mr Speaker. Mwan mon konfortab avek sa ki la aktyelman. Ti annan bann propozisyon pou aziste e mon krwar nou kapab bouz devan. Akoz lentansyon i kler menm si pa nou tou ki pou tonm dakor avek lafason ki in ganny ekrire. Me selman lentansyon i ase kler dan sa Lalwa. Mersi.

MR SPEAKER

Thank you. Onorab Andre ou a kapab kontinyen silvouple.

HON CLIFFORD ANDRE

Yes, mersi Mr Chair. So, 11(2) parey nou dir nou'n tonm dakor. Menm zafer avek 11 *sub* (4). E nou annan 12 *sub* (4). Ki nou'n tonm dakor ek *panel* lo sanzman ki pou annan.

Menm zafer avek 14(b). *Sorry, sorry* Mr Chair i premyerman 13(b). 13 *sub* (2) *also*. Apre i annan 14(b), e nou annan nou 17(1)(a).

E nou osi annan 19(1). 19(2) mon pou lir akoz i annan

en sanzman mo, i pou lir koumsa 19(2); “*the person managing the protected area shall cause to be published in the Gazette an*” pou tir sa ‘A’ pou met ‘a’ - *appointment under subsection (1)*.

HON CLIFFORD ANDRE

Apre nou ava osi dan 19 (3) ki nou'n tonm dakor avek *panel*. 21 (1), ki nou'n osi tonm dakor avek *panel*. Lo paz 24 Mr Chair nou'n osi tonm dakor lo 25 (1)(c).

MR SPEAKER

One second, yes Onorab Pillay.

HON SEBASTIEN PILLAY

Mersi Mr Chairman. Mon *hope* ki mon pa ganny akize ni responsab ankor, mon zis pe fer mon louvraz e mon pa oule ofans personn fer personn ankoler.

Mr Chairman mon ti ava kontan ki Minis akoz on pa'n se zot ki annan Polisi eksplik mwan sa de *Clause* 21, 22 ki mon annan serten konsern avek. 21 i koz lo *an authorised officer* ki kapab “*without warrant seized both fishing equipment*” eksetera. I menm kapab *detain*, en dimoun.

En *authorized officer* mon pe koz seksyon 21. Seksyon 21,

seksyon 20 i koz *powesr of an authorized officers*. E i koz lo en *authorized officer or police officer*.

Mon ti ava kontan klarifye avek Minis eski ler nou pe koz *an authorized officer*, eski nou pe koz en *park ranger* ki travay pou SNPGA anba en lankadreman ofisyel?

Oubyen eski nou pe koz en *authorized officer* ki'n kapab ganny en rol avek mon pa konnen, Onorab Georges in mansyonn Mr Deltel oubyen en lot dimoun ki kapab pe *manage* Grand Police.

So en *private individual* i kapab annan en *authorized officer* ki pou fer detansyon dimoun? *Is that the idea?*

E prezan ler ou vin lo sa *private security services*. So fer mon konpran byen la. Meton mwan mon annan en lans en bout lans kot mwan, ki dimoun i kontan vini par egzanzp zot fer en pti piknik dan Dimans, mon'n ekrir zot en komite in tonm dakor pou *designate* sa konman en *seasonal protected area*.

So mon kapab fer *Pilgrims* lakonpanyen Minis Fonseka vini veye. (E pa ankoler_ e tir tou dimoun, e tir tou dimoun ki vin lo sa lans aköz zisteman Lalwa i dir mon kapab *engaged*

en *private security firm* pou fer sa travay.

Is that what this is saying konmsi? Mon en pti pe mon oule fer sir mon kler avan mon koz lo okenn keksoz, pangar mon ganny akize konmkwa mon pa pe swiv bann *tried and true* travay Lasanble. Mersi Mr Speaker.

MR SPEAKER

Ok, Minis.

MINISTER **JOUBERT**

FLAVIEN

Mersi Mr Speaker. Mersi Onorab pou sa kestyon konsernan *authorized officers*. Dapre prosedir normalman en *authorized officer* i ganny dezinyen par Minis. I annan napa okenn lezot dimoun aköz sa i en pouvwar legal. E osi sa *authorized officer* i sipoze fer en *training* tou *authorized officer* i swiv *training* kot Lakademi Lapolis parey bann *rangers* eksetera.

E en *authorized officer* normalman i form parti en *body* ki pe *manage* en landrwa. Par egzanzp ou kapab annan en zil ki annan son lekip ki *manage* bann aktivite lo sa zil.

E sa bann dimoun ki responsab pou aplikasyon Lalwa dan sa landrwa i ganny *designate* konman *authorized*

officers. I posib ki dan serten ka pou annan serten dimoun lo zil ki pa *authorized officer* par egzantp nou annan en zil kot ou annan en kwizinyen par egzantp, kwizinyen pa *authorized officer* li. *Rangers* i en *authorized officer*.

E sa bann dimoun i ganny *train* e zot annan bann pouvwar ki permet zot arete, sezi, fer lafouy ouswa menm *investigate* bann aktivite kib pe arive e menm konfiske serten lekipman par egzantp ki annan pou fer avek kolekte serten lespes eksetera.

Lo sa senaryo ki ou'n met devan la kot i konsern *seasonal protected area*, normalman *seasonal protected area* nou pa espekte ki en dimoun pou deklar en landrwa en *seasonal protected area* en endividi.

E sirtou si i pe fer sa avek lentansyon pou li anpes lezot dimoun antre dan sa bann landrwa. Akoz normalman en *seasonal protected area* i pou annan pou fer avek byennet en *eco-system* ouswa en lespes. E sa normalman i pou ganny fer par e Lotorite gouvrenmantal.

E osi si i annan mezir pou ganny pran pou protez sa *seasonal protected area* pandan sa letan ki i pe ganny proteze, i pa pou normal pou li ganny fer par sa dimoun ki la li tousel.

Akoz byensir i pou annan en tandans ki sa dimoun servi sa Lotorite pou li protez serten lentere ki i annan dan sa landrwa.

Alor normalman i pou par egzantp Lapolis ki patrole, ouswa en *ranger* ki pou patrole, ouswa lezot Lotorite ki ou verifye kit en lizye lo sa landrwa.

Me i pa en senaryo ki nou pe anvizaze dimoun i kapab demande pou fer en *seasonal protection* lo landrwa e apre li menm li met gard sekirite pou anpes dimoun antre.

Mon pa krwar sa i en senaryo ki nou devret pe anvizaze. E parey mon ti dir pli boner i annan tout en seri notifikasyon ki pou permet piblik vwar letan sa bann keksoz pe ganny fer e deswit blok li e anpes li ganny fer.

Alor konman ou pou vwar poudir en notis pe ganny fer ki lentansyon en tel dimoun pou li blok en bout lans deswit, piblik pou ganny en sans met obzeksyon e mon pa tro krwar poudir sa pou pase. Akoz sa sistenm i ase transparan e normalman i pou ganny anpese si i pe arive. Mersi.

MR SPEAKER

Thank you. Nou ava kontinyen. Onorab Pillay eskiz

mwan les mon dir nou pa pou kapab antre dan en *protracted* diskisyon lo la. Menm senaryo. I pa'n al dan devan *Bills Committee* napa en propozisyon pou en *amendment*. So nou bezwen depan lo Minis pou aksepte oubyen non.

HON SEBASTIEN PILLAY

Ou konnen mon'n *set out* ozordi pou mon prouv en pwen. Me sa pwen pou prouve se ki Lasanble Nasyonal i vin en ekstansyon Egzekitiv, akoz i kler ki poudir dan Lasanble se Minis ki pou aksepte lamannman. I pa Lasanble ki fer lamannman.

E i kler ki poudir konman Manm sa laliberte lekspresyon ki donn nou anba Konstitisyon ki mon krwar i pa ankor sanze, mon pa konnen si zot annan lentansyon sanze. I paret ki i pe ganny *eroded*.

Akoz mwan mon pwen sete ki sa teknisyen ki'n prepar sa i bezwen eksplik nou ki son rezondet deryer sa. Ki nide deryer sa. E si piblik deor pa konnen ki pa egzanp *IDC* i kapab en *authorized officer* lo en zil, pou aret en dimoun.

Eski sa osi i pe kree kondisyon pou annan sa kalite lanpler? So si en peser i ganny tyonbo laba son bato i kapab ganny *confiscate* par zofisye *IDC*

oubyen zofisye en lot *body* ki laba lo sa zil. Se sa ki sa pe dir. Konpran? So mwan mon pe sey fer sir mon konpran sa *from* perspektiv bann *constituent* ki demen i kapab ariv en lensidan ek zot. Mon konpran.

Me selman ladan i byen sa ki ou'n eksplik mwan. Mwan mon konsernen avek Gouvernman pa konsernen avek sa en lot *issue*. Me eski i annan en *Clause* ki ler sa bann dimoun ki pe fer sa bann aksyon zot fer li an bonnfwa, i protez zot *from civil suit* oubyen *liability* ler zot in fer sa aksyon an bonnfwa, eski Lalwa in prevwar sa ?

MR SPEAKER

Mersi. Minis ou kapab reponn sa.

MINISTER

FLAVIEN

JOUBERT

Mersi Mr Speaker. *Legal officer* i dir mon ki seksyon 31 i fer provizyon pou protez okenn *authorized officer* letan i pe fer son aksyon *in good faith*. E sa proteksyon i la Onorab. Mersi.

MR SPEAKER

Thank you nou ava *move on*. Onorab Georges ou ankor lo menm pwen?

HON BERNARD GEORGES

Wi Mr Chair mon pe fer en *point of order* anba *Order 73*. E mon pe reponn direktman sa alegasyon antan ki alegasyon *Leader* Lopoziyon. Antan ki reprezantan Egzekitiv dan sa Lasanble mon santi ki mon devwar poudir e pou refit dan en fason tre for sa alegasyon ki Lasanble in vin en lekstansyon Egzekitiv ki Onorab *Leader* Lopoziyon pe dir.

Annefe sa ki *Leader* Lopoziyon pa pe dir se ki I pa pe egzers son drwa anba *Standing Orders* ki egziste devan nou ozordi.

(APPLAUSE)

HON BERNARD GEORGES

Leader Lopoziyon i annan parfetman drwa pou li koze dan Lasanble, an fonksyon avek *Standing Orders* ki li menm li I ti vot lo la.

Enn bann keksoz ki *Leader* Lopoziyon pa fer Mr Speaker e mon'n repet sa a plizyer repriz, se ki i pa lir son Lalwa. La i fek demann en kestasyon ki si i ti'n lir son Lalwa i ti pou'n vwar seksyon 31 i pa ti pou bezwen demann *panel* premyerman.

Dezyenmman, i pa fer okenn lentervansyon ler nou pe koz lo Polisi, i esper pou vin dan *Committee Stage* pou li fer

lentervansyon lo Polisi, *which is wrong!*

E trwazyenmman i pa zanmen anmenn en amannman parey *Standing Orders* i propoze e i devret fer, i espere e ler i ariv *Committee Stage* se la kot i vin fer bann *substantial amendment*.

Alor mon proteste an en fason tre ferm kont sa alegasyon ki Onorab *Leader* Lopoziyon pe fer. E mon pran mon boul ki'n anvoy kot mwan, mon retourn kot li, e mon dir li silvouple fer ou travay parey *Leader* Lopoziyon ! Mersi.

MR SPEAKER

Mersi. Non nou. *Ok* mon santi in dir en keksoz kont lafason ou pe azir, mon santi mon bezwen les ou donn sa me selman nou bezwen *close* sa sapit la. Sansan nou pa pou *move on*. Onorab Pillay.

HON SEBASTIEN PILLAY

Mersi Mr Chairman, byen arbitre mon vremen apresye. Mr Chairman mwan mon oule dir anba an relasyon avek *Standing Order* mon santi poudir mon privez konman en Manm Lasanble, pa konman *Leader* Lopoziyon, me konman en Manm Lasanble pe ganny afekte kan mon ganny atake par *proponent the main*

proponent of the Bill ki *before the House*. Par lefe ki i vin dan mon leson lo ki mannyer pou fer mon travay.

E mon travay mon fer li *according to, according* ki sa Konstitisyon i prevwar e dir mon e ki mon pa *subject to* okenn lezot Lalwa apart ki sa *Standing Ordesr* ki la. E ki dir mon ki dan *Committee Stage* mon kapab a tou moman demann ou permisyon pou mwan koze e fer mon kontribisyon mon komanter, zisteman pou anrasi deba e fer sir ki lepep Seselwa ki pe ekout nou la deor, i konpran en pti pep li byen direksyon ki Gouvernman pe al ladan.

So mon apresye tou sa ki pe pase Mr Chairman e mon ti ava kontan met sa lo rikord ki byensir mon pou kontinyen fer mon louvraz malgre zot pa kontan.

MR SPEAKER

Mersi. Permet nou *move on* silvouple. Onorab Andre nou ankor annan pwen pou konsidere?

HON CLIFFORD ANDRE

Yes Mr Chair. Nou lot pwen apre sa deba ki nou'n gannyen la se 25(1) (c) ki nou'n tonm dakor e nou osi annan 25(1)(g).

Me selman ladan Mr Chair *sorry (i) lizye (i)*. Selman ladan Minis bomaten ti dir nou pou annan en mo ki pou azoute oubyen pou tire kot nou pe koz '*extracting biodiversity*.' Ou ti dir Minis '*biodiversity materials*.'

Savedir ou pe enkli '*materials*' just klarifye?

MR SPEAKER

Minis.

MINISTER FLAVIEN JOUBERT

Mr Speaker zis klarifye, nou ti dir '*extracting biological material*.'

MR SPEAKER

So *Bills Committee* in aksepte sa desizyon lo sa soz la? Onorab Georges.

HON BERNARD GEORGES

Mersi Mr Chair. Mr Chair eski *Bills Committee* i kapab retourn lo *an equipment*? Akoz mon vwar ki zot in retourn sa *an equipment has in her possession* '*an equipment*.' Mon pa *I don't think it's proper English*. *A piece of an equipment maybe but not* '*an equipment*.' Se pou sa rezon mon ti'n propoze ki nou tire, *has been in her possession equipment or an instrument*?

Akoz ‘*equipment*’ i *both singular and plural at the same time*. Mersi.

MR SPEAKER

Yes. Wi Onorab Andre.

HON CLIFFORD ANDRE

Mersi Mr Chair. Mr Chair nou ti propoz sa me *technician* ki’n propoze pou kit sa. So i *it’s the panel* ki ti’n deside pou kit sa. Prezan mon pa konnen si zot ava rekonsider zot pozisyon akoz nou ti’n dir sa yer. E zot in dir ki zot pe kite. Mersi.

MR SPEAKER

Well mon kapab azoute. Mon pa konn langaz legal me in terms of plain English it should be ‘equipment’ not ‘an equipment.’ Panel.

MINISTER FLAVIEN JOUBERT

Mr Speaker mersi. *Attorney Zeneral* i a kapab reponn sa keston teknik Lalwa. Mersi.

MR SPEAKER

Wi.

LEGAL DRAFTSPERSON IRENE SIRAME

Nou *maintain as* Mr Speaker nou *maintain as* Mr Georges in dir. *Thank you*.

MR SPEAKER

Thank you done. Ok Onorab Andre. Yes Onorab Aglae.

HON EGBERT AGLAE

Yes Mr Speaker lo sa menm seksyon la kot i konsern *authorized officers* ki pou pran sa bann aksyon. Petet Minis akoz ler mon pe get definisyon *authorized officers* osi, eski i annan *special powers* pou sa bann zofisye pou gannyen, ouswa zot pou travay avek serten Lotorite osi parey Lapolis ki annan pouvwat larestasyon.

Si zanmen i annan okenn rezistans dan sa travay ki zot pou fer, pou tir sa dimoun lo propriyete, akoz zot kapab tire I dir ou tire, ouswa pou donn penalti osi tousala i annan. Si mon kapab ganny en pe leksplikasyon?

MR SPEAKER

Minis ou a kapab klarifye?

MINISTER FLAVIEN JOUBERT

Mersi Mr Speaker. Mersi Onorab pou sa keston. Seksyon 20 i donn tou pouvwat *authorized officer*, e en zofisye Lapolis ki pe azir anba sa Lalwa.

Me en *authorized officer* parey nou konnen normalman I kapab azir si I vwar poudir I annan en difikilte I azir avek lasistans en Lotorite parey Lapolis, ouswa menm da bann ka partikilye avek bann Lotorite parey *Coast Guard*, pou li kapab fer son bann aksyon ki i merit fer anba sa Lalwa. Nou konnen i pou annan bann sityasyon difisil detanzaot.

Me normal en *authorized officer* I ganny *train* e i ganny I annan tou pouvwar me Selman parfwa I bezwen ranforsman e ranforsman I ganny aplike an servan bann lafors parey Lapolis ouswa *Coast Guard*. Mersi.

MR SPEAKER

Mersi. Onorab Andre
back to you

HON CLIFFORD ANDRE

Mersi Mr Chair. Nou lot lamannman ki nou'n tonm dakor se 25 *sub (2)* sorry 25 wi 25 *sub (2)*. nou'n tonm dakor avek *panel*. E nou lot i 26 *sub (2)*.

E nou swiv lo paz 28 ki tonm 27 *sub (6)*, 27 *sub (7)* e nou annan 28, 30 *sub (1)*. Me selman ti annan en propozisyon ki mon pa vwar in ganny fer. Letan nou ti dan *Bills Committee* yer nou ti sey

demande pou nou par lefe ki kekfwa Onorab Georges osi i kapab gid nou la.

Par lefe ki *sub (2)* of 30 ki dir "*the Minister shall cause to be maintained a register of a protected area in a Ministry which shall made available for inspection by the public.*"

Nou tip e dir par lefe ki ou *maintain* en *register*, met *sub (2)* konman *sub (1)*. Aprezan *sub (2)* ki bann dokiman ki en dimoun letan in *inspect* sa *register* i kapab gete.

So nou ti pe zis dir zis sanz li, met *sub (1)* dan *sub(2)* met *sub (2)* dan *sub (1)*. Epi dan *sub* sa ki aktyelman *sub (1)* ki nou pe propoze ki vin *sub (2)* nou ti pe dir ki ou mete *upon request*.

So en dimoun letan i demann sa dokiman, i bezwen fer en *request*. i pa kapab zis annan ou pa kapab met sa bann dokiman dan en *lobby* kot tou dimoun i kapab vini gete.

I pou bezwen demann en *request* an referans avek en *particular area* ki ou ou'n dezinyen pou li kapab ganny akse avek sa dokiman. Akoz si non sa, tou dimoun pou vin get tou dokiman, ki mon pa tro krwar i fer bokou sans dan sa ka.

So nou ti pe zis nou'n koz lo la. Me mon pa'n vwar sa sanzman ki nou'n fer. Me la

mon pe propoz ek *panel* pou nou si nou kapab.

MR SPEAKER

Ale propoz sa *amendment* ok. so i annan de pwen, enn sanz lord *2 to move to 1 and 1 to move to 2* right? Panel. Ki ou dir lo la?

MINISTER FLAVIEN JOUBERT

Mr Speaker nou ok avek sa sanzman. Mersi.

MR SPEAKER

Ok and the second point i dir in met devan zot se '*for inspection by the public upon request.*' Correct? Panel ki ou dir lo la, *agreed.*

MINISTER FLAVIEN JOUBERT

Wi Mr Speaker nou ok ek sa.

MR SPEAKER

Thank you. Good. Ok Onorab annou *deal* avek sa de.

HON CLIFFORD ANDRE

Next nou annan 31, osi nou'n tonm dakor avek *panel* yer e nou annan nou 32 (e). E Mr Speaker mon annan plezir pou dir ki sa i dernyen ki zot in propoze nou'n tonm dakor avek *panel*. Mersi.

MR SPEAKER

Ok, yes counsel.

SENIOR LEGAL OFFICER SHARON GERRY

Mr Chair lo *clause 28* mon'n vwar en pti *typo* ki nou'n kapab zis korize. Dernyen laliny *after* apre '*Board*', i sipoze vin '*for the purposes of this Act.*' *Can that be inserted? Ok*

MR SPEAKER

Purposes of this act. Yes Lasanble i dakor? *Good. Ok* avek sa nou'n ariv a lafen bann koreksyon *amendments. Ok* napa naryen lot pwen pou leve nou kapab retourn dan Staz Lasanble? *Thank you.*

E next step Onorab Leader Biznes Gouvernman ti ava kontan anmenn Mosyon pou *Third Reading of the Bill.*

HON BERNARD GEORGES

Mr Speaker. Mr Speaker anba *Order 76 (1)* mon *move* ki *the Nature Reserves and Conservancy Bill, 2021* as *amended* i ganny lir en Trwazyenm Fwa. Mersi.

MR SPEAKER

Nou ava ganny en segonnman lo sa Mosyon silvouple Onorab Hoareau.

HON JOHN HOAREAU

Bonn apre midi Mr Speaker. Bonn apre midi tou dimoun. Mon annan plezir pou segonn sa Mosyon *as amended*. Mersi.

MR SPEAKER

Thank you. Nou ava pran vot lo *Third Reading* Manm ki an faver lev lanmen silvouple? Mersi. *Ok* okenn Manm ki vot kont? *Thank you.* Vot lo *Formal Third Reading of the Nature Reserves and Conservancy Bill, 2021 as amended* 30 Manm in vot pour, 0 kont, e 0 *abstain*.

Donk vot Lasanble in aprouv sa *Bill* lo *Third Reading*. E Madanm Clerk i ava fer *Formal Third Reading*.

MADAM CLERK

Mersi Mr Speaker. *This Act may be cited as the Nature Reserves and Conservancy Act, 2021 and shall come into operational such date as the Minister may by notice in the Gazette, appoint.* Mersi Mr Speaker.

MR SPEAKER

Thank you. *Bill Nature Reserves and Conservancy Bill* i pase. Nou annan en lot *Bill* pou konsidere. I 3er ler i en pti pe

awkward la, me selman nou annan en sanzman delegasyon. Alor mon pe propoze ki nou pran nou poz la e nou rebran 3.35. Mersi. Les mon dir bann zofisye ki pe kit nou bonn retour.

(BREAK)**MR SPEAKER**

Bon byenveni ankor Minis Joubert pou zwenn nou. E osi *Principal Secretary* Denis Matatiken. I annan lezot zofisye ki fek zwenn la.

Mon annan plezir swet labyenveni Mr Allen Cedras *CEO Seychelles Parks and Gardens Authority*, e osi Mr Victor Pool *Senior Legal Draftsperson AG's Office*.

Alor nou pe prezan pran en nouvo *Bill* ki apel *Seychelles Parks and Gardens Authority Bill, 2021*. Avek sa mon ava envit *LGB* pou fer Mosyon pou *Second Reading of this Bill*.

HON BERNARD GEORGES

Mersi Mr Speaker. Bonn apre midi bann manm *panel* ki pe zwenn nou. Mr Speaker anba *Rrder* 69 (2) *Standing Orders* mon *move* ki *the Seychelles Parks and Gardens Authority Bill, 2021* i ganny lir en Dezyenm Fwa. Mersi.

MR SPEAKER

Nou ava ganny en segonnman pou sa *Bill* Onorab William.

HON WAVEN WILLIAM

Mr Speaker mon annan gran plezir pou segonn sa Mosyon pou sa *Bill*. Mersi.

MR SPEAKER

Mersi Onorab. Minis nou ava envit ou pou prezant *Bill* avek Lasanble silvouple.

MINISTER FLAVIEN JOUBERT

Mersi Mr Speaker. Bonn apre midi tou bann Manm. Mersi pou envit nou pou sa dezyenm sesyon ozordi apre midi, pou prezant sa *Bill Seychelles Parks and Gardens Authority*.

Mr Speaker sa *Bill* pe ganny prezante ozordi i lentansyon se pou etabli en nouvo Lazans gouvènmantal pou apel *Seychelles Parks and Gardens Authority* ki pou ranplas de lazans ki egziste ziska ozordi, sa i *Seychelles National Parks Authority* e osi *National Botanical Gardens Foundation*.

Rezondet par deryer sa sanzman e sa desizyon pou met sa de Lazans ansanm i annan pou fer avek efikasite. Sa de

Lazans pe fer bann aktivite ki parey lo kote konservasyon, *Botanical Garden* pe fer konservasyon *in situ* nou dir, an deor en park Nasyonal, e *National Park* pe fer li. Pardon petet mon ava repete. *National Parks* pe fer konservasyon *in situ* savedir dan en *protected area*. E *Botanical Garden* pe fer li *ex situ*. Savedir an deor en *National Park*.

Zot tou le de zot pe fer aktivite ki annan pou fer avek *tourism*, e tou le de lorganizasyon osi fer lendikasyon e i annan bann relasyon pou bann travay syantis avek bann diferan lorganizasyon an deor pei.

Lot rezon Mr Speaker i annan pou fer avek nou bann resours imen dan pei. Bann dimoun ki travay parey dan sa bann lorganizasyon i bann dimoun ki annan bann kapasite ki preski parey. E ozordi nou vwar ki i annan serten konpetisyon ant diferan lazans, se diferan lorganizasyon pou menm kalite fonksyon.

E alor i fer sans ki nou pran sa bann lorganizasyon e nou fer zot fonksyonn ansanm, pou ki nou kapab ganny pli bon rezilta.

E osi Mr Speaker trwazyenm pwen lo bann reyonman akoz ki sa

lorganizasyon in ganny met ansanm, se pou rezon finansyel. Nou'n konnen dan lepase ki ti i annan *National Park Authority* i depan lo larantre tiket bann kliyan.

E osi *Botanical Garden* i depan lo bann kliyan ki vizit sa de zarden *and* Mont Fleuri ek lot Barbarons. Me selman in annan de ka kot sakenn in fer diferan performans lo nivo finansyel.

Alor an metan sa de lorganizasyon ansanm, e an espektan ki sa bann kapasite kot zot annan finansyel i ava ganny ranforsi, nou pe espekte ki zot pou kapab fer pli byen finansyerman, e nou ava vwar pli bob rezilta lo kote performans sa lorganizasyon.

Zis fer remarke Mr Speaker ki ozordi par egzantp Lotorite Park Nasyonal, i deza annan en *portal* pou peyman elektronik *online* par sa bann kliyan. E sa pe ganny servi par bann kliyan, e i ou al lo paz www.slta.goc.sc ou pou vwar ki i annan en sistenm peyman ki la aktyelman ki bann kliyan i kapab servi.

E lentansyon se pou ranforsi Zarden Botanik avek menm sistenm, entrodwir Zarden Botanik avek menm sistenm. E sa dan li menm i ede koup lo bann problenm ki deza

ganny leve dan lepase kot larzan i ganny perdi. E bann koleksyon reveni i ganny i pa mars byen.

Alors sa i enn bann fason ki'n performans finansyel i kapab ganny amelyore. Lot keksoz ki kapab ganny amelyore tre vitman, e pou nou evite bann problenm ki nou'n vwar avek par egzantp Zarden Botanik zot bezwen raport devan *FPAC* a plizyer repriz, i ki ozordi Lotorite Park Nasyonal i annan en bon kapasite finansyel.

I annan en bon lekip, ki'n byen formen. I annan en *CFO* ek de *financial controller*, e osi lezot *staff* ki kapab vremen pran anmenn tou sa bann problenm, tou sa bann bezwen ki sa de lorganizasyon i annan, e fer ki lo kote finansyel, sa de lorganizasyon i ava perform lo en o nivo.

E ki nou pa ava vwar zot ki zot pa bezwen vin raport devan okenn komite pou vin donn kontrandi lo kwa ki'n mars mal lo finansyel dan zot lorganizasyon.

Mr Speaker sa lorganizasyon ki pe ganny propoze, i pou ganny administre par en *Board*. E son *Board* pou ganny apwente par Prezidan, parey bann lezot lorganizasyon similer dan pei.

E sa lorganizasyon i pou annan bann kapasite dan bann size ki i annan pou fer avek lanvironnman proteksyon konservasyon e osi administrasyon bann resours nasyonal.

Sa *Bill* ki pe ganny prezante ozordi, i pou osi annan lenplikasyon pou de Lalwa ki deza egziste. I pou *repeal* Lalwa ki etabli Park Lotorite Park Nasyonal, *Environment Protection Seychelles National Parks, Authority order 2009*. E sa i tonm *S.I. 30 2009*.

E osi *National Botanical Garden Foundation Act 30 2009*. Alor konsekans sa Lalwa se ki i pou efas sa de lezot e fer ki nou konsolid tou keksoz anba en sel lorganizasyon.

Sa *Bill* li menm i fer provizyon, etablisman sa lorganizasyon. I fer provizyon pou administrasyon sa lorganizasyon par en *Board*. Bann lapwentman bann kondisyon lapwentman, lapwentman Sef Egzekitiv e Depite Egzekitiv. Zot bann pouwar e bann kondisyon lapwentman.

I fer provizyon pou administrasyon tou bann fon ek tou bann propriyete ek bann lezot *assets and liabilities* ki anba direksyon sa lorganizasyon. E osi i spesifye

bann plan ek bann kominikasyon ki devret egziste ant sa lorganizasyon Gouvernman.

E osi i fer provizyon pou lezot keksoz ki annan pou fer avek son fonksyonman. Par egzanzp aplikasyon bann provizyon bann lezot Lalwa e proteksyon bann zofisye dan sa bann lorganizasyon.

Alors Mr Speaker avek sa mon ava met devan Lasanble sa Lalwa pou zot konsiderasyon. Mersi.

MR SPEAKER

Mersi Minis, nou ava aprezan apel bann Manm pou deba, lo sa *Bill*. Onorab Woodcock.

HON WAVEL WOODCOCK

Mersi Mr Speaker. Bonn apre midi Minis, ou delegasyon tou Manm e tou dimoun a lekout.

Mr Speaker, sa *Bill* ki devan nou, ki etabli e fer provizyon pou etabli en Lotorite Piblik, *Seychelles Parks and Gardens Authority* ki pou zer e *manage* pou administre bann *parks* e zarden ki ganny dezinyen anba sa *Act*.

Sa Lotorite pou ganny administre par en *Board* ki pou ganny apwente par Prezidan. E parey in dir bann manm lo sa

Board fodre zot annan leksperyans dan swa proteksyon lanvironnman, konservasyon ouswa ladministrasyon biznes.

Mr Speaker rol pli primordyal sa Lotorite se pou protez e *manage* nou *eco-system* e biodiversite sa bann diferan *designated protected areas*. E enplimant bann Polisi konservasyon nasyonal.

Osi enportan *SGPA* i responsab pou *forest tree management* e pou protez bann labita nou *eco-system* kont bann danze parey dife, dife lafore, polisyon e destriksyon bann koray.

Mon pou al lo sa 3 size ki mon'n mansyonnen. Protez nou labita kont nou *eco-system* kont dife lafore.

Annefe Mr Speaker en *issue* ki - en konplent ki'n ganny souleve a plizyer repriz sirtou lo Praslin, ki mon pe espekte ki sa nouvo Lotorite pou adres sa sityasyon, se lo kote bann *fire bricks*. Pou netway e *maintain* bann *fire bricks*. Dan plizyer landrwa nou'n vwar dan parey en konparezon dan Gran Fon Praslin, *management* bann *fire bricks* i vremen enportan.

Mon konnen i annan bann kontrent ki'n ganny souleve dan lepase kot i konsern

mankman resours finansyel ek mankman resours imen. E i annan plizyer bann *fire bricks* ki pe ganny neglize ki i fer ki poz en danze dan lefitir si i annan en dife e sa bann *firebricks* i annan bann *overgrown*, i pa'n ganny mete, i pa'n ganny netway. Sa i en size ki mon santi ki *SGPA* i annan en latas ase signifikan devan li.

Kot i konsern polisyon, resaman annefe nou fek vwar bann konplent dan piblik ankor, e osi dan rezo sosyal, kot i konsern Baie Pasquere, kot zenerater bann dyezel *fuel* pe sorti dan zenerater pe afekte lanmar. E responsabilite *SGPA* pou fer sir ki nou *eco-system* i ganny proteze.

E sa bann dyezel *fuel* ki pe ganny desarze ki pe sorti dan sa bann zenerater pe detri *mangrove* e afekte *eco-system* dan sa landrwa. E bokou bann lespes pe ganny afekte. Sa *issue* i enn ki'n la pou en pe lannen annefe depi 2015 mon rapel ti annan en gro lo sa size.

E sa i enn de bann *challenge* ki mon konnen sa Lazans pou fer fas avek pou *deal* avek sa bann sityasyon. E i vremen enportan pou nou protez nou bann *wetlands*, nou bann lanmar.

Kot i konsern destriksyon bann koray, proteksyon kont

bann destriksyon bann koray; annefe zisteman pa bokou letan pase resaman, detrwa semenn pase mon ti byen annan konversasyon avek *CEO* Allain Cedras, kot mon ti met devan li bann konsern ki bann propriyeter bann bato lwazir bann bato ekskirsyon i annan. E ki ti pou arive se ki i annan plizyer bann landrwa menm dan bann park maren, kot bann bato pe larg zot lank e i pe koz serten destriksyon bann koray.

E i ti annan en *request* se bann ki bokou sa bann bato ekskirsyon in fer e manm piblik an zeneral, ki enportan pou annan plis bann *moorings* bann bwe, ki bann bato, ekskirsyon, lwazir kapab anmar avek olye ki zot pe larg lank ki pe detri bann koray.

E sirtou dan bann landrwa ki kapab donn legzanp parey Curieuse. E mon okouran la annefe Mr Allain Cedras in fer mwan konpran poudir deza kestyon *SGPA well as soon* ki nou etabli li avan *SNPA* ki pe al ganny *repeal*, in konmans en travay dan sa direksyon pou met plis bwe parey, mon konnen Baie Lare zot pe al mete, La Reserve i osi Anse Jose.

E mon'n aprann osi ki Saint Pierre zot pou met bwe pandan vandswet i osi annan

bann travay *coast restoration* ki pa ganny fer osi Saint Pierre.

So sa i bann keksoz ki enportan, ki byen. E i annan bann lezot landrwa menm ki mon pou bezwen souleve la. menm si i pa tonm dan bann *marine park*, ki nou bezwen plis *mooring*, plis bwe. Pou protez koray parey Cocos, parey Felicite, parey Anse La Farine e osi Ave Maria.

Mr Speaker mon pou met plis lanfaz lo trwa fonksyonman sa Lotorite. Anba *Clause 4 (1)* sa *Act* fonksyonman sa Lotorite (*h*) i dir ki sa Lotorite pou *deliver services at a high standard* pou bann servi ki servi sa bann park e zarden. (*i*) I dir ki sa Lotorite pou *engage* in konmans *activities* ki pou *generate* reveni e (*j*) i pou *provide tourism and recreational activities*.

Kot i konsern *deliver service of high standard*, mon bezwen souleve mon bezwen fer resorti ki dan lepase in mank en pe sa. Sa nouvo servis sirtou ler nou pe koz lo bann *nature trail* ki definitivman pou tonm anba responsabilite sa Lotorite. In annan en problem kot i konsern *management* nou bann *nature trail*.

E nou bann *nature trail* annefe i ou kapab dir i en *goalmine* pou nou. I kapab

anmenn bokou reveni i kapab anmenn bokou larises pou nou pei.

E mon santi ki ozordi nou annan defayans kot plizyer bann *trail* pa ganny demarke byen. I mank bann *sign board*. E petet si i annan sa mank resours pou zer sa *nature trail* petet sa Lotorite *SGPA* menm anba sa *Act* ki fer provizyon ki kapab antre dan *partnership* avek bann biznes lokal.

Avek bann lotel avek menm kominote pou *maintain e manage* sa bann *nature trail*. E devlop sa bann *nature trail*. I annan bann landrwa ki annan bann *nature trail* ki menm *SGPA or SNPA* avan pa ti okouran ki i annan.

E bokou fwa nou'n vwar bann kliyan kot in perdi ler sa bann *trail* i annan ki'n ganny dimal ouswa pou fer aksidan lo sa bann *trail*.

E mon santi poudir i annan en loportinite pou nou *market* sa. Nou bann *nature trail market* enternasyonanman, akoz ozordi bokou bann touris pe koz lo en *eco-tourism*. E sa i en fason ki mon santi ki nou kapab profite e anmenn bokou reveni pou nou pei.

Kot i konsern angaz dan *commercial activities* zisteman boner mon'n tann *Leader* Lopozisyon fer komanter lo sa

Bill avan, kot ti pe dir demann dimoun Praslin si zot kontan ki Fond Ferdinand in ganny transfer anba *SIF*.

Me i enportan note pou dir zis apre ki Lasanble ti ganny dizourd, ti annan plizyer diskisyon ki nou menm bann Onorab mon avek Onorab Gill nou ti annan avek bann Lotorite dan Gouvernman avan, kot lafason nou ti pou *go forward* avek en *management plan* en plan konpreansiv devlopman sa fon.

Me zis apre Lasanble ti ganny dizourd zis nou vwar dan Nouvel, dan zournal ki sa Fond Ferdinand ki form parti en *natural park* en rezerv, in ganny transfer anba *SIF*, san okenn konsiltasyon avek manm piblik. E nou, nou Gouvernman in erit sa *anyway* sa kot ozordi Fond Ferdinand i tonm anba responsabilite *SIF*.

Mr Speaker Fond Ferdinand ozordi i mezir 122 ektar e 6 fwa imigran ki Vallée De Mai.

E mwan mon santi e nou santi sa i en konsern ki zabitan Praslin in met devan, ki nou santi poudir petet anba *SIF* i pa pou devlop Fond Ferdinand lo sa lanpler, ki nou ti ava kontan.

Wi *SIF* met lanfaz lo sa lanpler ki nou ti ava kontan. Wi *SIF* pe met lanfaz lo sa laspe

konservasyon, me nou santi poudir Fond Ferdinand i kapab i en loportinite pou nou devlop plizyer bann biznes *eco-tourism* dan en fason, ki kapab anmenn en retonbe pou zabitan nou distrik Praslin.

Swa nou santi poudir petet SPGA i kapab sa antite ki kapab al zer sa fon *or why not* en ouswa en antite endepandan anba son prop *Board*? Ou konpran? Konmsi nou santi poudir i annan en loportinite pou nou devlop sa fon. I kapab vin en pe parey La Digue. La Digue i annan *L'Union*, si ou'n devlop sa landrwa nou met bann lenfrastruktir neserer an plas, parey *cafeteria*, restoran fer bann aktivite.

Nou fer li en fason byen *obviously* pou pran kont proteksyon nou lanvironnman, *zip lining*, devlop bann *nature trails*, lezot *nature trails*, *high king*, met bann souvenir *shops*. *Why not* en vilaz artizanal pou *craft* bann keksoz koumsa.

I annan plis devlopman ki pou anmenn parey en retonbe pou nou zabitan Praslin benefisyè.

E parey nou konnen Fond Ferdinand aneife i annan menm plis Kokodmer ki Vallée De Mai. Malerezman dan lepase nou'n fer fas avek problem *poaching*. Ok ti

annan bokou *poaching* dan lepase ki sa mon konnen i en *challenge* ki SGPA ki aneife SIF la ki i ankor *still* pe fer fas avek.

Kot i konsern fonksyonman (*g*) sa Lotorite pou *provide tourism and recreational activities*. Bann MNA Praslin pa tro lontan ankor nou tou Onorab Gill, Onorab Porice avek mwan menm nou ti zwenn avek ankor enn fwa CEO Allen Cedras. Kot nou'n diskit bann aktivite *tourism*.

E bann aktivite kreasyonnel dan diferan dan sa bann *national park* e zarden sirtou lo Praslin parey nou ti diskit lo Curieuse, kot zisteman pa bokou letan pase i annan en nouvo *barbecue shelters* Baie Lare, Kan Jose ki'n ganny fer dan sak sa de landrwa.

E nou'n osi diskit lo posibilite pou met bann lezot aktivite rekreasyonnel ki pou atrakte bann *tourism* parey *kayaking*, parey Mr Cedras ti propoze bann *sea trails*, *new land trails*, ... *shops*.

E parey ankor enn fwa nou'n dir boner *why not zip lining* ouswa bann *sunset platform*, pou bann touris kapab get soley kouse.

Me i enportan poudir, mon konpran sa laspe konservasyon sa laspe prezerv nou

ekosistenm, me an menm tan i enportan ki osi fer bann aktivite, ki pou anmenn reveni ki pou benefisyé nou bann dimoun Praslin e ki pou anmenn plis valer azoute dan nou lekonomi dan lendistri *tourism* osi.

Mr Speaker, pou konklir, nou pe espekte pli bon zesyon larzan reveni ki ganny kolekte par sa Lotorite. E nou pa pe espekte tann ankor sa bann zafer dife dan zarden, parey dan biro administrasyon Zarden Botanik dan lepase.

E osi nou pe espekte bon zesyon nou bann lespes andemik. Sirtou prezervasyon kokodmer. Olye ki parey dan lepase ankouraz *poaching* e donn bal dan nou kokodmer. Parey nou'n vwar dan lepase, kot zis en bann ki'n vin ris lo lavant kannel.

E mwan Mr Speaker mon annan lespwar ki *SGPA* pou fer en bon travay e mon ozordi konman Manm Elekte pou Grand Anse Praslin, mon pou donn sipor pou etabli sa Lotorite, avek lekspektasyon ki sa bann keksoz ki zabitan Praslin pe demande ki nou kapab vwar i vin en realite.

Avek sa de mo Mr Speaker mon pou siport sa *Bill*. Mersi.

MR SPEAKER

Byen mersi Onorab Woodcock. Mon annan detrwa Manm ki'n lev lanmen apre, mon pa ti espekte ki kantite letan ki kantite Manm pou annan. Ki alor eski mon kapab demann zot pou limit zot entervansyon pou 15 minit silvouple? Mon a pas kot Onorab Aglae.

HON EGBERT AGALE

Mersi Mr Speaker. Mon pa pou sitan long. Mr Speaker mon krwar sa *Bill* ki la devan nou se pou anmenn ansanm sa bann parti konsernen pou zot kapab *operate* dan en kad legal. Menm si ki zot annan en loperasyon ki zot deza pe fer dan similer, me ki i pa pe ganny anglobe dapre bann lanons ki mon krwar ladministrasyon ti pronons zot lekor lo la.

Mwan mon annan enn de pwen ki mon anvi met devan, kot i konsern loperasyon, sa Lazans li menm, ler i pou ganny kree legalman la avek son kad legal.

Pou zot petet aköz nou'n vwar in annan pa mal bann defayans, ki'n atase dan zot loperasyon menm avek lotonomi ki nou ti pe gannyen pou zot kapab petet zer bann landrwa ki pe ganny proteze, ouswa ganny dezinyen konman bann landrwa enportan pou

nou pei e pou nou bann touris li menm e Seselwa.

So enn bann konsern i konsern bann resours ki a la zot dispozisyon. Menm si nou pe dir poudir zot pe ganny en lotonomi zot pe anmas serten reveni.

Petet Minis se ki kalite loperasyon ki zot pe anvizaze anmennen en pti pe an plis, pou kapab petet soutenir en pe zot bann loperasyon li menm sa ki nou pou bezwen endepandan ouswa a lavenir servi serten *bail out* avek Gouvernman pou kapab soutenir zot?

E osi lafason ki zot pe anvizaze. Akoz i annan diferan aktivite parey sa *Bill* ki nou ti pe koz lo la oparavan. So mwan mon ti ava kontan vwar en plan en pti pe pli konpreansiv ki sa lazans i vin avek li menm li kot i konsern zerans bann landrwa.

An menm tan *involve* nou bann sekter prive. Iannan bann endividi ki annan zot bann propriyete osi petet sa diskisyon ki nou, nou pe demande ava ganny fer ava vwar ki mannyer Lazans i ava annan son konponan, kot li osi i kapab anmas serten reveni. E osi lakominote ouswa sa bann endividi propriyeter li osi kapab benefisye e zourir zot bann landrwa. Sa i enn.

Dezyenmman dan lepase par bokou latansyon ki'n ganny met lo zarden. E ozordi zarden nou annan de zarden prensipal, i annan Zarden *State House* e Zarden Botanik. E nou pa'n met lanfaz bokou lo zarden.

Eski sa prezan pe anmennen ki a lavenir sa lenportans ki i dan Lalwa ozordi ki zarden pe ganny donner, nou pou vwar petet osi nesans bann lezot zarden ki krwar si nou pou klasifye zarden. Parey i annan pei kot li nou kapab apel li zot swazir en landrwa i kapab dan lavil, akoz i annan bann diferan lavil, zot etabli en landrwa en *green space* dan en sans e zot donn li trouv parey en zarden menm. E eski nou, nou pe mazin a lavenir bouz dan serten sa bann direksyon?

Zis parey a kote nou la, Lasanble Nasyonal pe konmans fer sa ki pou li. Nou annan kot nou Moniman Nasyonal i ete laba kot paviyon i osi, eski nou pe mazin serten lanbelisman?

So nou anvi vwar en pe bann plan si nou pe donn valer sa ki nou apel zarden?

Lot dimansyon ki konteks se, nou annan bann sant parey sant biodiversite ki tonm anba zot menm la. So i annan en kantite travay ki mon santi i kapab ganny fer. Akoz ozordi sa sant li menm li mwan mon'n

ganny sans al laba - mon pa pe vwar li pe devlop dan son *maximum* posibil. Menm si i annan viziter.

So petet ki bann eleman enportan ki zot pe mazin anmennen? Mon konnen ti annan serten lantant ek Minister Lagrikiltir en letan la ki Minis i anba ou menm Minister, pou anmenn serten bann eleman tradisyonnèl osi pou kapab anrisi, e bann plant ki tant pou en pti pe pli rar.

Nou ti ava kontan tousala i gannyan e osi etabli sa labank pou fitir zenerasyon kapab vwar poudir be sa ti egziste, sa i la sa i la. Sa i en eleman ankor.

Lo kote prezans prezan la mon pa koz parey kot *marine park* i konsernen. Nou vwar ki zot annan pa mal defi *in terms of* ou annan en prezans dan lazournen, me sirtou aswar ki i pas en kantite aktivite ilegal.

E la nou vwar mwan mon pe koz lo konteks parey Cape Tarnay li menm li Port Launay, kot i annan aktivite pe pase. E *people are getting away with it*.

E lo kote prezan ki mon santi vi k i zot pou annan bann zofisyè, eski zot pe mazin ankor, petet *beef up* sa lafors ki zot annan, pou zot kapab *manage* e osi etabli prezans. E mon konnen i annan diskisyon ki nou'n etabli ki'n ganny diskite

dan lepase pou lazans annan en prezans Cap Tarnay li menm. Zot lofis, en *building* pou ki kapab ed zot dan deseminan travay. Mon krwar sa i vremen, vremen enportan.

E osi en keksoz kle se zot pa swete vwar zot travay zis an izolasyon. Akoz nou bezwen servis la kominoter pou osi ed zot dan deteksyon, dan prevansyon e osi dan konservasyon sa bann sit ki tonm anba zot. So i bann eleman ki mon santi nou bezwen ekoute ouswa revwar.

E dernyerman se petet kot i konsern konpozisyon *Board*, mon vwar poudir se Prezidan ki pou fer bann lapwentman ki lo sa *Board* e osi pou *nominate Chairperson* e *Vice-Chair*. Eski sa nou pa pe petet fer en pti pe tour lorizon tourn ankor en pti gin kot nou pa ti tro dakor sa bann kalite pratik.

E la nou vwar pe vini e osi i annan serten *Board* sete bann manm *Board* menm ki swazir e met devan Prezidan lekel ki zot eski nou pa pe fer en pti pe tour lorizon pe tourn an aryer pou sa size? Avek sa Mr Speaker sa i mon kontribisyon. Mersi.

MR SPEAKER

Mersi Onorab. Onorab Cosgrow.

HON WALLACE COSGROW

Mersi Mr Speaker. bonn apre midi tou dimoun. Mon pa pou long Mr Speake. Mon annan detrwa pti komanter mon ti ava kontan fer lo sa Lalwa ki devan Lasanble ozordi.

Annefe i annan en, en pti pe plis ki 1an depi ki Prezidan ti pronons son lekor lo sa nouvo Lazans, si mon pa tronpe ti dan en SONA devan Lasanble isi.

E pandan tou sa letan nou pa'n vwar gran keksoz ler ki Lalwa in ariv devan Lasanble.

Me mwan mon pe vwar li nou pe fer en pti legzersis en pe dan *reverse*. Akoz petet Minis i ava konfirman, akoz si nou pe swiv aktyalite byen, i paret mwan ki sa lazans *or* sa Lotorite i deza pe fonksyonnen, konman en Lotorite.

Malgre napa Lalwa ki'n etabli li. Si ou swiv paz *Facebook SNPA* ou pou vwar zot refer diferan lenstans lo *SPGA*. Si ou pe swiv aktyalite *Nouvel* ou pou vwar bann diferan aktyalite ki sa Lazans in fini operasyonnel. Me pou plis ki 1an sote Gouvernman pa'n zanmen vin avek Lalwa devan Lasanble.

So nou pe zis fer ou a krwar nou pe ganny demande pou fer en legzersis *rubber stamping* kot ou dir be *ok* ou'n

fini *operate* la prezan nou, nou ava legaliz ou.

Pou mwan Mr Speaker mon vwar li en pti pe i en pti pe pa respekte en pti pe Lasanble e nou louvraz ki nou'n gannyen pou nou fer. Kot nou evant Lalwa e apre ki lorganizasyon i konmans fonksyonnen.

Petet si mon mal zot ava koriz mwan apre dan larepons. E mon swete ki dan bann prosen fitir, nou pa vwar bann sityasyon koumsa ankor arive.

Dezyenm keksoz Mr Speaker ki mon anvi koz lo la, i en keksoz ki nou'n toultan koz lo la, pandan setyenm Lasanble kot i konsern bann *issue of ferm* en Lazans, kree en lot *or ferm* en lazans net.

E sa kekyon travayer. Mon ti ava kontan petet Minis dan son larepons i dir nou, ki lefe sa pou annan lo bann travayer tou le de lazans. An vi ki zot pe *merge sorry* tou le de Lotorite en Lotorite ki en Fondasyon an vi ki zot pe *merge* sa bann loperasyon e natirelman Minis pe dir nou poudir pou annan *economies of scale*. Serten benefis pou zot kapab *merge* lekspertiz *just* louvraz *merge* fason fer. E

So Minis i bezwen dir nou ki lenpak sa i annan lo bann travayer sa de lazans, eski i annan dimoun ki pou perdi zot

louvraz? Or eski i annan dimoun ki'n fini perdi zot louvraz, or eski i annan dimoun ki pe ganny nouvo rol?

Or si i annan dimoun ki pe perdi serten rol, eski i annan la zisteman par egzanp dan zot bann kondisyon? Eski bann *staff* in fini ganny zot bann dokiman dan nouvo kondisyon ki zot pou annan?

Konmsi Minis donn nou en pti kontrandi lo en pti pe lo bann *housekeeping* dan sa zafer *merging of sa de Lazans*.

Akoz i enportan nou pe *deal* avek imen, nou pe *deal* avek dimoun ki annan fanmir. Sityasyon deor la i pa enn ki fasil. Zot ava dakor avek mwan. Parey mon'n dir mon pa pou long.

Trwazyenm mon anvi koz lo la. Se bann *definition, definition* i koz en pti pe lo *Botanical Garden* i nonm *Botanical Garden Victoria*. Apre i dir lezot zarden ki pou ganny *designated* par Minis dan *Official Gazette*.

Savedir mon sipoze zot pou fer bann regilasyon atraver *schedule* zot met bann diferan zarden. Mon konnen poudir Zarden State House ti ganny antretenir par *MBGF*. Petet Minis i ava dir nou ki *status* eski Zarden *State House* i kontinyen reste anba

management SPGA ouswa eski i annan en lezot lazans ouswa petet *State House* li menm i pou annan son laranzman pou *maintain the grounds Zarden State House*?

Akoz i annan koze ki travayer sorti dan en landrwa i bezwen al koup zerb *State House*.

So Minis eksplik nou en pti pe aköz laranzman avan sete *MGBF* ki zot okip sa bann zarden.

An menm relasyon avek zarden i annan en definisyon pou zarden e Minis in dir boner zot fer *both in situ* avek *ex situ conservation*.

Me solman ladan mon pa vwar en definisyon ouswa en mansyon, pou *biodiversity centre*. Aköz *biodiversity centre* i *ex situ* i pa neseserman en zarden. Me i en landrwa kot i annan serten repo zistwar bann diferan biodiversite ki ganny anmase, ganny anmenn dan en landrwa pou fer serten louvraz konservasyon. Me osi kapab vin en zarden latraksyon.

So dan Lalwa zot pa koz lo *biodiversity centre*, ki pou arive avek *biodiversity centre*, son bann *staff* ki pou arive avek sa landrwa, e ki mannyer i pou ganny *manage* li? Eski i pou ganny *manage* par *SPGA* ouswa eski en omisyon dan Lalwa e ki

manner nou pou al de lavan avek sa sant biodiversite ki dabor i tonm Grand Anse.

Mr Speaker apard sa, mon napa gran zafer lo sa Lalwa. Mon ti ava kontan ki Minis i eklersi sa detrwa pwen dan son larepons Mr Speaker. Mersi bokou.

MR SPEAKER

Mersi Onorab. Mon apel Onorab Sandy Arisol.

HON SANDY ARISSOL

Mersi Mr Speaker. Bonn apre midi ankor enn fwa a tous. Mr Speaker mon ti ava kontan konmanse par felisit Mr Allen Cedras avek son bann *staff* bann ki nouvo bann ki ti deza la, e ou ki'n vini nouvo pou sa travay ki ot pe fer an relasyon avek tou sa ki zot pe koz lo la ozordi apre midi.

E mon pe dir s Mr Speaker, parske nou konman Komite FPAC, nou'n zwenn Mr Cedras a de repriz. E letan in vini, bann *improvement* ki'n annan sirtou an relasyon avek larzan, pou nou in enpresyon nou pandan sa pti gin letan.

E se pou sa rezon mon pe dir Mr Cedras felisitasyon pou sa travay ki ou pe fer avek ou bann koleg pou asire ki sa zesyon ki Minis in koz lo la pe

pas byen e sirtou avek s nouvo Prozedlwa ki la devan nou.

Dezyenmman mon ti ava kontan al lo Zarden Botanik avek Zarden *State House*. Mon ti ava kontan demande s la anba sa nouvo Lalwa eski Zarden *State House* sirtou i vin en zarden piblik kot si en dimoun Bel Ombre i deside marye en koup i marye olye al dan Zarden Botanik, parey i leka ozordi oubyen al anba gran paviyon anvil, nou ti ava kontan al tir en zoli portre *State House*, ki mon asire dan lepase pa'n leka.

Eski sa Lalwa ki la ozordi pe fer provizyon pou ki bann zabitan Bel Ombre i kapab ganny akse avek sa zoli zarden *State House*?

Mon lot pwen mon ti ava koz lo la se an relasyon avek Zarden Botanik. Ou konnen Zarden Botanik i en keksoz ki mon'n obzerve se ki nou napa bann gid. Nou annan bann dimoun ki'n ganny anploye konman bann gid pou montre touris kot torti i ete, kote sa kannar ki lisyen ti lager avek i dormi, kote sa zarden sa pti soz i ete.

Me bann dimoun ki'n ganny anploye pou fer gid, mon vwar zot pe asize lo en latap pe pran tanperatir e pe met *sanitizer* dan lanmen kliyan.

Me pourtan bann kliyan i sipoze peye pou li ganny en gid pou montre li dan zarden. Me par kont letan *Mason* i vini, ou vwar Josette Morel en madanm Bel Ombre ki'n travay avek *Mason* pou plis ki 30an, be li ki pe gid son kliyan pou montre zot kote pou ale, pou montre zot pou eksplike kisisa ki dan zarden.

So mon ti ava kontan kekfwa anba sa nouvo Lalwa si bann dimoun ki'n ganny anploye pou gid, zot retournen pou fer zot fonksyon gid. E an menm tan mon krwar i pou pli ideal si zot dan en liniform *proper*, avek en *badge* ki idantifye zot lekor poudir mwan mon en travayer Zarden Botanik ki pou ed ou dan sa demars ki ou pe fer.

Parske ozordi i annan en kantite triker dan pei. I annan dimoun ki pe antre kot ou i pe fer krwar i travay *Cable* i pe vin get ou *metre*, i pe vin aranz ou *aircon*.

So alor mon krwar nou konmans avek Zarden Botanik en landrwa serye ki anmenn reveni pou pei, pou ki nou bann dimoun i ganny idantifye depi kot i vini.

Letan mon pe koz idantifikasyon Mr Speaker, mon krwar i enportan pou zot

revwar sa *Board* ki mark Zarden Botanik.

Parske i ganny mete zis deryer *bus stop* lo son fil plake e parfwa touris i vini i ganny difikilte pou vwar li, pou konnen kote larantre Zarden Botanik e parfwa souvandfwa se bann dimoun lo *bus stop* ki gid zot en pti git.

Mon krwar Zarden Botanik si i pe anmenn en rannman pou pei, i bezwen annan en zoli pli *Board* byen gro, ki montre poudir se la direksyon kot nou zarden ki nou ape li Zarden Botanik ki i ete.

I pa kapab en pti bord dan kasyet dan kasyet oubyen deryer feyaz, oubyen zis mammary Zarden Botanik pa'n byen netway sa fil bann feyaz i kouver zot.

Mon krwar sa i en lapros ki mon pe propoze anba sa nouvo Lalwa an relasyon avek Zarden Botanik.

Mon lot pwen Mr Speaker, nou ti ava kontan sorti en kou dan lavil sal Bel Ombre. Ou konnen Bel Ombre ozordi mon ti ava kontan dir pou dir i annan en travay ki'n ganny fer avek Mr Cedras byensir avek son bann *staff* an relasyon avek bann *trail* ki nou'n annan Bel Ombre.

Nou annan Anse Major par egzanp. Nou'n ganny sans avek Mr Cedras avek lezot son bann travayer pou nou vizit Anse Major e pou etabli en fason fer Anse Major pou ki nou bann kliyan ki vin Sesel zot kapab depanse.

E parey mon ti dir dan SONA ozordi Anse Major nou annan en koup Bel Ombre ki'n pran posesyon sa landrwa avek sipor e gidans Mr Cedras avek son lekip, pou ki i annan en keksoz ki ganny fer pou bann kliyan ki sorti tou sa zistans depi *La Scala* in marse ziska Anse Major.

E ler i ariv laba i kapab ganny en delo fre, i kapab ganny en fasilite twalet prop konvenab i kapab osi ganny en manze so si i annan en *grill* in fer makro in griye en karang in griye avek en pe limon lo la, pou montre ki nou kiltir. Sa i fason ki nou pe fer nou kliyan depans son larzan.

E sa kliyan i kapab osi apre tou sa zistans marse ganny en *taxi boat* pou pran li depi Anse Major retourn ek li ziska Lasose Bel Ombre si zanmen i pa anvi servi menm larout.

Mon krwar sa i bann kiltir ki nou bezwen devlope pou nou ankouraz marse nou distrik, e osi pou nou ganny reveni avek

kliyan ki vin Sesel pou zot depans en pe zot larzan, olye zis marse gete nu vwar pye dibwa, nou vwar pye koko e nou vwar montanny e pa depans nanryen.

Be letan mon lo sa pwen Mr Speaker mon ti ava kontan fer resorti poudir Bel Ombre nou annan Anse Major, nou annan Dan Gala, e Dan Gala mon anvi dir ek zot nou annan en zoli bord Dan Gala sa i enteresan, parske Gala i annan en zoli *board* depi kot ou vini onor semen, e tou dilon i montre ou son premye *step*.

Dezyenm *step* ziska ou al pli o. Mon krwar sa i sa pwen ki Onorab Woodcock ti pe dir taler. Me parkont ler ou pe al Mare Aux Cochons - Mare Aux Cochons pa neserman annan n okenn bord ki dir ek ou kote ou pe ale.

Me zis par lefe ki Seselwa in abitye avek sa *trail* Mare Aux Cochons alor nou pe al Mare Aux Cochons.

E Mare Aux Cochons mon krwar i en *trail* ki nou pou bezwen met en pe plis latansyon lo li. Parske son leta biodiversite ki i annan an term nou delo, resours e bann lezot plant andemik ki annan mon krwar Mare Aux Cochons i bezwen ganny en latansyon en

pe spesifik an relasyon avek tou sa ki nou'n koze ozordi.

E letan mon lo la Mr Speaker mon ti ava kontan dir osi ki Anse Major ; Anse Major mon krwar i enportan pou nou tou souvandfwa repas en pe lo son bann lenfrastriktir. Par egzanp sa bann *bridge* ki konekte nou avek lezot landrwa lo lot kote. Tanzantan e sirtou i fer ek dibwa. Konmsi tanzantan i enportan pou nou asire ki son striktir i konvenab i adekwat. Parske i konsern sekirite piblik e osi nou bann kliyan ki servi sa bann landrwa.

Mr Speaker mon pou donn sipor sa Prozedlwa, e mon santi ii annan en kantite travay ki'n deza ganny fer. I annan en kantite travay ki kapab ganny fer.

E mon swete ki avek sa nouvo Lazans e avek gidans Mr Cedras i en dimoun eksperyanse lo sa bann size, lo sa bann topik, sa i ava fer ki tou bann distrik i ava annan sa reanimen. E tou bann keksoz ki nou, nou krwar ladan sirtou bann *trail* e nou ankouraz tou dimoun pou itiliz bann *trail* pou vizite.

Parfwa ou koz avek bann zenn Bel Ombre ou demann zot ki bann *trail* ki annan Bel Ombre zot pa konnen.

E mon krwar sa e letan nou pe koz an relasyon avek bann klib ki mon'n tann koz lo la. mon krwar letan nou pe dir bann klib, kekfwa la i moman letan pou nou konmans ankouraz bann lekol, oubyen bann *NGOs* ki konsernen avek lanvironnman, pou zot adopte bann *trail* par egzanp. Pou zot donn en koudmen dan netwayaz bann *trail*, sa osi i keksoz ki nou kapab adopte.

Letan nou pe fer sa avek lekol sa i fer ek letan i annan en klib parey mon'n tann Port Glaud zot annan zot Klib Lanvironnman. I ava osi ankouraz sa paran pou donn en koudmen dan bann klib pou zot kapab ankouraze pou zot adopte en *trail*, e pou zot gid netway bann *trail*. E sa i ava fer deza pou ankouraz bann zanfan konmans servi bann *trail* e koz lo la an relasyon avek sa.

So tousala i bann travay ki nou kapab fer konman kominote tousala i bann travay ki nou kapab fer ansanm avek Gouvernman, pou asire ki nou lanvironnman ki nou'n koz lo la depi bomaten i reste sa trezor pou nou bann touris pou zot kapab depanse, e pou nou osi *enjoy* konman bann sitwayen.

Mr Speaker mon ava aret la pou lemoman, si i annan

okenn lezot pti keksoz mon ava fer dan *Committee Stage*. Mersi.

MR SPEAKER

Mersi Onorab. Onorab Pillay.

HON SEBASTIEN PILLAY

Mersi Mr Speaker. E bonswar tou dimoun ki pe ekout nou pe swiv nou. E i enportan ozordi apre midi akoz nou annan en Prozedlwa ki vremen enportan pou nou e vremen a ker pou Seselwa. E sa i konsern si oule sa Lotorite sa antite, ki pou annan sa manda pou li protez oubyen zwen en rol enportan dan *manage* nou bann park, e nou bann zarden, byen.

Lentansyon pa move. Nou osi annan atraver plizyer lannen ki Gouvernman oparavan in investir dan *training* pou bann profesyonnel en kad profesyonnel dan sa bann Departman, ki ozordi ankor pe travay, e ki pe kapab delivre avek lanmour pou sa profesyon ki zot annan, pou protez zot bann *assets*, bann *assets* natirel ki nou *bestow* dan zot *care*. I byen osi sa.

Me kestyon fondamantal se ki e la mon oule ki bann teknisyen i konpran mwan byen kot mon pe vini se ki mon santi en larogans dan lafason ki

Gouvernman in apros kreasyon sa antite. E sa i en keksoz ki konmans vin en fason fer ozordi. Konman Lasanble nou ganny demande pou nou aprouv en keksoz oubyen agree lo en keksoz *after the fact*, oubyen aksepte en keksoz dan labsans lenformasyon.

I pa en refleksyon lo Minis, i pa refleksyon lo son bann teknisyen byensir, me i en refleksyon en pti pe an zeneral lo gidans, lo direksyon ki nou pe pran.

E si mon kapab ilistre sa pli byen, Yer nou'n al dan en Minister Minis Finans ki nou'n fer en *Statement* dan Lasanble lo sityasyon Ikrenn avek *La Russie* lo sityasyon ekonomik ki sipoze tre grav.

E i sipoze propoz bann solisyon ki pou alez sa sityasyon pou pep Seselwa, me pa'n kapab dir Seselwa nanryen.

E sa pou mwan i reprezant en larogans. En larogans e mank respe. (Kalme ou, tou keksoz pou byen pase apre midi – *relax*).

Sa i reprezant en fason fer ki montre poudir nou pe annan en *arrogance of power* ki pe devlope dan nou pei. E sa *arrogance of power* i demonstre son lekor klerman dan sa Lalwa. Kot ou ti annan ou en

Prezidan oparavan ki pa ti le tann pa oule ekout Prezidan i apwent sen *CEO*, en *Chairman Board*. Ozordi sa msye i le apwent tou dimoun, dir tou dimoun ki pou fer!

E sa ki pli drol ankor ki dekonekte avek lafason ki sa Gouvernman i oule fer keksoz, se ki nou fek aprouv en Lalwa ki donn Minis provizyon pou kree zot antite ki sipoz *manage*, lezot landrwa ki i annan biodiversite enportan ekolojikman enportan, bann langaz lanvironnman ki mon pa'n neserman dominan me ki mon sir bann eksper i konn pli byen ki mwan.

Me sa ki mwan mon'n note, me mon ti apresye se ki lefe ki ti ganny dir par Gouvernman ki zot oule redwir lakantite antite, ki bezwen er serten travay e anmenn li ansanm. Napa rediksyon ki'n arive.

Zot menm zot in fek vot kont prensip ki zot menm zot ti bat lanmen lo la ler zot Prezidan ti vin koz lo la dan Lasanble.

E sa i demontre zisteman akoz ki mon santi pou dir i pa lafot Minis - probableman i lafot lafason ki keksoz in ale. E mon krwar Onorab Cosgrow in fer sa pwen, ki sa antite in bezwen konmans fonksyonnen. Mon pa pou blanm teknisyen akoz

zot in bezwen fer zot louvraz. Me sa antite in fonksyonnen e bann travayer, bann *employees* sa ki ti bann *employees National Botanical Garden Foundation* e lot antite, ki ti pe *manage* bann park maren, in fonksyonnen anba en kad ki pa ti legalman egziste. *They were all intent for internet proposes* bann travayer en antite ki Lasanble pa ti ankor konstitye son kreasyon.

E sa pou mon pa vwar li normal. Mon krwar ki lafason fer, sete pou anmenn sa provizyon Lalwa devan nou, nou ti a debat e donn nou kontribisyon. E resepsyon ki sa Lalwa ti pou gannyen ti ava diferan akoz ti ava'n annan en konsiltasyon serye ki ti pou arive dan sa Lasanble, lo ki sa Lalwa pou fer e ki mannyer pou fer son travay.

Akoz lo kestryon sa bann dimoun fer zot louvraz napa personn ki kapab dout kapasite Mr Cedras, Mr Matatiken, li menm Minis. Teknikman sa bann dimoun tre profesyonnel dan zot domenn. E i pa mon lentere pou fer sa.

E nou note ankor anba sa Lalwa, ki menm apwentman en Deputy *CEO* ki dan mon lopinyon i bezwen angaz Minister Lanvironnman i osi

bezwen ganny fer par Prezidan Larepiblik.

En keksoz ki mon koleg terminan lo lot kote latab *Leader Zafer* Gouvernman mon kapab montre dan plizyer diskour ki in fer, ki mannyer i ti konpletman kategorikman vwar sa konman en fason ki Leta ki ti pe konsolid son pouvwar dan lepase.

Me ki ozordi byensir pou aksepte, akoz se li ki pe anmenn sa Lalwa, i pa'n santi pou annan rezon pou li sanze. E taler i ava akiz mwan ki mon pa'n anmenn lamannman. So mon pa oule ganny remontranse par person, e mon ava zis dir ki Seselwa li ki bezwen note e regarde sa ki pe arive.

In annan bann pwen pertinan ki'n ganny souleve par Onorab Arissol an se ki konsern bann landrwa Bel Ombre, me mon krwar sa ki in dir i byen. Akoz i annan plizyer dimoun pa zis dimoun Bel Ombre ki servi sa bann landrwa. E i nesaser ki bann Lotorite konsernen i zwenn rol aktiv ladan.

Me mwan mon konsernen ki mannyer sa Lotorite pou fonksyonnen dan *ambit* en lot Lalwa ki nou'n fek pase. I ti ava mon swe senser ki sete sa Lotorite ki ganny manda prensipalman dan nou pei pou

manage sa bann keksoz. Akoz se li ki nou ti pou *endow* li ek tou sa pouvwar nesaser pou annan son *park rangers*, son bann *wardens* ki ti ava zisteman pe fer sa ki Onorab Aglae ti pe demande. Al lo bann bato pou vwar ler zot pe lapes en landrwa ilegal e fer sa bann travay.

Sa zafer endividi pou ekri Minis pou diziny sa landrwa - non-non-non. Akoz mwan mon krwar dan kapasite bann zofisye ki'n ganny *train* e ki'n travay dan sa domenn pandan plizyer lannen, e ki i annan en lanmour pou sa travay ki zot pe fer.

Se sa kot mon pe santi en dekoneksyon. Nou ti kapab annan en lot Lalwa. Me lot Lalwa ki ganny administre par sa enn Lotorite ki la, ki devret vin sa Lotorite fokal dan *management* parey son non i dir *Seychelles Parks and Gardens Authority*. *The 'authority' to manage* tou sa bann keksoz.

E sa ti ava limit lakantite antite ki ti ava pe fer ki sa bann travay. Ki sa pou mon i kree dan mon lopinyon baze lo sa ki mon'n vwar arive ler ou annan plizyer antite ki pe fer plizyer fonksyon, oubyen pe fer menm fonksyon en mars lo lipye kanmarad e *inévitablement* en konfli e avek sa konfli i anmenn

difikilte pou kapab realiz lobzektif ki devan nou.

Mon krwar Mr Speaker ki lentansyon bann travayer ki travayer ki travay dan sa domenn, nou pa pou zanmen dout zot. I bann dimoun ki devoue dan ki sa ki zot fer.

E dan sa lentansyon mon ti ava'n espekte ki antre ladan nou fer provizyon pou annan en program ledikasyon, ki konekte ek sa ki Minister Ledikasyon pe fer e ki mannyer nou kapab fer sa Lotorite en keksoz ki zanmen nou'n seye - fer sa Lotorite antre dan Minister Ledikasyon e travay a kote bann zenn ki pe devlope. Par egzanp parey Minister Lanvironnman i annan sa program *eco-warriors* program *eco-school*.

Me sirtou *eco warriors* ki permet bann zenn enterakte avek proteksyon lanvironnman a e en tre zenn-az.

Mon zanfan in partisipe, zanfan Onorab Loizeau in partisipe, i annan mon krwar zanfan lezot Onorab ki'n partisip dan sa program.

E i en program ki marse, akoz sa bann zenn i devlop en fason vwar lanvironnman a en tre zenn-az, ki permet zot apresye proteksyon lanvironnman. E se sa enn

bann sikse ki nou'n annan konman en pei.

E mon santi nou'n perdi petet sa loportinite pou nou fer li. Me i pa pou tro tar, akoz mon prezimen ki Gouvernman pou toultan realize ki i pou bezwen *realign* bann keksoz ki bezwen ganny re-alinyen.

So mon ti a swete Mr Speaker ki Minis pour Lanvironnman ki Minis pour Lanvironnman i pa fer parey Minis pour Finans.

Akoz depi bomaten in montre nou son langazman pou li delivre lo son manda ki'n gannyen konman Minis pour Lanvironnman.

Kontrerman a son koleg ki li in prefere pou li fer politik lo en size enportan, ki'n vin devan Lasanble. Me pa donn Seselwa okenn re-asirans pou ki mannyer i pou ed zot.

So mon swete osi Mr Speaker, ki dan sa transfer ki bann *staff* pou pas ladan - mon'n vwar in mete ki bann kondisyon pou reste parey ti annan bann konsern lo bann size *overtime*, ki ti'n deza ganny leve. Mwan menm mon personnelman mon'n deza sey demann klarifikasyon avek bann Lotorite konsernen.

E i enportan ki sa bann *staff* si zot santi ki zot kondisyon travay pe sanze dan

en fason ki afekte zot sirtou dan en moman kot nou pe pas dan difikilte, zot bezwen kapab vin devan e met zot konsern devan.

E ki nou konman Manm Lasanble nou bezwen pare pou ekout zot e vwar ki mannyer nou sey ed zot. Mon krwar Mr Speaker ki ozordi apre midi nou annan loportinite pou nou lans en mesaz kler ek Gouvernman.

E se ki pou dir avek Gouvernman poudir ou kapab annan ou mazorite total. E si oule fors ou, ou bann Manm pou *rubber stamp* tou keksoz ki devan zot, sa ou preogratif, me *at least* dan sa prosis ki ou pe fer mazin bann teknisyen e bann lezot dimoun ki bezwen enplimant sa bann keksoz.

E mazin ki mannyer ler ou'n fini met sa bann Lalwa devan zot, zot pou fonksyonnen *within* sa bann kad ki ou donn zot. Sa i enportan pou nou met a perspektiv.

So mon swete ki mon mesaz i ava ganny pran dan lespri ki'n ganny anmennen, savedir ki nou asire ki nou bann teknisyen i ganny en meyer lanvironnman pou zot travay. En lanvironnman ki donn zot klerman ki direksyon ki zot pe ale e fer lo kler kote zot anvi ale. Mersi Mr Speaker.

MR SPEAKER

Mersi Onorab. Onorab Gill.

HON CHURCHILL GILL

Mersi Mr Speaker. Bonn apre midi Minis k ou delegasyon. Mr Speaker mersi pou donn mon laparol pou mwan kapab koz en pe lo sa *Bill* akoz pou nou kote lo Praslin, i annan. Mon vwar i annan en kantite *challenges* pou *SPGA* enn fwa ki sa *Bill* i pase. E mon ava brefman fer li vwar sa bann *areas* kot nou Praslin, nou santi ki i demann en langazman tre serye pou nou kapab adres serten keksoz.

Ozordi Praslin nenport ki zour ki en dimoun i vizit Praslin, i pou vwar ki Praslin i antoure avek bokou bato krwazyer. E mazorite kwa lizour ek aswar sa bann bato krwazyer la mon pe koz *super yacht* apre bann *cruise ship*, zot kot Curieuse dan labe Curieuse.

E ozordi nou napa bann bwe *designated* ki sa bann diferan bato ki mon pe - e ki zot tre gro pou zot kapab mouye dan sa labe kot zot ete. Menm si zot pe mouye ozordi.

Alors sa pou nou i reprezant en *challenge* tre serye, vi ki i en zil ki tre frekante e bokou Pralinwa zot ganny zot lavi zot sonny zot fanmir atraver

zot bann aktivite swa Curieuse oubyen bann lezot zil satelit obor Praslin.

En premye keksoz ki mon ava demande ki Minis petet atraver *CEO* i pran kont se, kwa ki nou pe benefisye ek sa bann *super yacht* e *cruise ship*? La mon pe koz *SPGA*. Mon pa pe koz sa bann retonbe finansyel me pirman *SPGA* ki sa bann aktivite i pas devan Curieuse?

I pa kler si tou sa bann dimoun ki mouy la zot debarke. Omwen mazorite zot i rete dan bato. E si sa i leka i montre nou ki Praslin nou pa pe vreman benefisye e *SPGA* osi i pa pou neserman benefisye, menm si sa bann keksoz sa bann gro bato zot pe mouy la.

E lot kestyon ki *begs itself* se ki i arive ek *waste* bann bato? Ozordi nou napa en fason kler kot nou kapab dir ki sa bann bato ki frekant sa bann landrwa sa bann *national park*. E la, la fason ki zot *waste* i ganny zere.

E sa pou nou i tre enkyetan, akoz si sa i al bokou plis letan kot nou napa en pwason pou nou kapab *manage* sa bann *waste*, mon krwar gradyelman nou bann Nasyonal Park pou perdi son lanpler. E *ultimately* nou tou nou konnen nou pa pou ganny sa bann

viziter akoz napa nanryen pou atrakte zot.

Alors *SPGA* i pou annan bokou travay ki pou bezwen ganny fer lo kote Praslin.

An menm tan sa bann bwe nou konpran *SPGA basically* prezan ki pe lans son lekor apre sa apre ki sa *merger* in ganny fer. E kote finansman i kler ki zot pou napa sa abilite finansman, pou zot adres tou sa bann problem.

E lo sa size bwe mon krwar nou ti kapab fer en fason kot en konversasyon i fer ek sekter prive kot sa bann dimoun zot, zot ava *manage same* selman *SPGA* i, i ava diriz zot kote zot krwar bann landrwa pli ideal pou met sa bann bwe.

Akoz si mannyer sa *Bill* in ganny drafte nou'n osi fer konpran ki *SPGA* i pou bezwen erit tou bann *liabilities SNPA* ek *NBGF*.

Si prezan ki pe pran sa model pou li fonksyon konman en biznes, natirelman i pou napa en fon pou li kapab zer sa bann *liabilities* e nou pa ni konnen ki kantite i été, alors Minis ti a bon pou ou eklersi nou eski sa nouvo Lazans lo kote *liabilities SNPA* avek *SNPA* avek *NBGF*, i pou annan serten siport separeman pa dan sa bann reveni ki pe sey akimile, vi

ki fek konmanse, akoz i annan sa bann konsern ki mon'n fer sorti i pou vwar *rent* abilite finansyel kapab adrese.

Alors i enportan i ganny klersi, pou nou vwar si nou Praslin nou pou espekte vwar en rezilta ase medya, apre ki SPGA i konmans fonksyon lo en fason agresiv?

Alor pou lemoman mon santi sa de lazans ki pe ganny met anba SPGA, i sitan annan *challenge*, mon krwar ti ava les zot ek sa de pou lemoman. Akoz i annan bokou pou fer apard ki sa de legzanp ki mon'n donner lo Praslin. Alors menm si lo sa *Bill* in ki'n deza fer nou konpran ki lobzektif, me selman sa i *document-wise*.

Mwan mon ti ava swete ki dan son fason pratik ki SPGA fer sir ki bann lobzektif ki Lotonomi in met devan son lekor, lo son laspe pratik i ganny fer, e son bann egzekisyon i ganny fer son byen swiv, pou asire ki kantite dele letan ki devret ganny egzekite ganny egzekite. E an menm tan lo son *Board* i annan en *close monitoring*, pou asire ki bann lobzektif ki'n ganny met devan *Management* i pe ganny fer a sa speed ki i devret e lafason ki devret.

Akoz si non, i pou difisil pou nou kapab adres sa bann

diferan *challenges* ki mon'n mansyonnen. E nou'n napa bokou letan pou nou kapab adres sa. Akoz pli nou tarde nou bann resours i pou ganny afekte e a lafen dizour nou pa pou gannyen sa bann viziter. E sa bann dimoun ki pe depan lo la pou zot lavi personnel ek zot fanmir, nou pou vwar nou dan difikilte. Mersi Mr Speaker.

MR SPEAKER

Mersi. Mersi Onorab. I reste mon en Manm nou ava pran sa dernyen. E apre nou a termin deba. Onorab Georges?

HON BERNARD GEORGES

Mersi Mr Speaker. Mr Speaker mon ti a kontan koz longman lo sa *Bill*, me ler i kot nou, e mon ava don zis fer de ou trwa pti remark.

Premyerman mon ti ava kontan fer lapel avek Manm Lasanble e lepep Seselwa an antye ki an prenon laparol konman *MNA* Les Mamelles, mon pe soulinyen gran labote sa distrik, ki enn parey nou konnen parmi bann ki pli zoli dan nou pei Sesel.

E mon dir sa avek en gran lafyerte akoz Les Mamelles parey nou konnen i annan pli vye *chateau* isi Sesel *Chateau Mamelles* lezot se *Chateau Sainte Cloud* La Digue, avek

Chateau Margo La Misere ki'n disparet.

I annan en *waterfall* ki osi zoli ki sa enn ki tou dimoun i al vizite Port Glaud. I annan en *trail* Dan Miska ki eksepsyonnelman zoli, akoz i swiv larivyer Mamelles. I annan *view point* ki nou apel kannal lanmor ki tou dimoun i rekonnèt i enn bann pli zoli pwennvi. E pli zoli ki sa ankor anler Ma Josephine i annan en dezyenm *view point* aksesib a tou piblik.

Donk mon annan bokou bagaz pou mwan koz en pti pe lo sa *Bill* apre midi.

Mr Speaker mon anvi fer de pwen - ou de ou trwa pwen. Me permet mon avan adres mon koleg ki lo lot kote latab ki apre midi, pa'n eparny nou son Polisi ki i paret in adopte pou sa enn Lasanble e sa se avan, avan sak fwa ki nou annan en *Sitting* Onorab *Leader* Lopozisyon i desann lo stor lagrikiltir, i aste li en kilo lagrenn 'konfizyon', epi i vin senmen la anndan dan Lasanble ler i koze.

E apre midi i pa'n en leksepsyon. E sa se en lapant danzere pou nou akoz i en politik kot Lopozisyon atraver son *Leader* pe sey fer krwar en serten keksoz avek bann dimoun ki pe ekout li ki pa

annan okenn relasyon avek larealite.

Par egzanp sa sityasyon Prezidan apwent bann manm *Board*. E Prezidan apwent *CEO* avek *Acting CEO*.

I annan rezon - I annan rezon Prezidan i senp Egzekitiv. Mon pa konnen ki Prezidan Sef Egzekitiv apwent bann *Board*, in toultan leka. Me i ti ava toutafe posib, pou ki Minis i apwent sa manm *Board*.

Minis apre tou pa'n ganny pran prizonnyen par Prezidan Ramkalawan pou fors li anmenn sa *Bill* mannyer i ete dan sa Lasanble. O kontrèr. Mon pa kapab koz pou Minis i ava koz pou li menm taler.

Me mon mazine ki sa *Bill* in son Minister e in mont *Cabinet and not the other way around*. E menm si, menm si, sa sityasyon pa byen. E ki nou ti ava kontan annan en lot fason apwentman, mwan Mr Speaker mon kapab dir la apre midi konman *Leader* Zafer Gouvernman, mon pa ti pou annan okenn difikilte si Onorab *Leader* Lopozisyon, ti'n propoz en lamannman a sa *Bill* parey i ti devret, pou dir olye Prezidan apwent bann *Board*, pou dir ki se Minis ki devret apwent sa bann *Board*. Mon pa ti pou annan okenn difikilte pou aksepte sa mwan.

Akoz i ti ava'n devlop son largiman e nou lo sa kote latab, nou ti ava'n pran *advise* avek Minis e sifo avek Prezidan, e nou ti ava tonm dakor lo en solisyon. Me si ou pa anmenn en lamannman, me sel keksoz ou fer se esper ler Lalwa in ariv dan Lasanble, pou ou fer en pwen, epi pa propoz en solisyon !

Se sa ki enportan pou nou rekonnèt atraver lafason ki zot travay. Zis zot soulev problemm zot pa propoz solisyon apre zot akiz nou.

It's not the way to work guys. Eskiz mwan pou dir zot si zot anvi vin en Lopoziyon relevan. Fodre zot relevan fodre zot propoz solisyon. Zot pa kapab zis soulev problemm, senm konfizyon asiz dan zot sez e dir ki zot in byen travay.

Sa bann dimoun ki pe ekout zot deor laba, i ekout nou osi. E zot konnen sa ki nou pe dir i larealite e sa ki zot, zot pe dir i mansonz !

Zot bezwen aksepte sa.

(laughter)

(APPLAUSE)

HON BERNARD GEORGES

Alors Mr Speaker, zis pou mon demontre ki mannyer sa parol ki nou, nou en *yes men* pou Egzekitiv i pa vre. Les

mwan souliny de keksoz ki mwan mon bezwen en lasistans avek *panel*. E se pou sa rezon ki mon'n pran parol apre midi.

Premyerman mon regard *Clause 12* sa Prozedlwa devan nou, ki dir ki Minis i kapab donn direksyon spesifik avek sa Lotorite konsernan performans son fonksyon. Toultan nou'n soulev kestyon nou bann tel *Clause* dan bann Lalwa aköz toultan e mon pa konpran ki mannyer *Leader* Lopoziyon pa'n sezi lo la. Mon mazine aköz parey mon'n dir taler pa'n lir Lalwa. Me si i ti'n lir, mon mazine i ti pou'n sot lo la.

Aküz Minis ki annan sa provizyon kot Minis i kapab donn direksyon avek sa Lotorite, lo ki mannyer i devret travay? Oubyen ki mannyer i pou desarz son fonksyon?

Mon mazine ki i annan en rezon i annan en rezon i annan en nesosite me, dan tout transparans, mon ti a kontan konnen e mon krwar bann dimoun deor ti a kontan konnen aköz sa i nesoser. Mon krwar mon konn rezon, me mon ti ava prefere ki se *panel* ki edik nou lo la.

E dezyenmman Mr Speaker e finalman dernyen parol ki mon anvi dir la ozordi, se tou sa kestyon ek sa polemik ki *Leader* Lopoziyon in fer pli

boner lo bann Lotorite ki pou *manage* bann rezerv bann par eksetera, i ganny reponn dan sa Prozedlwa.

Akoz si nou regard son non *Seychelles National Parks and Gardens Authority* - zot ava rapel taler nou ti k donn Minis dan seksyon 31 sa *Bill* ki nou ti fer taler, pouvwar etabli bann Lotorite, tel parey sa Lalwa pe fer, pou *manage* egzakteman bann *parks and gardens*.

E sete egzakteman sa ki pe ganny fer. Si - e mon bezwen retourn la ankor en pti kou Onorab *Leader* Lopoziyon ti'n lir son de Lalwa, i ti ava'n vwar ki mannyer olye pa koz ek kanmarad ki sa de Lalwa senkronize avek nou. E ki dan sa enn ki nou'n pase taler, nou ti pe koz egzakteman lo ki sa enn i vin en legzanp.

Alor Mr Speaker mon aret la apre midi. An dizan ki mon tris ki nou'n kapab fer otan politik; otan politik i neser lo en keksoz ki zot devret nou tou pe ralye otour e pe donn nou sipor.

Akoz si i annan en keksoz, en domenn, kot nou devret ralye ansanm konman en Lasanble, se sa domenn touristik.

E si *eco-tourism* pou vin parey i ete deza en *corner stone* lendistri touris, nou bezwen

ganny vwar konman bann dirizan responsab pe pas bann Lalwa performan pou ankadre sa sekter. Mon remersye ou Mr Speaker.

(APPLAUSE)

MR SPEAKER

Mersi Onorab. E mersi tou bann entervenans. Minis mon ava apel ou pou ou donn ou repons lo deba.

MINISTER
JOUBERT

FLAVIEN

Mersi Mr Speaker. mersi bann Manm Onorab pou zot bann pwen ki zot in fer. Mon krwar i ase konpreansiv e Mr Speaker avek ou permisyon mon a sey pas lo tou sa bann pwen ki zot in fer mon krwar i ase konpreansiv.

E Mr Speaker avek ou permisyon mon ava sey pas lo tou sa bann pwen. E si mon mank okenn pwen petet mon ava demann bann Manm Onorab pou lev petet fer mwan konnen e mon a retourn lo la.

Mr Speaker mon ava konmans lo bann pwen ki'n zener plis deba. E sa i annan pou fer avek fonksyonman sa lorganizasyon aktyel e osi bann lapwentman parey *CEO*.

Sa lorganizasyon parey nou konnen i pa en *state-owned*

enterprise ki debout lo li menm, parey nou vwar dan serten ka zot annan en konpanyen ki'n ganny egzile par en *Board* e apre sa *Board* i reponn a Gouvernman.

Menm si i ganny zere par en *Board* sa enn ki la, i pa en lorganizasyon ki ganny klasifye konman bann *public bodies*. Akoz i osi *regulatory* dan son lapros ki i pe fer.

Mon pe get la devan mon en dokiman konsernan en *public bodies* e *National Parks* ek *Botanical Garden* ti deza ladan.

Alor zot ankor annan en koneksyon ase direk avek en Minister ouswa avek en Minis konpare avek bann lezot *public enterprise* ki i annan en separasyon bokou pli lwen an term fonksyonman bann *Board*, e endepandans zot lorganizasyon.

Prezan kot i konsern fonksyonman ozordi, Mr Speaker sa pwen in ganny leve par Onorab Cosgrow pli boner, ki keksoz pe ganny fer an aryer e ki ozordi pe ganny demande pou parey nou dir *rubber stamp* en keksoz ki deza pe fonksyonnen.

Zis mon ava remarke ki sa de lorganizasyon, Park Nasyonal ek Zarden Botanik, zot deza annan zot Lalwa ki'n

etabli zot. E zot pe kontinyen fonksyonnen anba zot Lalwa e ki zot pou kontinyen fonksyonnen anba zot Lalwa, ziska ler sa enn Lalwa i antre an fors se i *repeal* dan zot Lalwa.

Savedir zot pa'n zot pa pe fonksyonnan dan en fason ilegal la aktyelman. Zot pe fonksyonnan parey zot ete.

E keksoz ki enportan pou note i si zot ti pe fonksyonnan konman en lorganizasyon parey sa enn ki la ki pe ganny propoze dan en fason ki abnormal, zot ti pou annan en *Board* ozordi.

Zot napa en *Board*. Sa de lorganizasyon i ankor endepandan anba zot prop Lalwa, san sa *Board* ki pou inifye zot konman en nouvo lorganizasyon.

E administrativman wi i annan bann azisteman ki bezwen ganny fer, e nou bezwen kontinyen fer sa bann azisteman. Nou pa kapab esper sa Lalwa arive. Parey ou'n dir dan sa demars ti ganny anonse depi lannen pase. E nou konnen poudir par egzantp *Attorney Zeneral* in bizi fer en ta Lalwa pase lannen pase. E nou pa kapab esper sa Lalwa pase pou nou konmans bann demars.

I annan bann demars ki'n deza fini konmans ganny fer. Par egzantp Mr Cedras in fini

ganny donnen sa responsabilite pou *oversee* tou le de. Par egzanp bann stratezi ki'n fini ganny prepare, ek bann laranzman pou *manage* finans sa de lorganizasyon, in fini konmans ganny fer. E bann lapwentman bann dimoun dan bann diferan pozisyon kot Zarden Botanik avek kot Park Nasyonal, pe ganny fer pou ki nou bann dimoun pe konmans antre dan sa striktir travay.

Me selman pou lemoman relasyon ki egziste ki administrative ziska ler sa nouvo Lalwa i antre plas. E la prezan bann dimoun i ava ganny *nominated*. Zot ava ganny donnen *uniform* ki met *Parks and Gardens Authority* lo la.

E zisteman parey in ganny leve osi sa kot i konsern travayer, sa Lalwa i fer kler ki letan sa nouvo lorganizasyon i antre an plas, tou bann travayer ki egziste dan sa de lorganizasyon, zot pou deza ganny konsidere konman anplwaye sa nouvo lorganizasyon.

Alor i pa eksepte ki pou annan okenn pert, ouswa okenn gran keksoz ki pou arive ek bann travayer. Byensir i annan nouvo striktir ki'n ganny deside ki mannyer pou ganny fonksyonnen. E bann dimoun

pou ganny aziste dan zot travay depandan pozisyon ki zot ete e bann fonksyon ki merit ganny fer dan sa de lorganizasyon.

Kot i konsern bann lezot pwen ki'n ganny leve Mr Speaker, eski Prezidan i kapab apwent *CEO* ek *Deputy CEO*? Mon krwar dan Lalwa i dir klerman ki Prezidan i apwent an konsiltasyon avek Minis pour Lanvironnman.

E pareyman avek *Board* manm *Board*, Sef Egzekitiv ek Depite Sef Egzekitiv i ganny apwente lo rekomandasyon *Board*. E *Board* li menm i ganny apwente par Prezidan an konsiltasyon avek Minis.

Alor mon pa krwar i en sityasyon kot ou pou vwar Prezidan pe zis deside ozordi bomaten, mon pou - mon pe apwent tel ou tel dimoun lo *Board*. Akoz kestyon pou ganny demande, eski ou'n ganny rekomandasyon sorti kot Minis ouswa desizyon i ganny pran?

E sa desizyon i merit ganny pran dan sa fason e sa mon krwar i prensip in deza ganny servi dan lepase toultan, e i pa pou en keksoz ki diferan avek sa bann *practise* ki'n ganny fer. Kot Prezidan i bezwen ganny rekomandasyon lo sa bann size avan i fer.

E menm letan nou pou annan en size ;- par egzanp kot

i annan *advertise* en pozisyon, sa *Board* i kapab fer tou son bann *advertisement* e apre donn Prezidan rekomandasyon.

Alor i pa anpese ki sa prosedir osi i ganny fer, e ki Prezidan apre i *sign-off* lo sa rekomandasyon.

Mon ava retourn en pti pe plis dan lord Mr Speaker lo bann pwen ki'n ganny leve pli boner, mon pou pas serten pwen avek Mr Cedras. Mon a konmans sa bann pwen in ganny leve par Onorab Woodcock

I annan zis de pwen ki mon pou pran lo la se Fond Ferdinand. Onorab Fond Ferdinand ozordi wi i annan bann diskisyon ki'n ganny fer, e i annan bann propozisyon lo lafason ki pou ganny administre. Parey ou'n dir pli gran ki Vallée De Mai i kapab ganny administre lo li menm.

Fond Ferdinand i annan zis en problem fondamantal. Fond Ferdinand ti ganny etabli anba en lasosyasyon. Rezistrar Lasosyasyon pa ankor kapab met annord dan son rikord Fond Ferdinand ozordi.

E tan ki sa pa ganny met annord tan ki Rezistrar Lasosyasyon pa fini avek Fond Ferdinand, en desizyon pou kapab ganny frer ni pou transfer *assets* Fond

Ferdinand. Pou lemoman, pe zis administre, me pou fer tou sa bann keksoz finalman i pou fer sir ki Fond Ferdinand i lib pou fer lezot aktivite, sa bann keksoz pa pou ganny fer tan prosedir pa konplete.

E nou'n zwenn avek Rezistrar e i ankor annan serten lenformasyon i ankor pe anmase, lanvironnman in donn li tou bann ki nou annan. E *SIF* osi in donn li tou bann ki annan.

Par egzamp napa bann *audited accounts* ki'n ganny *submit* kot Rezistrar Lasosyasyon. E i pou enportan pou ler bann keksoz i fini ganny konplete avan ki Fond Ferdinand i kapab met annord.

Me byensir nou pou kontinyen sa konversasyon avek tou bann dimoun. E desizyon i ava pran lo ki mannyer i ganny administre, swivan mannyer diskisyon i ale.

Me parey mon'n dir nou bezwen fer sa premye letap e fini tou keksoz avek rezistrar.

Kot i konsern sa size Pasquere kot i annan bann delwil dan ki sipoze pe koule, mwan mon rapel sa *case* depi ler mon ti kot lanvironnman en bon pe lannen pase. I annan serten kontrol ki ganny met an plas. Me mwan mon soupsonnen - sa i mon soupson

- ki posibleman i annan serten keksoz ki pe pa marse la, ki ozordi nou bezwen retourn laba pou al atrape.

E me selman i annan serten keksoz ki petet fodre dimoun i ganny klarifikasyon lo la. Par egzanp i annan bokou komanter lo sa bann basen ki deza la ki dir i annan delwil lo la. Par egzanp i annan bokou komanter lo sa bann basen ki deza la, ki dir i annan delwil lo la.

Aktyelman nou'n verifye i pa delwil. I bann sibstans ki klate parey delwil, me selman i pa delwil. Me selman vre, i annan posibilite i annan desarz ki kapab sape, depandan mannyer sityasyon i ete lo *site*. E sa i ava ganny verifye. Aktyelman *PS* Lanvironnman pe pran sa an men. I pe travay ek sa bann dimoun pou fer sir ki ansanm avek Lotorite Park Nasyonal, pou fer sir ki sa bann okenn desarz okenn posibilite desarz i ganny redwir.

Mon ava lo pwenn ki'n ganny leve par Onorab Aglae ki kantite lotonomi ki sa lorganizasyon i pou annan. Parey mon'n dir sa lorganizasyon i e *public body*. I pa endepandan parey en *state-owned enterprise*. Me selman lotonomi finansyel ti ganny

deklare pou *National Parks Authority* en pe letan pase.

E i pou kontinyen reste. I pou kontinyen gard sa lotonomi finansyel, akoz i bezwen sa lotonomi pou li kapab fonksyonnen. En keksoz ki mon krwar i enportan Park Nasyonal, e la ki'n zwenn avek Zarden Botanik se ki, sa lorganizasyon i merit ganny en sans pou li kapab gard en pe son bann reveni ki anmase. Menm si i annan an plis.

Akoz parey nou'n vwar aktyelman kot i bezwen retourn kot Gouvernman pou demann sipor. Sa lorganizasyon i bezwen kapab annan kapasite pou li fer fas avek bann difikilte ki detanzantan ou fer fas avek par egzanp letan napa touris, ki i pou bezwen ganny sa fleksibilite pou li kapab mentenir son lekor bann anlplwaye eksetera.

E fer ki i kapab fonksyonnen san ki i bezwen retourn kot Gouvernman. Akoz mon'n tande en pwennvi ki'n ganny leve la se ki, nou pa kapab kontinyen vwar sityasyon kot sa bann lorganizasyon i toultan pe retourn kot Gouvernman pou vin demann larzan, akoz son performans ouswa sityasyon in afekte li ankor.

Alor i bezwen annan sa lendepondans finansyel. Me nou osi bezwen donn li sa posibilite pou li kapab akimil rezerv byensir anba kontrol Leta pou li kapab mentenir son lekor, e renouvle son bann *assets* osi.

Eski sa lorganizasyon pou pe donn latansyon tou zarden nasyonanman? Sa lorganizasyon i pe get Zarden Botanik Zarden State House e biodiversite, sant biodiversite.

E byensir sir i annan lezot zarden ki ganny met an plas, i pou bezwen pran kont. E sa i pou ganny deside depandan sa kalite zarden ki nou pe koz lo la. Sirtou bann zarden kot ou pe fer li en keksoz kot ou pe pran en peyman dan larantre, avek bann kliyan ki vin vizite.

Sant biodiversite, eski i enn sa bann zarden? Mon krwar Onorab Cosgrow ti'n lev sa pwen. Eski enn sa bann zarden ki ganny ki pa ganny kouver anba sa Lalwa. I annan sa provizyon dan Lalwa ki rekonnèt plizyer zarden e bann landrwa ki enportan lo nivo biodiversite.

E nou krwar poudir sa i sifizan kouver sa sant biodiversite. Menm si i pa ganny masyonnen spesifikman dan en Lalwa. Me

sa definisyon i ase pou kouver sa sant biodiversite legalman.

Prezans dan park Onorab in koz lo la. Byensir Cap Ternay ek Port Launay i annan de ka kot Lotorite pa prezan par egzant apre ler. E enn bann lentansyon sa lorganizasyon Mr Cedras i ava elabore, se ki nou bezwen annan en baz dan sa rezyon.

Si ou pe *operate* dan en park ou bezwen annan en baz ki konfortab ki an sekirite pou ou *staff* kapab reste, pou zot kapab fer zot travay a tou moman. I pa zis dan lazournen akoz nou konnen apre ler i annan en kantite bann keksoz ki arive, e i enportan ki nou *staff* i kapab prezan dan sa bann landrwa.

Alor i en latansyon pou nou annan en baz swa Port Launay, swa pli lwen Cap Ternay. Me selman fodre nou annan en baz ki pa tro lwen avek landrwa kot nou pe travay. E osi kot ou kapab gard lekipman an sekirite. I annan de moman dan lepase kot lekipman in ganny kite par egzant bato, e apre letan ou vini lannmen i annan domaz lo la.

Alor i enportan ki nou kapab annan sa sekirite e sa kontinite dan lazournen pou kapab kontinyen fer travay.

Onorab Cosgrow ti koz lo sa size fonksyonman, byensir in koz lo lenpak lo nivo travayer. Parey mon dir pou napa nivo lenpak.

Eski Zarden *State House* pou kontinyen ganny administre? Pou lemoman wi.

Staff Zarden Botanik pe fer sa servis netway Zarden *State House*. E i pe al byen. Me sa i pou en desizyon ki Gouvernman pou fer sir Zarden *State House* pou vin apar. Me pou lemoman sa travay pe mars ase byen e i napa okenn rezon pou lemoman pou al sanz travayer dan Zarden *State House*.

Onorab Arissol ou'n osi koz lo Zarden *State House*, e ou'n koz lo standar dan nou bann zarden. E mon krwar sa i en keksoz ki *access* ek bann zarden mon krwar sa i en keksoz ki merit ganny diskite en pe plis ankor.

I annan sa posibilite pou dimoun akse bann diferan zarden ki annan dan pei. E i annan sa potansyel pou kapab ganny servi dan sa fason. Me byensir parey nou tou nou konnen, Zarden *State House* i pa kapab vin en landrwa kot nenport ki dimoun i pas dan *gate* i antre.

I pou bezwen annan serten fason fer. Serten lareg.

Me i enn bann keksoz ki nou devret get ladan, akoz i annan en potansyel enportan e menm ou kapab pe sarz bokou plis ki Zarden Botanik akoz son lenportans konman en Zarden Nasyonal, ki atase avek en lenstitisyon nasyonal ki donn li en pli gran valer. E ou kapab vwar ou pe anmas en pe reveni osi ki tre enportan pou sa lorganizasyon.

Gid dan botanik ki parey ou'n dir ou vwar zot pe *sanitise* olye fer louvraz gid. Mon krwar sa i enn bann pwen ki pe ganny adrese anba *Management*. In annan plizyer bann keksoz ki *Management* pe sey met annord la aktyelman.

E lekip anba Mr Cedras pe adres tou sa bann pwen kot i konsern bann defayans ki'n annan dan lepase, e osi adres bann konplent. In annan en pe konplent osi ki aktyelman la bezwen antre ladan. E mon pe ekspekte ki sa nouvo Lalwa ek en *Board* ki ava met an plas, Mr Cedras ek son lekip i ava ganny en pe plis sipor e zot ava kapab al plis an detay, e annan plis lizye pou get performans fonksyonman sa lorganizasyon e konsey osi lo kwa ki kapb ganny fer.

Akoz i annan bann defayans dan sistenm ki bezwen ganny korize. E nou ti

ava voudre ki sa i ava kapab ganny rezourd e ki nou aret annan sa bann konplent partou kote, kot i konsern kondisyon travay ek bann direksyon ki *staff* i gannyen dan travay.

Liniform osi i enn bann keksoz ki pou ganny adrese, konman sa lorganizasyon antre an plas. E sa i pou ganny fer parey bann prosedir normal i ganny fer pou *uniform* dapre bann lareg travay, ki bann *staff* i abitye travay anba la. Konbyen zot pou gannyen, ki pou annan lo zot *uniform*, pou reflekte nouvo lorganizasyon.

Anse Major *Trail* Bel Ombre ek bann amelyorasyon sa i bann keksoz ki Mr Cedras ek son tim pou kontinyen fer. Me parey mon'n dir sa i relye osi avek finans sa lorganizasyon e bann siny i ankourazan pe aparet lo kote finans. Apre sa lorganizasyon in zwenn ansanm.

E osi apre ki bann kapasite *Management* finansyel in ganny aranze. Bann siny pozitiv pe aparet kot i konsern finans. E mon krwar sa i ava ede poudir sak lorganizasyon i annan ase resours pou li kapab met dan amelyorasyon bann fasilite lo bann *trails*, e fer ki sa bann *trail* i mont lo en pli o nivo e ki tou bann dimoun i kapab *enjoy* sa bann *trail*.

Trail Mare Aux Cochons wi i annan serten defayans dan *Trail* Mare Aux Cochons. Me selman Onorab mon krwar i enportan osi ki petet distrik i antre dan sa diskisyon osi. *Trail* Mare Aux Cochons osi i annan serten diskisyon ki depi ler mwan mon ti kot *National Park* ki i annan pou fer avek propriyete e later ki sa *trail* i pas lo la.

E tou sa diskisyon fodre i ganny fer i ganny konplete. E apre nou ava tonm dakor lo ki kalite kwa keksoz ki keksoz ki kapab ganny fer, lo sa *trail* epi son konmansman e partou kot i annan bann pwen enteresan lo sa *trail*.

Me solman mon pou envit ou menm avek distrik Bel Ombre, e avek nouvo lorganizasyon *SPGA*, *CEO* avek son lekip pou kontiny sa diskisyon, ki fer nou ava tonm dakor byen kler lo ki mannyer bann keksoz pou ganny fer lo *Trail* Mare Aux Cochons.

Ti annan en pwen konsernan ledikasyon ek lenformasyon pou piblik, ki *Leader* Lopozisyon in fer sorti. E mon krwar sa i en pwen ki nou tou nou agree avek sa lorganizasyon. Byensir, i annan en kantite pou li kontinyen fer lo lenformasyon piblik e ledikasyon.

Aktyelman parey mon'n dir zot lorganizasyon in antre dan en prensip ki pe fer depi en pe letan, pou pibliy tou son bann plan, son plan stratezi, son plan finansyel, son bann plan *management* pou son bann park e fer ki i annan tou lenformasyon maksimonm lenformasyon pou piblik.

SNPA la i la prezan SPGA depi en bon pe letan i annan en *website* ki lo en bon nivo. Parey mon'n dir lo sa *website* i osi annan en fasilite peyman, e i pe kontinyelman amelyor tousala. E tou bann lenformasyon i la, e menm i annan *Facebook page* ek lezot fasilite *social media*, ki pe ede pou fer sorti lenformasyon toultan.

E kot i konsern ledikasyon osi, i annan sa bann program parey Onorab in fer sorti, i annan menm nou bann zanfan ki pe partisip dan bann aktivite.

E sa i en keksoz ki pou kontinyen aktivite dan vakans, aktivite dan bann park partou, pou fer ki nou bann zanfan i angaze dan sa bann demars pou protez lanvironnman Sesel, e vin bann dimoun ki konsyan e ki kapab osi kontribye dan konservasyon dan pei.

Onorab Gill in koz lo *mooring* dan park Curieuse sa pou Mr Cedras koz lo la. E si Praslin pe benefisye avek bann

bato pe mouye dan park Curieuse. Me Onorab in tous lo en pwen ki mon krwar i enportan e i pou enportan ki Lasanble osi i fer refleksyon ansanm lo la.

Se ki ozordi nou pa ancor konman en pei met annord, tou nou bann lareg i konsern salte ki sorti lo bato. Bann yot ki pe fer larout ant bann zil;- par egzanp zot pe ganny demande pou annan serten fasilite pou zot *contain* zot bann desarz e desarz li dan en deskripsyon *offshore* i annan pou fer avek en zistans an deor lakot. Me nou'n deza *match* sa zistans an deor lakot. E sa zistans an deor lakot ki ganny rekomande dan Lalwa enternasyonal, letan ou met Mahe ek Praslin ansanm i annan zis enn pti pwen o bor Mamelles ki satisfes sa zistans. Savedir tou sa bann landrwa o bor lakot i preski enposib pou satisfes sa bann zistans pou desarz okenn bato.

Alor i enportan ki no fer en ki bon refleksyon lo desarz *liquid* se bann bato desarz bann pwen demarkasyon bann solid ki keksoz ki nou'n deza koz lo la osi. E ki anba nouvo Lalwa ki'n sorti kot i konsern *commercial waste* i osi enkli en provizyon ki bann bato ek bann operater bato, zot ti sipoze annan en

pwen resepsyon ater pou salte pou zot bann bato.

Alor i annan tou sa bann keksoz ki bezwen kontinyen ganny elabore pou ki bann bato zot pa pe polye lakot avek bann desarz.

Mr Speaker mwan en keksoz ki konsern mwan, e ki letan mon'n al Praslin tanzantan letan ou vin dan avyon ou vwar, se ki dan bomaten ou annan omwen 20 bato ki'n mouye da labe Anse Lazio.

E si sa 20 bato pe desarze granmaten dan labe Anse Lazio, nou pou vwar dan nou en problem. Alor nou pou bezwen reflexion byen lo la. E fer ki nou annan plis en pli bon kontrol e en pli bon fason pou zer sa bann desarz.

Bann *liabilities* NDGF avek SNPA se sa nouvo lorganizasyon pou pran bann *liabilities*. Nou pa konnen ki kantite sa bann *liabilities* i ete. Me selman letan si i annan sa bann *liabilities* ki leve mon krwar i pou enportan pou Gouvernman osi angaze li avek sa lorganizasyon.

Parey mon'n dir i pa en *enterprise* ki totalman endepandan avek Gouvernman. I osi annan en relasyon avek Gouvernman e letan i annan bann problem

avek bann keksoz parey *liabilities* la Gouvernman pou be zwen antre e vwar ki mannyer sa lorganizasyon i kapab ganny sa sipor pou *deal* avek sa bann *liabilities*.

E pou asire ki bann lobzektif i ganny zwenn. Byensir deswit la koman sa Lalwa i ganny pase Mr Speaker, nou pou apwent nouvo *Board* e la prezan *CEO* on tim, zot ava kapab travay anba sipervizyon en *Board*. E sa *Board* i ava kapab reponn kestyon lo si lobzektif sa lorganizasyon pe ganny zwenn oubyen non.

E seksyon 12 *Leader of Government Business* in lev sa pwen. Se kot Minis i donn direksyon sa lorganizasyon an ekrire. E sa lorganizasyon i devret swiv direksyon sa Minis. I pa nenport ki direksyon Onorab. Mon krwar i annan pou fer avek bann size, ki i annan pou fer avek bann travay ki sa lorganizasyon i annan pou fer.

E i pa pou normal ki Minis i donn direksyon sa lorganizasyon pou li fer en keksoz ki an deor Lalwa, ouswa ki an deor sa ki sa lorganizasyon i merit pe fer. E la mon krwar parey nou'n koz lo *whistleblower* byensir i pou vin otomatikman an Mars si en Minis pe demann sa

lorganizasyon pou li fer en keksoz ki pa akseptab legalman ouswa administrativman.

Alors sa i annan pou fer avek bann direksyon ki i annan pou fer avek sa lorganizasyon, ouswa egzekisyon bann plan nasyonal. Par egzanp, bann plan ouswa Polisi lo konservasyon lo prezervasyon.

Ouswa par egzanp anba nouvo Lalwa ki nou fek koz lo la lo *Nature Reserve and Conservancy Bill* ki pou vin en *Act*.

Minis i kapab donn serten lenstriksyon pou ki sa lazans i swiv bann direksyon ki sipoze ganny swiv pou fer sir ki lobzektif sa Lalwa ki annan pou fer avek konservasyon i ganny arive fer li.

Alor pou mwan i pa neserman donn Minis en gran kantite lespas pou li fer nenport kwa, e i senpleman en fason pou li donn pou legaliz sa drwa donn serten lenstriksyon sa lorganizasyon san kwa i posib ki nou kapab vwar nou avek serten *Board* ki mazine ki dan son lespri i endepandan, mwan mon en Lazans ki'n ganny kree anba en Lalwa. E mon pa pran lord avek tel ou tel dimoun dan Gouvernman.

Mon krwar i enportan ki sa lye i reste, me selman i pou a diskresyon Lasanble byensir, i

pou dir nou si zot vwar li i wen pe tro for, ouswa pou ki i demann ganny aziste en pe, pou reflekte vreman en lentansyon ki korek e ki pa donn Minis en diskresyon ki an deor normal.

Alors avek sa Mr Speaker mon ava aret la. E si mon'n mank okenn pwen petet Manm Onorab i ava kapab lev sa pwen avek mwan. E mon pou demann Mr Cedras mon krwar in pran *note* serten pwen ki nou ti'n mon pa'n touse. Mon ava pas avek li avek ou permisyon e i ava.

MR SPEAKER

Minis non, nou pa pou kapab fer sa akoz nou ankor dan Staz Lasanble. Nou bezwen esper Staz Komite, me selman i ava annan loportinite pou Mr Cedras kapab donn serten leksplikasyon.

Mon krwar ou'n donn ou repons avek ase detay lo tou bann largiman ki'n ganny leve e mon krwar sa i permet nou kapab vote lo *General Merit of the Bill* avan ki nou pas lo Staz Komite.

Alors mersi Minis pou ou repons. Avek sa nou a pran vot lo *general merit of Second Reading of the Bill*. Manm ki an faver lev lanmen silvouple?

Ok, Manm ki kont lev lanmen silvouple? Mersi. Vot lo *general merit of the Seychelles Parks and Gardens Authority Bill, 2021*. 20 Manm in vot pou, 0 kont e 10 abstansyon. Alor *Bill* in aprouve par Lasanble. Madanm Clerk a fer *Second Reading*.

MADAM CLERK

Mersi Mr Speaker. *A Bill of an Act to establish the Seychelles Parks and Gardens Authority to manage and administer parks and gardens and other areas designated as such and for matters connected therewith or incidental thereto*. Mersi Mr Speaker.

MR SPEAKER

Mesi Madanm Clerk. Nou a aprezan pas dan Staz Komite *Sargeant*.

Minis pou Mr Cedras, si i annan keksoz ki i bezwen dir oparavan la, selman mon ti a prefer ki nou pran parey nou abitye e kot i ariv en seksyon kot i santi poudir i annan en pwen ki i devret fer la, i kapab adrese. Tre byen, lo kote *Bill's Committee*, Onorab Chairman pou pran.

HON CLIFFORD ANDRE

Mersi Mr Chair. I annan serten koreksyon dan non li menm. *Seychelles Parks and Gardens* i mank en 's'. So, partou kot pou annan *park and garden* nou pou annan sa 's'ki pou'n ganny azout, nou'n tonm dakor lo la. Sa i ganny fer dan Seksyon 1, Seksyon 2.

Apre nou ti annan en konsern ki'n ganny leve, mon ava les avek *panel* pou klarifye. Lo kote *parks*, kot ti dir sa definisyon i tro restriktir. Eski ki mannyer i pe fer provizyon pou bann laspe lwazir. So, mon pa konnen si mon ava aret la Mr Chair pou permet *panel at least* eksplik ek Lasanble.

MR SPEAKER

Ok, ou pe rod definisyon *parks*.

HON CLIFFORD ANDRE

Yes, i dan Seksyon 2, dernyen.

MR SPEAKER

Wi, me eski ou pe sizere ki, ki si sa ki ou le nou regarde?

HON CLIFFORD ANDRE

Non, konsern setet ki i '*too restrictive, no provisions for leisure*.' So, *panel* in dir ki poudir zot, zot santi ki i annan *leisure*. Mon pa konnen si zot ti a kontan eksplike akoz sa ti sete konsern ki ti leve. Mersi.

MR SPEAKER

Mersi byen. Si *panel* pou eksplike i a eksplike. Si non, nou pou bezwen ki ou annan en *amendment* si ou pou fer. Panel ou le adres sa pwen ? Yes *Minister*.

MINISTER FLAVIEN JOUBERT

Mersi Mr Chair. Mersi Onorab pou sa pwen. Mr Chair, lesplikasyon sete ki *sustainable use* i enkli '*leisure*' e i napa okenn rezon spesifik pou azout alors '*leisure*'. Mersi.

MR SPEAKER

Mersi. Mon krwar sa i rezonnab. *Sustainable uses* i ase larzan pou enkli tou keksoz. Nou kapab satisfè Onorab Andre.

HON CLIFFORD ANDRE

Yes, nou a kontinyen lo 3. (2)(d) ek (e). Dan (d) in sanz '*monies*'. *Monies* ti ekrir *monies*. Nou'n sanz li nou'n met *moneys* '*moneys*' i annan bann koreksyon ki'n ganny agree dan (e) parey mon'n dir.

Menm zafer dan 4.(1).

MR SPEAKER

Wi, ale, les Onorab Andre fini. Ki ou le dir lo 4.(1).

HON CLIFFORD ANDRE

Mon vwar Onorab in lev lanmen.

MR SPEAKER

Wi, me ok Onorab Arissol, ki ou pe *tackle* 4.(1).

HON SANDY ARISSOL

Mersi Mr Chair. Lo 4.(1) mon ti a kontan rod en pti klarifikasyon *in regards to functions of the authority*. Lo 4. (1)(b) mon ti a kontan demann Mr Cedras *in regards to protect and manage effectively the ecosystems and biodiversity in designated Protected Areas which fall under the jurisdiction of the authority*. An vi ki bann *trail* i tonm anba zot ziridiksyon, mon ti a kontan demann ou, eski la zot ganny osi sipor avek Lapolis. Par egzanp pou an relasyon avek nou bann *trail*. Parske Anse Major, mon konnen i annan bann naryen fer ki *standby* lanmwatye semen ki fors bann touris bann touris aste en boutey delo R150, en koko R400. E sa touris i santi li menase parski i dan en bwa li tousel, alors i bezwen aste pangar i ganny menase oubyen i ganny swiv.

So, eski i annan en travay zisteman lo *function of authority* an relasyon avek bann lezot Lazans pou donn zot sa sipor

pou asire ki nou bann *trail* i an sekirite? Mersi Mr Chair.

MR SPEAKER

Mersi. Mr Cedras ou ava adres sa. Minis si ou permet nou a pas li laparol, oubyen ou le eksplike. *Yes, go ahead* Mr Cedras.

CEO ALLEN CEDRAS

Mersi Minis. Mersi Onorab pou ou keston. Lo kote kolaborasyon nou'n fini komans etabli avèk Lotorite Distrik Bel Ombre. Nou annan diskisyon avèk *DA e full time* nou pe prepare pou nou annan en *MOU* avèk zot, avèk Lapolis. Stasyon Lapolis Beau Vallon.

Actually pou dernyen ka nou ti al avèk Lapolis ansanm Beau Vallon, pou nou kapab fer arestasyon enn sa bann dimoun ki ti pe *harass* kliyan lo *trail*.

E nou pou anvi ankor travay en pti pe pli pre avèk Lapolis, an vi avèk kreasyon sa nouvo Lotorite, nou pou zwenn zot ankor pou gete pou kapab sipòrt nou pa zis lo *trail* Anse Major, me tou lezot *trails* e dan tou bann lezot park maren avèk zarden.

MR SPEAKER

Thank you. Onorab Andre.

HON CLIFFORD ANDRE

Mersi Mr Chair. Nou lot sete lo 5.(3) kot i pou lir koumsa, *“The salary and allowances and other terms and conditions of service of the Chairperson, Vice-Chairperson and Members of the Board shall be in accordance with Government policies.*

MR SPEAKER

Yes, Onorab Georges.

HON CLIFFORD ANDRE

Mr Chair.

MR SPEAKER

One second please. Mon annan en lanmen ki'n leve Onorab Andre.

HON BERNARD GEORGES

Mersi Mr Chair. Mon ti anvi zis briyevman fer sir ki amannman *to (4)(1)* se pou tir pou tir *subclause 1*, akòz napa en *subclause 2*. *Is that*, eski mon'n ganny li byen? Mersi.

MR SPEAKER

Byen. Yes.

HON CLIFFORD ANDRE

Zis pou klarifye sa. *Functions of the authority are ‘to.’* Nou'n *add ‘to.’*

Mon a kontinyen?

MR SPEAKER

Yes, please Onorab Andre.

HON CLIFFORD ANDRE

Ok, lot sete 6.(3) kot pou ganny lir koumsa, *Five members of the Board shall form a quorum for a meeting of the Board.*

Nou osi annan 6.(5), kot i komans *subject to there being a quorum*, nou pou delete ‘is present’ – ‘the validity of the proceedings.’ Apre i kontinyen parey i ete.

I annan konsern, wi lo 5 nou pou tir ‘were’ devan. So, i pou vin *subject to there being a quorum*.

I osi annan konsern lo Seksyon 8.(3) kot avan sete, ki manner ti’n ganny formulate sete Prezidan ki ti pou determin saler *Chief Executive Officer* e nou, nou ti vwar dan *meeting* yer ki sa i bezwen i ganny gide par Polisi Gouvernman a ler aktyel. E nou pa kapab anmar sa parey Onorab Loze ti dir, avek La Prezidans. Nou bezwen tir sa responsabilite, me i bezwen annan en Polis ki gid bann saler bann *CEO*, ensidswit.

So, i pou lir “*The salary and allowances and other terms and conditions of service of the Chief Executive Officer shall be in accordance with Government Policies.*” So, i pou reflekte pli byen. E menm zafer i pou

aparet dan 9.(3) kot *Deputy Chief Executive Officer*, son saler osi pou ganny gide in *accordance with Government Policies.*

MR SPEAKER

Panel in dakor lo sa bann sanzman. Onorab Gill.

HON CHURCHILL GILL

Mersi Mr Chair. Lo sa *Clause 8.(3)*, menm si i dir ‘*in accordance to Government Policies*,’ mon ti osi demann en klarifikasyon akoz i annan diferan antite, menm si zot *fall* anba menm *PMC* par egzanp. Me selman zot *allowance* avek bann *allowance* pou *Board Members* oubyen *Chairman* i varye.

Prezan nou, nou ti oule en leklersisman poudir sa enn ki zot pe dir nou ‘*according to the Policy*’, lekel sa enn *Policy* dan sa varyasyon ki annan par sa bann diferan *SOEs*.

Me dan leksplikasyon la, nou pa’n vwar sa bout ki nou’n ganny plis leksplikasyon lo la.

MR SPEAKER

Minis, ou ti a kontan adres sa.

MINISTER FLAVIEN JOUBERT

Mersi Mr Chair. Mersi Onorab pou sa pwen. *Gouvernement*

Policy dapre mon enterpretasyon i annan pou fer avek 2 Polisi prensipal. En se bann saler bann *CEOs* ek bann dimoun a latet bann lorganizasyon e lot i annan pou fer avek bann *Board allowances* e lakantite dimoun ki annan lo *Board*. E i annan bann dokimantasyon ki definir tousela aktyelman. E alors se sa *Policies* ki devret ganny swiv dan sa ka. Mersi.

MR SPEAKER

Onorab Arissol, kot ou ete ou? Yes.

MINISTER FLAVIEN JOUBERT

Eskize si ou pa'n tann mwan Onorab. Wi sa, prensipalman letan nou pe enterpret sa size *Gouvernement Policy* pou sa 2 seksyon. *Chief Executive Officer* apre *Deputy Chief Executive Officer*, i annan *Policy* ki egziste aktyelman ki definir bann diferan nivo ki bann Sef Egzekitiv i sipoze lo la.

Mon pa tro sir si bann *allowances* i ganny kouver 100poursan anba sa bann *Policies*, me selman mon konnen bann grad ek bann saler *basic* ki atase avek Sef Egzekitiv i aktyelman dan *Policy*. Sa i enn.

E lot i annan pou fer avek bann kantite dimoun lo bann *Board e allowances* ki bann *Board Members* i sipoze gannyen. E sa i deza definir e dan sa ka nou pou bezwen swiv bann *Policy* egzistan pou sa 2 size. Mesi.

MR SPEAKER

Yes, Onorab Gill.

HON CHURCHILL GILL

Minister, klarifikasyon ki nou, nou ti pe rode, nou konnen i annan sa *Policy* nou. Me selman ki mon pe dir ou, anba *PMC* diferan *SOEs* sakenn i ganny son *allowance*, son *amount* i diferan.

Aprezan ler ou'n met *according 'to Government Policy'* la, nou pe demande lekel *amount* sa *variation of Policy* ki sa enn i tonm anba la. Sa ki nou pe rode. Mersi.

MR SPEAKER

Minis.

MINISTER FLAVIEN JOUBERT

Mr Speaker mon pa pou kapab donn Onorab en larepons direk lo la. Akoz? Akoz ki Lotorite Park Nasyonal i ti'n sorti koman en lorganizasyon ki ti en *public entity*, en *regulatory body* e i ti pe bouz plis koman en

autonomous body e PMC ti pe koman gard en lizye lo li.

Ozordi dan nouvo Lorganizasyon ou annan Zarden Botanik ki'n atase avek ankor e kot i pou tonbe finalman, nou pou bezwen fini fer sa tranzisyon avan, e apre konpran egzakteman ki bann lareg ki pou aplike kot i konsern bann *allowances* pou Sef Egzekitiv ek son Depite.

Me selman mon repons ki mon kapab dir ou osi se ki plizanpli e mon krwar bann *statement* ki'n fer sorti resaman par Gouvernman, par Minis Finans, eksetera i fer kler ki i pou bezwen annan en pli bon kad pou ankadre tou bann Sef Egzekitiv, e fer ki Gouvernman i konpran pli byen, aköz e pou ki rezon aköz bann saler pe ganny donnen.

E mon krwar se sa direksyon ki nou pe ale e sa ki la osi, Sef Egzekitiv ek Depite anba sa lorganizasyon li osi i pou ganny *capture* dan sa revü bann size ki annan pou fer avek saler ek *allowances* pou bann dimoun lo bann latet sa bann lorganizasyon.

Alors mon pou espekte ki posibleman dan sa lannen ki pe vini la, dan sa lannen ki nou ladan, nou pou annan bann nouvo lenformasyon ki pou sorti pou definir egzakteman

kote sa bann dimoun pou tonbe lo kote saler ek *allowances*.

Akoz mon dakor avek ou ki in annan en kantite fleksibilite e in annan en kantite depar sorti lo sa pwen ki ti'n ganny definir. E ki ozordi ou vwar tou dimoun zot bann *package* i diferan fason, nenport koman, dapre sa ki zot *Board* i deside. Mersi.

MR SPEAKER

Thank you. Onorab Arissol.

HON SANDY ARISSOL

Mr Chair, mon retourn lo 8.(3) avek 9.(3) ki mon'n tann Onorab Andre dir, mon ti a kontan en pti klarifikasyon ; *"Is it in accordance with governmental Policy or Government Polices?"* Aköz pou mwan i *Governmental Policy*.

MR SPEAKER

Minis oubyen *Legal Counsel* i kapab adres sa?

MINISTER FLAVIEN JOUBERT

Mr Chair, mon krwar konsey se ki *Government Policy*. Pa *governmental*. I pli apropiye, mon krwar i pli bon fason.

MR SPEAKER

Byen, sa *amendment* i ava ganny antre. *Thank you.*

Onorab Andre ou a kontinyen *please*.

HON CLIFFORD ANDRE

Mr Chair, lot se *10.(1)(b)* ki nou'n tonm dakor. *10.(1)(c)* e *11*.

MR SPEAKER

Hold-on en pti kou. Onorab Pillay in lev lanmen. Yes Onorab.

HON SEBASTIEN PILLAY

Mersi Mr Chairman. Mr Chairman, mon'n lir sa enn Lalwa, mon'n lir Lalwa avan. Mon'n osi lir *Policy Document* pou fer *Parks Authority* vin en *independent entity*. Mon'n osi lir *Environment Strategy* ki ti'n ganny *defined* mon krwar par Minis e *PS* sa letan ki travay koman teknisyen sa letan dan Gouvernman. Zisteman pou konpran en pti pe kote nou oule ale avek *management* nou bann *park* ek sa.

Zis mon oule klarifye avek Minis, *retained earnings* ki sa antite pou fer prezan, so, nou pou annan *Botanical Gardens* ki pou *generate* en *income* i pou *manage* Vallée De Mai, so i pou *probably manage* lavant *Coco de Mer*, kernel, eksetera. I pou *manage* stok vann *Coco de Mer* li menm.

So, eksplik nou, la ki ou pe fer li vin en *budget-depent entity*, e ki anba 12 ou ki pou donn li direksyon. Mon pe sey konpran si- *Well*, Onorab Georges i dir ou pa prizonyen Prezidan, me selman si li in mazin sa, petet psikoloji i pe mazin ou prizonyen Prezidan. So, si sa pa kree en pti pe konfli?

Aprè zis an pasan Mr Chairman, mon fek ganny en *text* la *from* bann dimoun kot *store* lagrikiltir. Zot in dir mwan zot pa'n vann mwan en pake lagrenn 'konfizyon', me zot dir avek Onorab Georges pase pey sa pake 'lagrenn bat latet' ki i ti aste an Oktob 2020 !

(laughter)

MR SPEAKER

Bon, *ok*. La sakenn- La tou le de zot de in ganny zot mo, mon ekspekte ki kekfw a i ava fini la. *Ok*, ou pe rod en klarifikasyon avek Minis. Minis.

MINISTER FLAVIEN JOUBERT

Mersi Mr Chair. Mersi Onorab pou sa pwen ki ou'n fer sorti. Sa lorganizasyon parey mon'n dir, *National Parks Authority* i ti'n ganny an ekrir, donn en *financial independence* avek Minister Finans. Savedir i ti

kapab anmas larzan. E letan i anmas larzan i pa bezwen fer retournen dan *Consolidated Fund*. E i kapab retenir sa larzan pou li kapab re investir dan sa bann aktivite.

Sa nouvo lorganizasyon an vi ki son bann travay i ankor *still* parey en pozisyon *hybrid*, si ou get anba Seksyon 10, ou pou vwar ki i pou annan son bann sours finansman, i pou enkli larzan ki kapab sorti dan *National Assembly* dan apopriasyon fer par Lasanble Nasyonal. I osi sorti dan bann peyman ki i gannyen avek son bann loperasyon e osi *any* larzan ki i kapab anmase. Donasyon, *Grant* eksetera.

Savedir letan ou pe get li i pou en Lorganizasyon ki pou annan diferan sours finansman, akoz ozordi son leta se ki i pa ankor 100poursan debout lo son lipye.

Evantyeleman nou ekspekte si sa lorganizasyon i fonksyonn byen i pou kapab gannye donnen en lendepandans bokou plis kot i konsern finans, kot i a kapab soutenir son lekor e osi annan en rezerv pou ki i pa bezwen retourn kot Gouvernman pou demann larzan ankor.

Sa 10.1(a) i fer provizyon. Dan sa provizyon 10.(1)(a) i la an ka kot sa lorganizasyon dan

leta kot i ete aktyel i pa ankor kapab debout lo son lipye e i bezwen sipor Gouvernman. Nou pe espekte ki evantyeleman i pou kapab debout lo son lipye e nou ava sanz son *status*.

Me selman lo kote bann reveni ki i sipoze anmase, byensir i pa pou *manage* Vallée De Mai aktyelman, i pou *manage* Curieuse. Me selman i annan resours Coco de Mer Curieuse e i pou anmas reveni. E sa bann reveni i ava al dan son bann fon e i a kapab servi pou re investir dan son lorganizasyon e dan son bann aktivite.

E evantyeleman letan i vin *financially independent* e i komans debout lo li menm, *PEMC* pou re pran son fonksyon koman en Lorganizasyon *Oversight* ki mon krwar *PEMC* ti deza pe fer la aktyelman. Resaman nou'n antre an kontak. E i pou bezwen fer sir ki i deklar avek Gouvernman tou sa ki annan e tou son bann fon.

E parey nou konnen, avek sa bann sistenm kontrol, i pou napa bokou lespas pou li fer gran keksoz avek sa larzan eksepte anmase, rezerve pou son loperasyon. E si i annan bezwen, Gouvernman i dir li be mon bezwen en pe pou mon servi pou tel, tel size. I a

bezwen trouv en fason. Me selman parey mon'n dir i toultan enportan ki sa lorganizasyon i annan sifizan pou li kapab fer fas avek bann sityasyon difisil ki, parfwa i arive dan sa kalite loperasyon. Mersi.

MR SPEAKER

Mersi Minis pou sa leksplikasyon. Nou a kontinyen, Onorab Andre. Mikro Minis.

HON CLIFFORD ANDRE

Mersi Mr Chair. Mr Chair, lot se nou al lo 11, Ki nou'n tonm dakor. Nou lot seksyon ki nou'n diskit avek *panel* yer se 18. Onorab Hoareau i oule - Mr Chair, Onorab Hoareau i oule.

MR SPEAKER

Onorab Hoareau in lev lanmen, wi. *Sorry*.

HON JOHN HOAREAU

Mersi Mr Chair. Mr Chair, mon ti a kontan ki Minis i donn nou en pti pe leksplikasyon lo 12.(1). Vi ki pou annan en *Board* e nou vwar "*the Minister may in writing give general or specific direction to the authority.*" So, mon ti oule konpran anba ki sirkonstans ki Minis pou bezwen donn direktiv Lotorite.

Akoz vi ki ou annan an en *Board*, li ki si poze pe donn direktiv sa Lotorite.

MR SPEAKER

Minis, wi.

MINISTER FLAVIEN JOUBERT

Mersi Mr Speaker. Mersi pou sa kestyon Onorab. Vitman, akoz mon ti'n deza pas lo la dan mon *summary* en pti pe pli boner. I annan serten sirkonstans kot Minis pou bezwen donn direksyon sa Lorganizasyon. Par egzanp anba Lalwa ki nou ti pe diskite pli boner anba *Nature Reserve and Conservancy Bill*, i annan sa bout kot Minis i *assign* en landrwa proteze avek en Lorganizasyon pou li *manage*.

Letan sa 2 nouvo Lalwa i antre an plas, ki nou pou fer se ki nou pou re fer deklarasyon sa bann *park* egzistan, e atraver en let donn lenstriksyon sa Lorganizasyon pou li *manage*. E si i annan nouvo landrwa ki ganny deklare e ki Gouvernman i vwar ki sa nouvo landrwa letan i ganny deklare, son *management body* pou vin SPGA, mon pou bezwen ekrir en let SPGA pou dir li annan sa landrwa ki'n ganny etabli, depi sa dat la ou ki responsab e tou bann fonksyon i ganny donner

dan ou lanmen pou *mange* e lala ou bann lobligasyon anver Leta pou *management* sa landrwa.

So, i bann lenstriksyon parey ki annan pou fer avek fonksyon sa Lotorite, performans son bann fonksyon e bann desizyon ki relevan avek son aktivite ki li i pe fer. So, i napa pou fer avek okenn lenstriksyon an deor sa Lotorite sipoze pe fer, me i plito bann fonksyon, bann lenstriksyon ki ase nivo o.

E apre tou son bann detay administrative e operasyonnel sa son *Board of management* sa lorganizasyon ki pou pran ka avek. Mersi.

MR SPEAKER

Mersi Minis pou ou leksplikasyon. Onorab Andre kontinyen *please*.

HON CLIFFORD ANDRE

Yes, Mr Chair, nou'n ariv 18. 21 osi nou'n tonm dakor avek *panel*. 21.(1). 21.(2) sa i bann *gardens* kot i aparet. 21.(4) menm zafer e 21.(4)(c) li osi i annan *gardens*. 21.4(d) i menm zafer.

E avek sa Mr Chair. Termin bann lamannman ki nou'n tonm dakor yer avek *panel*, avek *Bills Committee*. Mersi.

MR SPEAKER

Thank you. Eski Manm Lasanble i annan okenn lot klarifikasyon. Onorab Gill wi.

HOIN CHURCHILL GILL

Ti annan en pwen ki *CEO* ti sipoze eklersi taler. Me selman nou pa ti dan *Committee Stage*, i pa ti kapab koze.

MR SPEAKER

Wi, i annan pwen ki *CEO* i ti a kontan avanse.

MINISTER

FLAVIEN

JOUBERT

Wi Mr Chair. Mersi Onorab pou fer nou rapel sa. Ti annan en kestyon konsernan *fire breaks*, ti annan bwe mouyaz Curieuse ek St. Pierre. Ti annan sa provizyon pou ofer servis a en o standar e osi travay ki zot pe fer lo *nature trails*. Mersi.

MR SPEAKER

Thank you. CEO.

CEO ALLEN CEDRAS

Mersi Minis. Mersi Onorab pou ou kestyon. Konsernan *fire breaks*. Ou konnen poudir zot in dir taler, pou annan bokou *challenges*, ou menm ou ki ti met sa. Ki nou'n fer nou, pou nou adres sa *challenges*, se Praslin pou premye fwa, Praslin

National Park in ganny en *management plan*. Dan sa *management plan* ki'n fek ganny fer i annan bokou stratezi ki annan pou fer avek *fire bricks, fire, contingency*, son *management* menm, syantifik, tou keksoz.

E pou lenformasyon, osi pou *trail* Praslin pou ganny son premye *trail* ki pou *open*, ki pou peye, sa lannen menm. Sa se Glacis Nwanr *trail*. Kot anler kot oter Fatima nou pou fer en pti *parking* apropiye ek son *management* ki pou vini pou sa.

Konsernan *moorings* ki Onorab Woodcock ti pe demande. Pou son lenformasyon *moorings* nou'n fini komans mete. Nou ti annan en bon konversasyon detrwa semenn pase. Si ou al dan *park* Curieuse la ou pou vwar St Pierre in fini mete, Baie Lare in fini mete, Anse Jose nou pou fer li sa semenn.

e pou lo kote Mahe, Onorab Aglae dan Park Maren Baie Ternay nou'n fini met 4, nou pou annan ankor enn pou mete. E sa semenn e semenn prosenn nou pou'n fini met ankor 5 dan Port Launay.

E pou lenformasyon, lo kote *mooring*, depi lontan ti'n fini etabli bann *mooring designated areas*. Tou park. Pou sa 5 park nasyonal ki anba

management SNPA. Tou bann *designated sites*, lo Curieuse, Ile Cocos, Ste Anne, Baie Ternay, Port Launay. Nou'n fini etabli sa e nou pe fer en bon *management* pou fer sir poudir bann operater i pa met bann bwe, bann lank dan koray.

E si sa pe arive, se bann operater zot menm ki pe fer neglizans, akoz zanmen nou donn en *designated site* kot i annan koray. Prensipalman i pou *either* disab or bann *rubble* ki pa pou reprodwi ankor.

Lo kote standar, nou'n fer en bon pe travay dan *back ground* e nou *team* ki an plas, nou'n fini fer en plan stratezik ki annan tou keksoz ladan. I annan son bann diferan *PPPs* ki nou pou fer avek bann *private sector* e sa i adres kestyon Onorab Aglae lo kote bann *partnership* ek biznes e sa ki Onorab Woodcock in leve.

E nou pou fer sir poudir nou devlop en plan kot i annan sa bon partenarya. Pou sa dernyen 5 mwan depi ler ki mon'n pran lofis koman *Interim CEO*, mon'n nobou pas avek bann diferan *CEO's*. Mon'n menm zwenn Manm Kominote *MNAs Inner Island* kot Onorab Gill, Woodcock ek Onorab Doyace Poris. E osi mon'n zwenn osi bokou lotel, bann *boat operater* ek lezot biznes,

Minister Touris, bann diferan Lazans Gouvernman, pou fer sir zot koman etabli sa bann lyen ki mannyer nou kapab travay ansanm. E sa pou fer sir poudir nou lev nou standar e se sa ki nou anvi fer pou SPGA.

Lo kote *nature trail*, adres bann Onorab pou Bel Ombre. Lo kote *nature trails* nou pou anvizaze travay avek distrik. Nou'n deza komans fer bann premye pa. Nou ti'n deza envit ou. Ansanm nou ti la lo kote Anse Major. Lo kote Anse Major nou konnen i annan sa laspe sekirite ki nou bezwen *deal* avek seryezman e fer sir poudir son *trail* i vin *safe*.

Nou pou ouver osi bann lezot *trails*. I annan Morne Seychellois ki nou pe travay lo la, e osi bann lezot *trail* kot parfwa i annan bann later prive ki Minis ti mansyonnen. Nou bezwen fer bann negosyasyon e pour sa nou pe annan, i dan nou plan pou nou kapab develop en pti pe plis.

Me pou lenformasyon Lasanble en pti pe, pou fer zot konpran ki mannyer nou pe marse *as letan* nou pou servi sa nouvo Lalwa, tou nou bann - mazorite nou bann park nasyonal nou'n deza kree bann *management plan*. So, nou'n kre 6 an tou, la i reste

Silhouette ki napa, Ile Cocos avek Morne Seychellois.

Morne Seychellois ti deza annan en *management plan* ki ti ganny fer an 1999, zot in sey *attempt* pou fer enn 2018 a 2022. I annan bokou *challenges* aköz i annan sa bann later prive. Nou bezwen get en pti pe plis ki mannyer nou kapab travay.

Me nou annan ase lenformasyon lo sa ki'n pase avan e sa bann lenformasyon nou pou servi pou nou kapab avek nouvo lenformasyon ek osi avek bann nouvo teknoloji, sey vwar ki mannyer nou kapab fer sa *management plan* avek konsiltasyon tou bann *stakeholders*. Mersi.

MR SPEAKER

Mersi *CEO*. Wi Onorab Gill.

HON CHURCHILL GILL

Wi, i annan enn ki i pa'n donn larepons. Mon ti demande sa kantite yot ki mouye Curieuse. Eski *SPGA* pe benefisyè okenn *fee*. Aköz sa bann *mooring* ki ou'n mete i annan en *cost* avek e pou ou *maintain* li i annan en *additional cost*. Eski sa bann *super yacht*, sa bann bato krwazyer ou pe sarz zot pour lemoman oubyen en keksoz ki pa ankor, me selman i pou vini. Mersi.

MR SPEAKER

Mersi, *panel* pou ou kapab adres sa.

CEO ALLEN CEDRAS

Mersi Onorab pou ou kestyon, pou ou kestyon. *Regarding* sa bann *motor yacht*. Pou lenformasyon sa Lasanble, nou deza annan en plan ki'n fini *layout* lo kote *mooring*. So, *mooring* i annan en *fee*, i deza dan sistenm *SNPA* ki nou pou kontinyen avek anba *SPGA*.

Pou bann *motor yacht* avek *cruise ship*, nou'n deza etabli bann *designated site* kot zot pou site. Curieuse i annan 2 *site*, akoz par ler divan vann swet, divan vandnor or divan vandnorwas ki en pti pe for, i bouz bann bato kantmenm zot gro. Pou Ste Anne osi nou'n fini etabli zot landrwa e nou'n kominik avek Lotorite Port pou donn zot sa bann *coordinates* ki zot, zot a pas sa akoz i fer par bann Lazans Hunt Deltel/ Mahe Shipping e *Sail Super Yacht* e zot kapab pas sa avek sa bann *cruise ship* e osi sa bann *motor yacht* ki vin dan park.

Lo kote benefis *regarding* sa bann *cruise ship*; wi *SNPA* i ganny son benefis. Tou bann pasaze, *either* ou en *crew* or ou en touris lo sa bato, letan ou

dan park, ou pey nou *park*. So, Curieuse in benefisye bokou. Mon napa tou statistik la dan latet, me selman mon kapab dir ou pou sa lannen, 2022 i annan pa mal *cruise ship* parey ou'n dir. E nou'n anmas nou *significant amount* lo kote bann *fee* ki annan pou fer avek *non residence*.

So, tou dimoun ki lo bato. pe enport, debarke pa debarke ou peye.

Me pou zesyon salte, pour lemoman nou annan en Polisi dan nou bann *park*, napa okenn bato ki annan dwa vin desarz okenn keksoz. Swa lo nou zil, swa dan nou lanmer.

So, nou fer sir e nou annan patrol regilye. E la nou annan nouvo teknolozi. Nou bann *park* i komans servi *drones* e nou pe fer sir pou fer bann *drones patrol* osi tou, pou nou kapab fer sir pou detekte okenn *anomalies* ki kapab arive dan nou landrwa. Mersi.

MR SPEAKER

Thank you CEO. Mersi pou sa bann leksplikasyon. Avek sa nou a termin sa staz e nou a re pas dan Staz Lasanble pou fini avek sa *Bill*. E mon a demann Leader Biznes Gouvernman pou anmenn Mosyon pou *Third Reading* silvouple.

HON BERNARD GEORGES

Mersi Mr Speaker. Mr Speaker, anba *Order 76(1)*, mon *move* ki *the Seychelles Parks and Gardens Authority Bill, 2021 as amended* i ganny lir en Trwazyenm Fwa. Mersi.

MR SPEAKER

Thank you. Onorab Arissol a segonde.

HON SDANDY ARISSOL

Mersi Mr Speaker. Bonswar tou dimoun ankor enn fwa. Apre en long zournen travay mon siport Mosyon propoze par Onorab Georges. Mersi Mr Chair.

MR SPEAKER

Mersi, mon apel Manm pou vot lo sa *Bill*. Manm ki an faver lev lanmen silvouple? *Thank you*, Manm ki vot kont? Vot lo *Formal Third Reading Seychelles Parks and Gardens Authority Bill, 2021 as amended*, 21 Manm in vot pour, zefor kont e 1 abstansyon. *Bill* in aprouve par Lasanble. Madanm Clerk a fer *Third Reading*.

MADAM CLERK

Mersi Mr Speaker. *This Act may be cited as the Seychelles Parks and Garden Authority Act, 2021 and shall come into operation on*

such date as the Minister may by notice published in the Gazette, appoint. Mersi Mr Speaker.

MR SPEAKER

Mersi. Mon annan plezir rekonnet sa *Bill* in pase par Lasanble.

Bon, mon krwar nou ava aret la pou ozordi. Mon a dir zot mersi pou zot travay. Mon a dir mersi panel e sirtou Minis pou son prezans pou lazournen antye, e mon swet zot bon kouraz e bonn kontinyasyon. Mersi tou dimoun. Nou pe al dan *workshop* organize par *Women's Caucus* demen bomaten. So, nou a zwenn zot tou laba. *Adjourn.*

(ADJOURNMENT)